





12. 1. 394. - Converted

213 XII 2 64045

Boston Medical Library in the Francis A. Countway Library of Medicine ~ Boston



LA

METHODE

CVRATOIRE DE LA MA-

rement appellée grosse vairolle, & de la diuersité de ses symptomes.

Composé par Thierry de Hery, lieutenant general du premier barbier Chirurgien du Roy.



A PARIS.

Chez Gilles Gourbin demeurant deuant le college de Cambray ruë S. Iean de Latran à l'enseigne de l'Esperance.

I 5 6 9.

Auec privilege du Roy, & de la Court de Parlement.



A LA REPVBLIQUE Françoise.

A principale intention & premiere deuotion, en designant le proiect de ce petit traicté de la methodique curation de la vairolle, a esté de publier ce que i'ay entendu par la raison, & congneu par experience, profiter, & seruir necessairement à la congnoissance, & curation de la maladie, à fin d'aider du peu que ie scay, & d'aduancer du plus que ie puis le profit de la santé publique. Et ay tousiours fondé ceste mienne intention sur ce qu'asseure Platon au dialogue premier de la republique, où il dict, Que tout ce que nous faisons particulierement pour nous, s'il est assis sur profit,ne

s'estend point plus loing que le cuir de nostre bource, mais si nous l'appuyös sur l'honneur, est d'autant plus honnorable qu'il touche plus communement ou au prousit de plusieurs, ou au publicque salut. Außi m'ail semblé estre, comme c'est à la verité, l'office de l'ouurier exposant son art, & sa diligence au seruice de tout un pais, de dresser tous les traictz de ses trauaulx au but de ce bien publique, & le deuoir auquel tout home est obligé par la nature, 🖙 par le sort de l'associable humanité, estre außi ciuil & humain, qu'il est politiquement regardant le commun estat des citez, & la generale commodité de l'vniuersité des republiques, & de tous les hommes, & les corps qui en font les chefs, & les membres . Ne m'estant donques proposé en labourant les seil-

lons de ce labourage rien de mon particulier aduantage, ains ayant semé ce mien labeur pour donner le plaisir de ses fleurs au Lecteur docte & studieux, 🖙 le proufict de son fruict à chacun à qui plaira le cueillir pour en ayder à ceux qui en auront besoing, ie ne puis plus commodément ne plus fauorablement m'adresser qu'à toy Françoise Republique, qui es en ta grandeur souueraine soustenue des plus grands d'Europe: ne plus proprement dedier les premiers fruictz de mon champ, qu'à toy pour qui ie l'ay semé, labouré, & cultiué. Aussi est ce à toy que ie m'adresse, O que ie choisis pour receuoir la fatique de ces miens tels quels labeurs, & les appuyer sur la force de ton nom tresclair, tres-illustre, & tres florissant. Grad soulas sentirois, si ie les cognoissoye par

toy bien receuz, fauoriz, & approunez: mais au moins plaisir te sera ce de me sen tir affectionné à ton entretien, & accroissement: esquelz si par mon impuissance ie n'auray peu aduenir, en le voulant, & m'y efforceant, tu ne m'accuseras de l'auoir voulu, sil est vray ce que dict le Poète, que ce soit assez d'auoir voulu es plus grandes choses.

AVX LECTEVRS de bon vouloir Salut.

E diuin Platon (comme par tout ailleurs) ainsi a il diuinement bien dict au dialogue de la santé,

que les altercatios & disputes moderees esclarcissent la verité: les con tentions & controuerses excessives entre les opiniastres obscurcissent les tenebres d'ignorance: Ce que vous auez peu, amis lecteurs, prouuer en mainte autre chose, & ie l'ay n'agueres experimenté en la curation de la maladie Venerienne, vulgairement appellée la vairolle, en laquelle i'ay descouuert des tant fortes dissensions entre les doctes methodiques, & les ignorans em-

ā iiÿ

piriques, que ie ne suis plus esmerueillé, & ne vous debuez plus esbahir, comment, & pourquoy par cy deuant tant de pauures personnes sont peries: attendu que tout ainsi qu'vn baston tortu ne se peult bonnement redresser, n'vn vieil arbre trasplanté reiecter des boutos verds Galien li- (come dict Galien apres le Poëte) ure 3. de la ne plus ne moins est-il malaisé, que celuy qui est enuieilly en vne opinion tant soit elle euidément faulse & absurde, la laisse pour adherer à la verité: pource q l'amour de soymesme, ioinct auec le desir de gloire & reputatio, l'empesche de se ren ger à ce qu'il cognoist autrement estre plus certain & plus veritable. Doncq pour esclaircir les doubtes nées de tant diuerses opinions, &

difference des pouls.

pour soulager selon mon pouuoir, & le debuoir de ma profession en ceste curation tant commune que difficile, vous ieunes estudiants de bon vouloir, pour lesquels, & pour la patrie, ie me recognois auec Ci-ceron estre autant né, que pour ure 3. des moy, i'ay trauaillé à escrire, & vous offices. communiquer ce que suyuant la methodique raison i'ay experimenté en la quotidienne curation de la vairolle: Experimenté, dy-ie, protestant ne vous dire rien, fors ce, dont auec longue experience i'ay faict seure probation confermee par la methode que i'y ay tousiours conioincte. Car i'ay tousiours crainct ce que Galien a reproché à ie ne sçay quels empiriques, qu'ils faisoient gain de ce dot

ils estoient plus ignorans: comme font auiourd'huy vn tas de vieilles matrones, tailleurs de pierre, prestres, & autres de telle farine: lesquelz feroyet beaucoup mieulx, pour le bien du pauure peuple, de l'exercer en ce qu'ilz sçauent, que d'entreprendre la practique de medecine & chirurgie, où ilz n'entendent art ny raison: & moy auec tous ceulx de ma profession, monstrants par effect auec Galien, que raison sans experience est peu de chose, experience sans raison n'est rien, forts vn cousteau en la main d'vn maniaque. Ce que tous les iours monstre à l'œil la deplorable perte de plusieurs pauures malades traictez (ie diroye mieulx tuez) de ces temeraires plus propremet appellez Thessaliques, que empiriques. Pour seruir donques au proussit publique poursuyuant mon present dessein, l'imiteray au plus pres que ie pourray les plus doctes & expers medecins & philosophes, particularisant en la generale methode curatoire des maladies en ce traicté de la vairolle, & y touchant sommairement les plus seures opinions roborées de l'experience des plus grandz chirurgiens, & de celle qu'il a pleu au Seigneur me departir, auec les indications, & tout ce que ie penseray tant vtile que necessaire, pour congnoistre & bien guerir si fascheuse maladie. Or ie n'escrips point aux doctes: car ils n'ont affaire de moy, ne de mo instruction:

l'Eunuc.

moins parle-ie aux ignares mesdi-Terence en sans & enuieux: car tels ne trouuent rien bon, s'il ne part de leur officine. le me communique à vous ieunes gens de bon vouloir, afin de vous stimuler à charitablement poursuyure le secours que vous debuez aux affligez de ce mal suyuant methode & raison, & au contraire vous reuoquer de tant perilleuse entreprinse, comme est la curation de la vairolle, sans cognoistre les indications prinses des choses naturelles, non naturelles, & contre nature, necessaire en cest endroich. Et si vous disant ce que i'en pense, & vous recommandant l'argent vif, comme propre & necessaire à curer ceste maladie, ie resueille maints doctes homes à blas-


mer luy, son vsage, & moy qui le recommande, à me reprouuer: ie les supplieray humblement de nous enseigner par leurs escripts meilleurs, & plus certains remedes: & non de s'amuser à chercher par vaine dispute, combien est en l'argent vif plus propre, & plus prompt l'effect de trop nuyre, que de peu ayder, & ne laisseray ce pédant à vous prier, & eulx aussi de ne m'estre en lisant censeurs tant seueres, qu'ilz ne m'excusent en mes faultes lesquelles ie aduoue comme homme prompt & subiect à faillir, & recongnois tout le bien (si bien s'y retrouuera) du seul autheur de tout bien.

Priuilege Du Roy.

ENRY par la grace de Dieu Roy de France aux Preuost de Paris, Baillif de Rouen, Seneschaulx de Lyon, Thoulouse, & a tous les insticiers de nostre Royaume, ou leurs lieutenants, Salut. Receue auons l'humble supplication de no stre cher & bien aimé Thierry de Hery, lieutenant general de nostre premier barbier,contenant qu'il a composé aucuns liures intitulez La maniere 🔗 methode de guerir de la maladie appellée la grosse vairolle, auec ses causes, & symptomes: Lesquelz liures il feroit vo luntiers imprimer, tant en Latin qu'en François, pour le bien & Vtilité du bien public: Mais il doubte qu'apres ladicte impressio aucuns imprimeurs, ou autres ne les imprime deprauément au grand preiudice, o dommage, tant de son imprimeur, que de luy, humblemet requerat sur ce par nous y estre pourueu. Pource est il que nous inclinans liberalement à la supplication dudict de Hery, luy auons de nostre orace speciale permis, & permettons, par ces presentes, qu'il puisse, & luysoit loisible faire imprimer, tat en Latin qu'en Fraçois publier, exposer, on mettre en vente par tel

libraire que bon luy semblera, lesdictz liures cy dessus declarez, composez par ledict de Hery. En faisant au surplus expresses inhibitios, & defenses à tous les imprimeurs Colibraires de nostre Royaulme de n'imprimerzexposerzou mettre en vete les dictz liures intitulez come dessus, durat le teps de quatre ans à compter du iour qu'iceulx dictz liures seront acheuez d'imprimer, sans le congé, 🔗 permission dudict exposant. Et ce sur peine ar bitraire à nous appliquer, & confiscation desdictz liures. Si vous mandons, & à chascun de vous, si come à luy appartiedra, que de noz presentes grace, permission, & deffense vous faictes, & souffreziouyr, & Ver ledict sup pliant plainement, o paisiblement, sans luy faire, ou donner aucun destourbier, ou empeschement, lequel, si faict estoit, reparez, & remettez incontinent, & sans delay au premier estat, & deu Cartel est nostre plaisir, nonobstant quelconques choses à ce cotraires. Doné à Chaallons le 18 iour deMars, L'an de grace 1551. Et de nostre regne le cinquiesme.

> Par le Roy en son conseil, Hurault.





LA METHODE CVRA-toire de la maladie Venerienne, vulgairement nomée Grosse vairolle, auec ses causes & symptomes.

> I L est ainsi que la doctrine du Deux choses vray & parsaict chirurgien cosi-siste la do-ste partie en la theorique & spe-trine duchiculation des choses vniuerselles rurgien.

& particulieres, appartenantes à l'art de chirurgie:partie en la practique qui est vn vsage & exercitation des choses precedentes, entre lesquelles principalement est comprise la cognoissance de la maladie. Ie ne puis Galien ensa penser que celuy, qui par bonne & vraye me-methode. thode vouldra curer la maladie Veneriéne, ap pellée du comun grosse vairolle y puisse faire chose qui vaille, sans en auoir la cognoissance telle qu'il appartient, attendu que de la congnoissace de la maladie procede la cure & l'in uention des remedes. Ayant donc deliberé en escrire la curation en ce petit traicté, i'ay estime que ce seroit pour le mieulx, si ie commençois par l'explication de la nature d'icelle, com

menceat à son origine plus remote & premiere: laquelle selon les autheurs qui en ont escrit Manard au est incertaine & doubteuse. Disent aucuns 7.liure de ses qu'elle est nouvelle, & a prins naissance de ce epistres. temps. Les autres qu'elle est vieille & à esté cogneuë des siecles passez, s'acquerant seulemét par cotagion ou attouchement, & pour cofirmation de leur dire, alleguent que si elle est recente il n'y auoit personne au precedet de qui par contagion elle peult estre gaignée. Si elle est acquise par contagion seulement, elle ne peult estre nouvelle, par ce qu'il estoit quelqu'vn au precedent de qui elle seroit venue. Pour respondre a ces opinions, aucuns maintiennent son origine estre prouenue d'vne isle incogneuë aux anciens, & n'a pas long temps descouuerte par les Espaignolz nauigans, enuiron le téps qu'elle nous est apparue, & qu'en ceste isle telle maladie est toute comune, dont aussi elle fust par eulx apportée en ces païs. Les

autres disent & est l'opinion plus comune, que lors que le Roy Charles huyctiesme passa en

Italie l'an 1493. pour la reductió de Naples, vn

gentilhomme lepreux, estant à Valence en Efpaigne, achepta la nuict d'vne dame cinquate escus, laquelle puis apres infecta plusieurs ieunes hommes, qui eurent aussi copaignie d'elle dont aucuns suyuirent le camp du Roy & y

Le Roy Charles 8.à Naples.

espandirent ceste pernicieuse semence, qui depuis à regné non seulemet en France & Italie: mais aussi en toute l'Europe, & quasi vniuersellemét par tout le mode. Toutesfois, si Chre-L'opinion de stiennement & selon l'experiéce, nous faisons iugement, il se trouuera que non seulemét les choses dessus alleguées:mais aussi que ny l'air corrompu, ny l'infection des eaues, ou autres aliments, sont cause suffisante de la generation de telle maladie. Qu'ainsi soit n'a lon pas veu, tant ou parauat que la vairolle apparust qu'au mesme temps & depuis, plusieurs couerser en air putride & infect, vser de mauuaises eaues & autres alimetz vitiez & corrompuz? N'y a il pas eu des ladres, qui ont eu compaignie de leurs femmes & autres, auec lesquelles plusieurs autres ont depuis habité? Maintz homes ont ilz pas habité auec leurs femmes, quasi en tout temps de l'année, icelles avas leurs fleurs ou menstrues, rouges, blaches, ou passes, & autres mauuaises indispositions corporelles : lesquelz toutesfois ont esté exemptz de telle maladie? Pource donc, debuons nous referer son origine à l'indignation & permission du Createur & dispersar de toutes choses : lequel pour refrener la trop lasciue, petulante & libidineuse volupté des hommes, a permis que telle maladie regnast entr'eulx, en vengeace &

Exod.9.

punition de l'enorme peché de Luxure. Aussi bien que Dieu commanda à Moyse iecter en l'air pouldre, en la presence de Pharaon, afin qu'en toute la terre d'Ægypte les homes & autres animaulx feussent affligez d'apostemes, excitas vlceres, come il est dict en Exode 9.cha. Mais sans nous consommer en telles disputes no necessaires à la matiere presente, commençons à expliquer sa nature, sans laquelle n'est pas possible methodiquement suyure sa guerison, ce que nous serons en vsant clairement & briefuement de ce que les philosophes dialecticiens ont appellé diffinition, ou en son deffault de description. Puis si la chose dont sera tenu propos & question n'est simple, ains composée: nous la diviserons en ses parties, & traicterons particulierement ses especes, declarans la nature de chascune d'icelles, iouxte la methode que Platon à aprins d'Hipocrates, comme recite Galien en ses commentaires sur le liure de Natura humana. Et pource qu'il ne est encor bien congneu ny manifeste, comme on doit appeller la chose, dont nous voulons traicter: nous luy imposerons nom conuenable à sanature, saquelle consiste en ses causes, desquelles (come nous monstrerons cy apres)

Le nom de la principale est l'acte de Venus, dont me semla maladie. ble qu'a bone raison doibt estre nommée ma-

ladie Venerienne: mais pour autant que nous auons ia receu en nostre langue Françoise ce terme de Vairolle, & que le vulgaire entend mieulx, par ce mot, la maladie dont nous voulons parler, nous vserons aucunesfois de l'vn, aucunesfois de l'autre, laissas la reste des noms qui luy ont esté imposez par ceulx qui sont particulierement affectez contre les nations. Aussi que (comme escript Galien) il ne fault estre tat curieux des noms, pour ueu qu'on entende la chose par culx signifiée. Or puisque toute tractation methodique se doibt comencer par diffinition, pour auoir congnoissance de la chose subiecte & traictable (suyuant Ciceron au premier de ses offices) le prendray premier de mon exorde à la diffinition d'icelle.

Ses offices.

Diffinition de la Vairolle.

Maladie Venerienne ou grosse vairolle est vne indisposition contre nature, causée de vapeur veneneuse, par attouchement, principalement en compagnie charnelle (auec qualité occulte) commenceant le plus par vlceres des parties honteuses, pustules en la teste & autres parties exterieures: laquelle se cachar puis apres aux interieures, cause douleurs aux articles, le plus souuét nocturnes, tophes, scir-

rheux, & par succession de temps corruption des os, & autres parties spermatiques. Si aucuns pensent qu'en ceste descriptió nous n'ayons assez soingneusement obserué la naturelle briefueté qui y est requise, ie les pries considerer que la nouveauté de ceste maladie beaucoup plus frequente & commune, que congneuë, m'a contrainct d'assembler tout ce qui la pouuoit rédre certaine & differente des autres, suyuat les philosophes dialecticiés, qui au default de ce qui naturellemet est propre à vne chose, & qui la faict differer d'vn autre, sont contraincts pour expliquer sa nature, d'amasfer tout ce qui luy peult aduenir, que les Grecz appellent symptomes ou accidens, & en faire vne description, qui autrement est appellee diffinition accidentale. Or par ceste diffinition nous auons la parfaicte & entiere intelligence d'icelle maladie, come plus amplement sera deduict en traictat de ses especes, differéces & causes, laquelle encore nous donne à entédre, que la vairolle est vne seule, & non plu-La vairolle sieurs maladies, contre l'opinion d'aucuns qui est vne et no la disoyent estre complication & assemblee de indispositions: & que la curation de l'vne se pouvoit faire sans l'ablation de l'autre, qui est chose faulse, comme iournellement nous en voyons l'experience. Pource qu'encor que les

plusieurs maladies.

pustulles & viceres soyent curees, & les douleurs appaisees, si la cause d'icelles n'est exterminee, la maladie ne fauldra à recidiuer & ré-Galien au 3. cheoir, Ne plus ne mois que qui auroit ofté en & 4. de la vn febricitat l'aridité & seicheresse grande de methode. la fieure, ou la soif, le laissant tousours en possession de sa fieure. Ou en vn absces, qui osteroit l'intéperie, delaissant les deux autres genres de maladie, qui est vne chose impossible & hors de toute raison. D'auatage, si ainsi estoit, il ne fauldroit pour la chasser & ietter hors, vne seule curation: mais autant qu'il se trouueroit d'affections ensemble compliquees. Or nous voyons au contraire, que par vn seul me- La vairolle dicament & vne seule intétion, la cure & gua- seul medicarison sen ensuy. Qui vouldroit toutes sois ment & vne dire ceste maladie simple, particuliere & deter seule intenminee:il seroit deceu, attendu la multitude & tion. bande de maladies, qui souuét se voyent confuses auec elle, & les especes de symptomes, que lon voit sourdre, selon la nature de ceulx qui infectent ou sont infectez, & l'intemperie

ou cachexie des corps. Oultre il nous fault en icelle former & comprendre vn quatriesme genre de maladie necessaire à congnoistre, puisque (fuyuant Hippocrat, Galien & tous autheurs) l'indication premiere & principale (sans laquelle la cura-

a iiii

tione se peult methodiquemet faire) est prinse de la maladie: car si c'estoir intéperie seule & simple, elle se roit chaulde, froide, humide, seiche ou copliquée d'icelles. Et lors auec medica mens contrarians par leur seule qualité froide, chaulde, seiche, humide, ou mixtionez ensemble seroit curée. Si c'estoit incomoderation ou mal coposition, elle seroit en indecente conformation ou figure, en nombre, en magnitude, ou en situation, Si c'estoit solution de continuité, ce seroit erosion, incisson, perforation, morsure, ruption, distension ou contusion : lesquelles auec les remedes descriptz des anciés pour la curation de telles maladies, seroyent guaries. Mais nous voyons que à telz remedes comuns, elle ne veult ceder, par la preuue que iournellement nous en auons en plusieurs, qui pour vne douleur de teste ou autre fluxio (que lon pensera simple catharre) vseront de diuers preparatifz, regime, purgations, phlebotornies, par plusieurs fois reiterez, & toutesfois ne seront guariz, de sorte qu'ilz seront cotrainctz (auec quelques signes assez obscurs) venir aux remedes propres operans par leur proprieté specifique & occulte. Ce qu'encor nagueres nous auons pratiqué en deux homes & vne femme, l'vn ayant vne ophthalmie en l'œil senestre: laquelle il auoit porté bien par

neuf moys, auec fluxions & douleurs repetentes ordinairement en iceluy. L'autre auoit vne douleur intolerable en la teste: laquelle auoit duré bien pres d'vn an. Et la tierce qui estoit vne semme auoit porté par plus de trois ans rongnes en la teste, pésant estre la tigne auec fluxions, & catharres quelquesfois distillat en l'estomach & en la bouche, faisans petis vlceres en forme d'eschauffures nomez de Galié en son sixiesme liure Catatopus, ou selon les parties, aphtæ. Pour la curation desquelz, plusieurs remedes communs auoyent esté administrez, sans pouuoir les guarir. Et au bout du téps ie fuz mádé pour en deliberer, ou (apres plusieurs discours) sut coclud que tout ce prouenoit de la vairolle, & qu'on y debuoit proceder auec remedes propres à elle. Ce qui fut faict, & par telz remedes furent guariz tous trois. Puis donc, que par tous remedes communs & propres à la curation de ces trois genres de maladies, elle ne peult estre curée: il fault cofesser qu'il y a vn propre, & ie ne sçay quoy, qui ne se peult bonnement dire (sauf meilleur iugement que le mien) que nous dirons estre vt quatriesme genre de maladie, & tout ainsi come il nous est occulte & caché, il a besoing pour l'ablation & curation de soy (oultre les choses communes) de quelque medicament

alexipharmac, operat par proprieté specifique & occulte. Comme il est pratiqué en epilepsie, que nul medicament chault, froid, sec ou humide, fera tel essect que sera viscus quercinum vnicornu, ou la racine de Peonia dit Piuoine en françois, operant par ladicte faculté: come des cript Galien au 6. liure des simples, chapitre de Peonia. Bien est vray qu'outre ladicte proprieté occulte, il y a choses manisestes & comunes aux autres genres de maladie, qui sont les symptomes ou accidens suruenas à icelle, comme nous deduirons cy apres.

Des especes & differences de la Vairolle.

Aintenant descrirons les especes & differences, lesquelles seront prinses des accidens manisestes, plustost que de la nature incogneuë de soymesme: comme si elle est recente, le plus souuent on la voit auec pustules de diuerse forme, aucunessois particulierement en la teste ou au front, es emunctoires des parties nobles ou vniuersellemét par tout le corps. Aussi maintessois elle s'apparoist auec ardeur d'vrine ou pissechaulde benigne & doulce, mediocre, ou violente, & accopaignee de plusieurs & diuers accidens, comme d'vn spasme ou contraction particuliere, lors que la nuict specialemet se faict erection de la verge, soit en ce que les Grecz appellent Satyriasis ou bien Priapismus, de quoy parle Galien au sixiesme liure de locis affectis. Pareillement d'viceres au col de la vescie & Viceres au voye de l'vrine. Au moyen dequoy s'ensuyt col de la vesgrande acrimonie & cuisson en l'emission de cie. l'vrine, à quoy ay de beaucoup la chaleur & acuité d'icelle, procedente quasi ordinairement de la chaleur du foye, ou des reins, ou de tous deux ensemble, & aucunesfois sy engedre vn Sarcôma ou carnosité de dissicile curatio, dot nous parlerons cy apres. Semblablement fouuent est complicquée auec vlceres cacoethes, Vlceres cas malings, chancreux, & serpents, que les Grecz coethes. appellet Estyomeneux, & autres especes d'vlceres en la verge, en la gorge, aux tonsilles ou amygdales, en la bouche, au palais, quelquefois auec corruption de l'os d'iceluy, (dont s'ensuit grande deprauation de la parolle) aux palpebres des yeulx, & aux autres parties du corps, qui souvent resistent & ne veulent ceder à la plus part des remedes. I'en ay traiché maintes(specialemet femmes) ausquelles elle estoit compliquee auec strumes ou escrouelles, les vnes vlcerées, les autres non. Aucunesfois est Douleurs mo auec douleurs, souuet mobiles en quelque par biles.

Escrouelles.

tie, comme en la reste, espaules, bras, iambes, & poictrine, ou vniuersellemet par tout le corps, occupans les articles ou ioinctures, ou couras le long des muscles, tendons, & autres parties nerueuses, comme les periostes, qui sont membranes couurant les os. Aussi auec alopecie ou cheute & deperdition du poil de la teste, surcilles, barbe, & autres parties, que communement on dit la pellade. Ie l'ay veu à aucuns messee auec vne extreme fluxion sur les yeulx, & par default d'auoir congneu la cause (nonobstat les remedes comuns)il s'en est ensuiuy perdition de la veue, aux autres erosion d'vne bone partie des paulpieres. A d'autres sont sur uenues des ozenes & vlceres au nez, auec carie

& corruption de la substâce des os, & sans carie aucunesfois de tresdifficile consolidation.

Parcillement surviennent tophes ou nocudz

Wheeres an mer.

Alopecie.

Ophthal-

mie.

SI elle est inuereree, lors sont les dou-Vairolle inleurs desdictes parties arrestées, profondes & Douleurs no- nocturnes, souvét aux iambes sur la region de Eturnes. l'os dict eneme vulgairement appellé les greues. Semblablement aux bras enuiron les mébranes couurant les os d'iceluy. Aussi en la teste & autres parties du corps.Et aduiennent ces douleurs specialement quand les patients sont tenuz chauldement, par ce que lors la chaleur commence à esmouuoir la matiere.

scirrheux, communement appellez nodus,& Tophes, os

autres de diuerse nature, comme Atheromes, neudz. Steatomes, & melicerides, souvent auec carie Atheromes, ou corruption de la substance des os. Quelquefois faisant luxation es articles, aucunes fois fracture au milieu des os. Es vos auec plusieurs herpes, ou dartres, aucunes fois scameuses, dont aucunes vienent es plantes des pieds, & creux des mains. Les autres en vne, ou plusieurs parties. comme non seulement en la teste, visage & col:mais aussi es bras, iambes, & la reste du corps, mesmes souvent entourent, & enveloppent la plus grande partie du membre qu'elles assaillent, quasi comme vne ceincture. Et pour ce Cornelius Celsus la appellée Zona. Bien sou uent on la voit couuerte en telle indisposition des parties nerucuses (ausquelles elle est principale ennemie) que à d'aucuns survient spas- Spasme. me ou contraction d'vne ou plusieurs parties. Es autres se faict auec telle relaxation d'icelles, que Paralysie generalle s'en ensuyt (priuant de mouuemet toute la moytié du corps) ou particuliere, l'arrestant seulement en vne partie. Telz y en a, esquelz elle f'est monstrée auec vraye & perpetuelle arthritis ou goutte en vn, ou plusieurs articles, differente d'auec Gouttes. les autres gouttes, par ce que celles qui ne sont meslées auec ceste maladie (que lon dict gout-

tes naturelles) ont certains periodes, paroxifmes, & internalles: mais celles icy font prefque continuelles. I'ay pensé hommes plus de six ans a, qui auec ceste maladie, estoit tourmenté d'vne epilepsie, & estant traicté seulement auec les remedes propres pour la vairolle, for guary de l'vne & de l'autre maladie, de sorte que depuis il ne s'en est sentu. Qui vouldra doncques congnoistre combien l'exercice immoderé de Venus peult affecter le cerueau, voir mesmes causer perdition de memoire: Aussi epilepsie par la trop grande & frequente exagitation de la partie posterieure Aristote en du cerueau, auec l'espine d'orsale: Lise Aristoses problemes. te en ses problemes en la troisiesme section, probleme neufiesme. Aucunessois elle degenere en elephantie, vulgairement dicte lepre, tant par soy, que principalement apres auoir esté pensé par gens sans methode & raison, ou en ceulx desquelz le corps estoit preparé par intemperance de viure, ou par heritage & de lignée. Autrefois en vne fieure lente, qui a conduit les malades iusques à la cosumption, que les Grecz appellent Phthisis, les Latins Tabes, souuent enuieillissant auec les ieunes, &

Fiebure lente.

Lepre.

Epilepsie.

Finablement ie concluz qu'elle se voit iournellement compliquee auec tous genres & ef-

mourant auec les vieulx.

peces de maladie, prouenant de cause interne, La vairolle lesquelles (comme recite Galien & Guidon de se complique auec tous gent Cauliac des trois gentes de maladie contenuz res, et especes en aposteme) sont assemblez en vne grandeur, de maladies, qui est à dire, que l'vn ne peult parfaictement estre curé sans l'ablation de l'autre. Et ces sym ptomes aux vns sont petis, remis, & peu douloureux: aux autres grands, violents, & auec extremes douleurs, selon les differences des sus diligemment considerer les differences, chascune en son espece, attendu que d'icel les sont principalement prinses & tirees les indications curatoires.

Des causes de Vairolle.

Maintenant nous reste à declarer quelles Les causes de font les causes de ceste maladie: & fault la vairolle. entendre qu'il y en a de deux sortes, les vnes externes, que les Grecz appellent Procatar-La cause pritiques: c'est a dire primitiues. Les autres internes, appellees des Grecs proigomenes, qui vault autant à dire comme antecedentes. La premiere non seulemet consiste és choses communes & manisestes: mais aussi (comme nous auons dict en la dissinition) és choses occultes, qui prouiennent des astres & insluences cele-

stes, que nous appellons forme ou faculté spècifique & occulte, les quelles ne sont subiectes à demonstrations. Pource delaissons à ceulx qui suyuent la profession d'astrologie, l'inquisition de la cocurrence des planettes infortunees, aussi les eclipses qui furent lors que premierement telle maladie apparust. Nous nous La vairolle cotenterons de dire que la contagion cause ex-

La vairolle fe peult acquerir par la reception de l'air infect.

terne de ceste maladie est diuerse, en ce que no seulement elle est acquise par l'acte Venerien: mais aussi, selon aucus, par la receptió de l'halaine infectee de tel venin & corruption, come gés doctes & dignes de soy ont tesmoigné l'auoir veu par experièce, & moymesmes ay pésé quelques ieunes enfans de la vairolle, estans le pere & la mere sais, & ne se trouuat en la nour risse visitee signe aucun de ceste maladie, ne trouuames autre cause, sinon par auoir esté bai sez, ce qui n'est estrange ny hors de raison, car par l'abondate reception de l'air & vapeurs ve neneuses & corrompues de tel poison vn ieune enfant (aydant à ce la tendresse, mollesse, & tarité puerile) la peult prendre aussi se ceile poison.

Pline au li-tarité puerile) la peult prendre aussi facilemet ure 26. au 1. comme par l'authorité de Pline au temps passé chap.

Lichen ou mentagra, qui estoit vne mentagra.

Mentagra, qui estoit vne mentagra.

Me

CVRATOIRE.

vne bone partie du visage. Aussi dit Galien, il Galie en son est perilleux frequenter les tabides, & genera-liure des fielement auec ceulx qui halenét puant, de sorte que le domicille auquel ilz couchet sent mal.

Maistre Anthoine le Coq docteur reget, en Histoire vo la faculté de medicine, homme docte & d'au-feree par thorité afferme au liure qu'il a faict de ligno san monsieur le cto non permiscendo, qu'il a cogneu sage semme, coq. laquelle en receuat l'enfant à vne femme vairollee, gaigna ladicte vairolle (l'enfant sain & non affecté d'icelle) qui n'estoit que par la reception de l'air & vapeur veneneuse receuë as sez promptement & plustost par les porositez des mains & bras, qui plus difficilement peuvent infecter les parties nobles, que par la respiration qui se faict par la bouche.

Par similitude nous voyons les ophthalmies Par simili-(qui sont maladies des yeulx) avoir telle con-tude. tagion, que par le seul regard se peuvent communiquer & prendre des vns aux autres. Le semblable est de la peste, pareillement de la lepre & autres telles maladies, qui journellemet sont veues estre de si violente contagion, que par la seule reception de l'air, elles s'aquierent estans les corps disposezant

- Falitities

Par experience se voit ordinairement que gens de toutes natures, sexes, & complexions, par expe-soyent enfans, adolescens, ou hommes en aage

Nourriffe vairollee.

consistant, solides, & robustes, couchans auec autres infectez de telle maladie sans aucune compagnie charnelle, s'en trouuent aussi surpris & attaincts. Tout autant en peult aduenir à vne nourrisse, qui donnera à teter à yn enfant vairollé, encore que les premiers ne puissent recevoir des infectez (avec lesquels ils couchent) ny la nourrisse attirer de l'enfant qu'vn air veneneux & vapeur corrumpue de tel venin, laquelle encor ne se recoit en respirant par la bouche, ou par le nez, pour immediatement estre communiquee aux parties nobles (come le cueur & le cerueau) ains seulement par la traspiration, qui se faict par les pores & ouuertures es vns de tout le corps, & és nourrisses de la mammelle seulement.

au liet des, vairollez.

Et ne fault pas en attendre moins de celuy Par coucher qui couchera au lict d'vnvairollé, si la sueur infectee, & la couverture des licts imbuts de telle humidité veneneuse le viét à attaindre, prin cipalement si celuy qui y auroit au parauant couché, auoit tophes, ou neuds, pustules, ou vlceres, iectans virus ou sanie. Pource que lors par la reception dudir virus ou esprit corrom. pu d'iceluy, sans autre acte Venerien, petis enfans, adolescens, & vieilles personnes sont infectez par les raisons susdictes, aidant à ce la preparation des corps, dequoy nous parleros

ey apres. Autant en est du boire & du man-Par le boire ger, & de tout ce que nous prenons par la bou & le mager. che, quand il est corrompu par quelcun qui aura la vairolle. Ce qu'entre autres aduiét es ieunes enfans, quad ilz tetet nourrisses entachees de telle maladie. Qui est chose bié à noter pour les accidens presque irreparables qui naissent quasi tous les iours, voire en l'endroit des hon nestes femmes, vertueuses, & le plus souuent de grand estat & reputation, lesquelles (faisant acte de vraye mere) veulet estre nourrisses de leurs enfans, & pour aide & soulagemet prennent vne nourrisse, laquelle ayant la vairolle la donnera à l'enfant, l'enfant à la mere, & la mereau pere. Le semblable aduiendra par emprunter noutrisses, ou faire teter son enfant à autres vne, ou deux fois seulement. Iaçoit ce qu'elles soyent femmes de bien. Car de l'vn à l'autre (chose au iourd'huy trop commune) facilement ce mal peult estre communiqué, & par telz moyens (ô chose fort deplorable) sont survenuz grands inconveniens en beaucoup de bonnes & honnestes maisons.

Aussi aduiet & plus souuet par habiter char. Par le coit, nellemet auec les personnes infectes de tel ve nin: car par telle cohabitation, moyennat aussi la composition de la verge, & de la vulue, (qui entre autres parties sont coposez de chair rare

& spongieuse, de nerfz, veines & arteres) & la cospiratio de telles parties en tout le corps. Ledict venin se communique, & est porté es parties principalles: Aydant à ce les coincidents, & coadiuuans: comme se delecter trop longuement en tel acte, quant l'homme ou la femme infectz sont plains de mauuais suc, ou que la femme a quelques fluxions blanches, passes ou autrement decolorées:ou que recentement elle a eu compagnie d'aucun ayant ladicte vairolle: car par la confrication & mouuement les pores s'ouurent & dilatent, par ce que la peau l'eschauffe & rarefie: à laquelle s'at tache facilement ceste matiere limeuse & muqueuse, qui apres par le toucher communique sa qualité veneneuse a celuy qui est plus enclin & disposé à la receuoir. Aussi le plus souuent ses parries premierement attouchées sont les premieres affectées de ce mal, & alterées par tel venin, qui successiuement se communique au foye par les veines, & au cueur par les arteres (toutesfois c'est plus tard, par ce que le cueur & parties cordiales resistent plus fort audict venin) & au cerueau par les nerfz, auquel le plus souvent apparoissent les premiers signes de ce mal, d'autat que ledict venin a de coustume de chercher, & plus aisemet infecter les parties spermatiques & moins chauldes:

aussi qu'entre les trois substances, desquelles nostre corps est composé, les espritz (desquelz le cerueau a grande quantité) reçoyuent plus promptement impression, & plus facilement sont alterez: comme tesmoigne Galien primo de differ.feb. & de arte cur.ad Glauc. Et qui est vne chose occulte & grande, tacitemet & lentement se comunique ledict venin par tout le corps, quasi en mesme sorte que le venin de la morsure d'vn chien enragé, qui si lentement quelquesois coule en s'augmentant, qu'il peult estre quarante iours voire six moys (come l'asseure Galien au sixiesme liure de locis affectis) Mesmes selon Auicene vn an deuat qu'il mostre sa venenosité: Aquoy sert beaucoup le téperament du patient, pour la facilité ou difficulté de patir, la region & disposition de l'air ambient. Enquoy fault noter que ceulx de texture rare, delicatz & molz, seront plus propts & plus disposez à recepuoir ceste affectió par tout le corps, & les autres au contraire. Fault pareillement considerer la sorce de la chose agente, qui sera la qualité & violence de ce venin, qui est necessaire auec les choses susdictes, auant qu'il se puisse faire aucune action, tesmoings Atistote & Galien : car si ledict ve nin assiegeant les parties nobles, se trouve si foible, qu'il se laisse vaincre par la chaleur na-

turelle qui se surmonte & demeure maistresse. Il n'y a doubte, que par la vertu expultrice, il ne soir poulsé au dehors, & que lesdictes parties ne demourent saines: comme souvent appert en plusieurs, ayás vlceres cacoethz, & malings, qui seront rebelles à curer, pource que nature l'efforce d'euacuer ledict venin, par icel les parties. Et s'il suruient vn bubon, autremét dict poulain, qui reçoyue ladicte fluxion, en brief l'vlcere sera curé & guary : & sera le patient exempt de la vairolle, par la methodique & bonne curation dudict absces. Ce qui ne peult estre en vn momet. Et qu'il soit vray, i'en ay veu plusieurs (d'autres aussi auec moy, ou iournellement sommes appellez es consultations)qui long temps apres auoir acquis ceste maladie, n'en auoyent aucun signe, fors quelque vlcere au membre viril, ou aposteme en l'ayne, ou vne ardeur d'vrine, communément appellée pissechaulde: (qui ne sont signes vniuoques & certains d'icelle, pource que maintz ont viceres cacoethz & malings, aussi bubons inueterez, & non cedans aux remedes, auec ardeur d'vrine diuturne, qui toutesfois n'ont pas la vairolle)lesquelz, neantmoins estans curez ou ledict venin seulement arresté, de sorte qu'il ne se faisoit plus euacuation d'iceluy, peu de temps apres se manifestoyet signes cuidens

de ladicte vairolle: qui denotoit non seulemét les esprits: mais aussi la substance charneuse estre blessee, & par consequent les parties solides, auec les autres parties sparmatiques : lesquelles principalement en ceste maladie sont affectees. Toutesfois ceste corruption n'est pas egale, ou generalemet faicte en toutes icelles: car si egalemet & absolumet elle se faisoir par tour (ainsi que comunémet on dit de la lepre, ou de phtisis costrmee) il ne seroit pas possible en attendre la vraye cure: ce qu'on a veu aduenir à maintes, en l'endroict desquels plusieurs qui les ont pensé guerir, se sont trouuez deceuz. De ma part i'ay pensé à plusieurs des vlceres en la verge, qui auoient pululé quinze iours, trois sepmaines, voire vn moys apres l'acte Venerien (cobien que plus souuent apparoissent pluttost) & maintesfois en pareil téps apres l'apparence des viceres, se manifestoient bubos ou poulains (ce que tous practiciens tesmoignerot) & neantmoins quelquefois apres la curation des viceres & poulains, l'ensuyuoit ladicte vairolle. Ce que ces iours passez me ra-Histoire. contoit vn gentilhome ieune, & de bonne habitude : auquel long temps apres l'acte (come luy mesme disoit) estoit suruenu vn vlcere cacoeth & maling au mébre viril, pour la curation duquel vsa par log temps de la decoction

ou vin accoustumé, auec plusieurs medecines, qui toutesfois ne l'avoiét peu preserver, qu'en la desiccation de l'vlcere (nonobstant l'vsage d'iceux) ne luv survint deux bubons aux deux aynes, qui fut, ainsi comme il asseuroit, plus de deux moys apres l'acte Venerien : lesquels bubons n'estans euacuez par suppuration, ou resolution, encore qu'apres l'vsage dudict vin il feist par le conseil d'aucuns doctes Medecins vne diete assez estroicte, auec decoction de gaiac, & grand nombre de medecines, ne peuft pourtant euader ladicte Vairolle. Parquoy voyant ses bubons, pour quelque application qu'on y fist, ne vouloir diminuer, me manda & fist vn discours de tout ce qui l'estoit passé. Ce que ayant entendu & m'estant apperceu (oultre les choses susdictes) d'vne alopecie, ou cheute de poil, & amaigrissement de tout le corps, ie luy fis prognostique de ladicte vairolle, qui luy fut assez dur : attendu les choses qu'il avoit faictes. Et pour avoir plus grande asseurance, luy conseillay ne plus faire abstinence & extreme, ny vser si souvent de medecines:par-ce que s'il n'auoit la vairol. le pour neant il en vsoit tant, & s'il l'auoit, il ne pouvoit guerir avec telles medecines simplement. Lors me croyant fut huict iours, sans vser d'icelles, mais seulement de bonnes viandes, mediocrement & sans exces, en quelque chose que ce fust : durant lesquels il ne sentist aucun mal, & par ce moven pensoit estre eschappé: mais enuiron le neufielme iour, sentit quelque peu de douleur à l'vne des espaules, & le lendemain à l'autre : lesquelles, nonobstant petites frictions particulieres auec la main que ie luy feis faire, continuerent longuement: quoy voyant me demanda, dont ce luy pouuoit venir, trouuant estrange, qu'apres l'vsage de tant de medecines, & decoctions, possible fust qu'il y demourast encore quelque reste. Mais ie luv feis responce, que ce n'estoit de merueilles, si par tant de temps n'auoit sentu aucune douleur, & que les cuacuations grandes avec les choses susdictes en estoient cause, purgeants continuellement ce qui autrement luy cust causé douleurs, pustules, viceres, ou autres tels fignes: lesquelles cho ses toutes fois n'estoient assez puissantes, pour oster la cause de ceste maladie. Parquoy auec le conseil des plus doctes & approunez Medecins & Chirurgiens, fust traicté & pensé par moy, auec medicaments faicts d'argent vif, & bien guery:comme il est encore de present. Les signes de sa guerison furent la sedation des douleurs, qui luy estoient suruenuës: comme de teste, espaules & iambes : pareille-

ment regeneration du poil perdu, consomption totale desdicts deux bubons, regenera, tion de substance deperdue, de sorte qu'il faisoit toutes actions naturelles aussi sainement que iamais. Mais en toutes ces causes predictes La prepara- que samais. Mais en toutes ces causes predictes so des corps. ne fault omettre vne chose, qui est la preparation & disposition des corps, qui souvent prouient (oultre la conformation premiere) par la deprauation du regime en toutes les six cho ses non naturelles, & leurs annexees, qui engendrent humeurs vitieux, par consequent subiects à toute putrefaction. Ce qui appert iournellement en maints, qui habiteront auec femmes infectees, lesquels prendrot la vairolle, là où d'autres deuant, ou apres, n'y prendront, ou auront pris aucun mal: ou bien auront seulement viceres en la verge, ou quelque bubon en l'emunctoire du foye, communement appellé poulain, sans auoir la vairolle comme les autres. Cela se peult prouuer par

Galien liw. 1 diff.des fie.

Similitude.

Experience.

feb.parlant de la fieure pestilentielle.

Par similitude, tout ainsi comme en vn seul fagot il se trouuera du bois d'vn mesme arbre, couppé & assaissonné d'vn mesme téps, toutesfois l'vn s'enstammera & brussera plustost que l'autre. Par experience nous voyons tous les iours, que plusieurs communiquent, non seu-

l'authorité de Galien au premier liure de diff.

lement auec vairollez: mais aussi auec gens infectz de peste, tant maligne que plusieurs, voire tous ceulx d'vne maison en serot morts, lesquelz toutesfois n'y prendront aucun mal, & y converseront iour & nuict, à ieun, saoulz, & autrement: qui nous denote la disposition & preparation des corps, par les humeurs vitiez, ou autremét, ay der beaucoup à la cause de ceste maladie, & de toutes les autres pareilles.

La cause antecedente de la vairolle.

Ombien que selon aucuns la cause ante-cedente de ceste maladie soit indifferemment les quatre humeurs, toutesfois l'experience fondee sur la raison me faict iuger, La cause ma que le fondement ou cause materielle premie- terielle de la re & principale d'icelle, est matiere pituiteuse, vairolle. grosse & visqueuse, alteree & vitiee par ce venin maling & contagieux: lequel consequemment altere, & corrompt les autres humeurs, selon la proximité & la preparation qu'elles auront à receuoir ceste alteration & qualité vitieuse, de laquelle preparation nous auons cy deuant parlé. Or par ce que ie pense que plusieurs ne se laisseront facilement persuader que ceste maladie Venerienne soit telle que

nous la determinons, pour la trop grade controuersie qu'il y a de l'essence & nature d'icelle, i'ay voulu sommairement descrire les raisons lesquelles i'ay pésé les plus propres pour confirmer & vous induire à consentir à no. stre opinion, comme à la plus saine & mieulx fondee.

locis affectis.

I L n'y a homme qui ne confesse que la cause de la maladie est celle, laquelle, ostee la maladie ressemblante à sa cause, prend fin. Or est il certain que par l'eduction & euacuatió de la matiere pituiteuse, soit par flux de bouche, ou de ventre, vrine, vomissemés, sueurs, ou autrement, & en toutes temperatures, soit bilieuse, sanguine, ou melancholique, ladicte vairolle est guarie, comme iournellement l'experience en faict foy.

des acces.

D'auantage ceulx qui hanterot auec telz ma-Le temps du lades, congnoistront que leurs acces sont au temps & heure du iour, que ledit humeur est accoustumé de faire ses paroxismes & mouuemens, qui est sur le soir & la nuict.

Et retourne tous les jours en mesme manie-

re que fait vne fieure quotidiane.

Les patiens assopiz.

Oultre cela les patiens sont tous assopiz, pesans,& endormiz : & neantmoins ne peuvent reposer à telle heure de la nuict, par ce que lors la matiere est en mouvement; & faict distensions aux periostes, membranes, & autres par-

ries nerueuses.

Semblablemet tous effectz de ceste maladie, mesmes aux bilieux, ou sanguins pourrot estre La vairolle curez par l'eduction dudict humeur pituiteux guarie par corrompu, voire des le commencement, & a-l'eduction de uant qu'en eulx (pour l'intemperie & vice de tuiteuse. la concoction) puisse estre engendré humeur crud, come pituite ou melacholie. Ioinct aussi que ceulx de telle temperature, soit par recidiues, ou (comme maintes pauures gens) par faulte de moyen, & d'auoir esté pensez, degenerent en intemperature pituiteuse & melancholique.

Et sont tous ou la plus part des symptomes suyuas icelle maladie causez d'humeurs froidz.

Pareillement se sentent les patiens blessez auec choses froides: & aydez, mesme guarizauec choses chauldes, soit decoctions, vins, vnguens, ou autres medicaments. Tous practiciens methodiques tesmoigneront que le plus certain signe en toutes pustules, & vlceres, Signe plus est vne durté en la racine, soit que exterieu-vairolle. rement elles apparoissent bilieuses, ou sanguines: de sorte que les ayant curicusement dissequees, on les trouvera farcies d'vne matiere gipfeuse & blanche. Aussi que (comme il est bien à noter) toutes parties pituiteuses,

spermatiques & froides, tant simples, que coposées: sont plus souuér affectées que les chaul des. Ce qui se voit (oultre ce que nous auons dict dessus) en ces tophes, ou les os, cartilages & membranes sont corrompues, & les parties charneuses saines. Mesmes ilz sont peu febricitans, si ce n'est de quelque siebure lente & quotidiane, qui sera par accident. Et si voyons ceste maladie si diuturne & longue, qu'elle se peult cacher en vn corps, sans demonstrer signes apparens de soy, demy an, vn an, deux, trois ans & plus. Ce que ne font les maladies causées d'intemperatures chauldes. Parce ie conclud la matiere pituiteuse, estre la base, & premier fondement de ladicte vairolle: estant premieremet affectée, par ce venin, cause efficiente de ceste maladie. Ie ne veulx toutesfois dire que la matiere pituiteule, soit seule alterée: mais aussi par consequent les deux autres humeurs:lesquelz (comme i'escripts ailleurs) sont veuz par les signes exterieurs, & apparoissent par les symptomes d'icelle. Et selon qu'ilz simbolisent, & approchent plus pres dudict humeur, sont plus facilemet infectez de relle maladie, qui est chose bien à noter: & voyons moins de sanguins ou bilieux, affectez & infectz de ce mal, que de pituiteux ou melancoliques:pareillement serot plus facilement cu-

Opinion de l'autheur. rez:comme il appert tous les iours par l'experience que lon faict en la difficile curation dés femmes, & autres de téperatures pituiteuses & melancoliques. Donc apres la pituite suyura la melancolie, puis le sang, apres luy la colere, qui est la derniere alteree: par ce que de tous les humeurs elle symbolize moins auec ledict humeur pituiteux.

La cause conioincte.

T ES humeurs donc ainsi alterez, vitiez & Locorrompuz, sont faicts la cause conioincte de ce mal : pource que lors actuellement empeschent les actions naturelles, animales, ou vitales, ou plusieurs d'icelles ensemble, tant generalemet par tout le corps, come singulieremet en quelque partie d'iceluy. Cobien que lors veritablement ne se doine plus appeller cause: mais maladic, par la diffinitio que done Galien au liure premier, de la difference des maladies. Puis donc que ceste maladie n'est seulement confointe auec l'humeur pituiteux: mais souvent (pour la nature des corps) compliquee auec autres humeurs:comme il appert iournellement,& qu'elle resemble en cela aux tumeurs contre nature, desquels se trouuent peu, ou point, qui purement & simplement

soyent faictz d'vn seul humeur: puis aussi qu'il est necessaire auant que s'entremettre de la cu re, auoir congnoissance des maladies, causes, & symptomes d'icelles, nous auons deliberé pour plus facile intelligence de toutes ces choses, & pour nous en aider en la cure que nous vouldrons faire, de traicter les choses necessaires (qui sont les signes) pour congnoistre les causes susdictes, à fin de methodiquement proceder à la curatió de chascune espece. Mais pource que nostre intétion est d'escrire la curation de la vairolle, qui n'est autre chose que ablation d'icelle, faicte par la cosideration des choses naturelles & non naturelles, ie suis bié content de vous en toucher icy, quelque mot fommairement, pource que d'icelles & de la congnoissance des choses contre nature doyuent estre prins les signes, non seulemet de ceste maladie, mais aussi de toutes autres. Et pource que ce seroit chose ennuyeuse & peu à propos de les vouloir icy trop curieusement descrire par le menu, nous nous contenterons des plus communs & necessaires pour la congnoissance du mal, dont nous auos entreprins enseigner la curation. Commenceans aux signes pour cognoistre la vairolle sanguine, que, nous disons lors que les symptomes ou accidens prouenans de l'alteration & corruption du sang par le venin susdir, sont dominans & en plus grand nombre que ceulx de la pituite: & ainsi des autres humeurs en particulier, suy-uant les susdictes choses naturelles, non naturelles, & contre nature.

Les signes de la Vairolle. fanguine.

E patient est ieune ou adolescent, de tem- Signes prins perature sanguine, charnu, les veines en-des choses na-... flees, la couleur du corps vermeille, le turelles. poulx vehement & frequer, auec autres signes denotans la domination du sang. Il a vsé d'v- turelles. ne maniere de viure opulente & grandement generative de sang. Il a esté tousiours en bon air.Il a mangé viandes de bon nourrissement, comme veau, perdrix, leuraulx, congnins, chapons,œufz moletz, & en abondance. Il a víé de bon vin, dormi longuement. Il ne f'est exercé que mediocremet, & a tousiours esté sans soing, ennuy, & fascherie. Ila douleur tensi-Des chose co ue & grauatiue en la teste, specialement en la tre nature. partie de deuant: aussi en la racine des yeulx, en la nucque, es espaules, es bras, quelquesfois en toutes les articles: Pullation des temples, De l'actions nausee,ou appetit de vomir, troublement d'es-blessee. prit, tardité des cinq sens naturelz, pesanteur,

METHODE

& lassitude de tout le corps, sas auoir au parauant travaillé, baillemens, sommeil long, & no profond, auec songes sanguins. Il a rougeur De la qualien tout le corps, specialement es veines des te muee. yeulx:la bouche' fade & plus doulce que de coustume. Apostemes souuent aux emonctoires, qui pour le plus se cachét & retournent dedans le corps. Vlceres sordides & putrides, tant es parties honteuses : qu'es autres parties du corps, auec inflammation ou rougeur. Pustules rouges & inflammées en la teste, specialement es racines des cheueulx, es emonctoires des parties nobles, & autres parties du corps, grande abondance de sueur, & puante. De ce qui en Vrine rougeastre, approchante de iauneur, &

Sort mué.

Les signes de la vairolle. bilieuse.

espesse: augmetation de douleurs depuis trois

Signes des T E patient est ieune & en la fleur de son aachoses natu- Lge, de téperature bilieuse, prompt en tourelles. tes les affaires, le poulx frequent, dur, & tendu. Il est natif, ou a conuersé long téps en vn aïr ou region chaulde, vse d'alimens chaulx & Des non nasecz multiplians la cholere, & ne peult long turelles. teps endurer la faim:il dort peu, & est troublé

iusques à neuf heures de matin.

par plusieurs affectiós d'esprit. Fait grad exerci ce souuét deuat mager, & en téps chauld auec fonges choleriques. Il a l'appetit perdu ou re- Des choses de mis, auec nausée, quelque fois vomissemés, grade soif, inquietudes, punctions par le corps en forme de poincture d'eguille, le dormir depraué, douleurs petites, specialement de la partie dextre de la teste, & sans pesanteur, amaigrissemet de tout le corps, Couleur passe, iaulne, ou De la qualicitrine, des yeulx, de toute la face, & des excre-témuee. mens, amertume de bouche, & saliue, auec siccité de langue, mordicatios & eslancemens au ventricule, alopecie ou cheute de cheueulx, sourcilz, barbe, & autre poil de tout le corps, que lon dict comunemet la pelade: grade abo. sort mué. dance de pustules petites & en forme de mil, auec vne cittinité, luy santes, arides, & seiches: mais dures & calleuses en la racine, lesquelles sont plus copieuses, aussi en la sanguine qu'aux deux autres sequétes: pource que les humeurs subtilz sont plus sacilemet iectez du cetre à la circuference, le gros au cotraire. Vlceres virules ou corrolifz en plusieurs parties du corps, specialement en la verge, & en la bourse des couillos: austi en la bouche, au palais, en la gor ge, dont l'ensuit grande difficulté d'aualer. On leur voit aussi des ozenes au nez, dot souvet les os&cartilages dudit nez sót carjez&corrópuz

De ce qui

METHODE Les signes de la vairolle

pituiteuse.

Signes des T E patient est de temperature pituiteuse, choses natu. Dplein, gras, mol, & blanc, de sens tardif, relles. pesant & hebete, le poulx petit & tardif, fon temperament essentiel, ou accidentel est froid & humide.

turelles.

Des no na- Il a vse d'une maniere de viure multipliant la pituite, comme demourer en lieux aqueux & marescageux, en air froid & humide. Il s'est nourri de viandes de qualité pituiteuse, comme choses grasses, testes & piedz de moutons, & veaulx, potages auec autres choses visqueuses, aussi de fruictz, laict, froumages recentz, pomes, & poires, vins nouueaulx, bieres, ceruoises, & cidres. Il a dormi longuement de iour, & incontinent apres le repas, il a esté otieux & sans exercice. Il est replet auec peu d'a gitation d'esprit. Il songe des neiges, pluyes,

tre nature.

Des choses co & choses aquatiques. Il a douleur grauatiue auec pesanteur en la partie posterieure de la teste, obtenebration des yeulx, douleur de nucque, des espaules, des bras, & iambes, & bien souvent par tous les articles & ioinctures, diminution d'appetit, peu de soif, si le phlegme n'est salé, facilité de vomir, tardité entoutes actions. Il a le sens hebeté & obtuz, grandes flu

xions, specialement au ventricule, & és articles, faisant douleur, debilitation, & deprauation en icelles parties. Froidure grade en la teste,& au ventricule, auec generale debilitatió des parties nerueuses, comme tremblement, paralylie, spasme ou contractió d'aucunes des sus dictes parties nerueuses. Ils apparoissent De la quali-oultre leur coustume la face passe & decoulou-ree, la lague blache & chargee, la bouche plus fade, auec grande humidité, & bien souuét tumeur de visage, & des extremitez auec mollesse. Il a peu de pustules, si le slegme n'est subtil, mais elles sont grosses, larges, esseuces, & blanchastres, quasi semblables aux pustules des petites vairolles des ieunes enfans, sans demengement, pourueu que le flegme ne soit salé, car fil est salé, lors le plus souvent adviennent serpigines & impetigines, dicts communement dartres furfureuses & crousteuses, specialemer aux creux des mains, & plantes des pieds, aussi quelques fois en la teste, au col, aux emunctoires & en tout le corps, vlceres grands & larges, fordides, blafards, & descoulourez, auec bords durs & calleux: en aucuns enflez come escrouëlles (en quoy plusieurs sont deceuz) abondance d'excrements pituiteux, lesquels estans gros, souvent font tophes ou nœuds es os: & tels signes suyuans ledict humeur.

Les signes de la Vairolle melancholique.

Signes des Les patient est de temperature melacholichoses natu-livide, ou plombee, maigre: le poulx petit, tardif, & rare, auec estat melancholique. Il a vsé Deschoses no de regime multipliant ledict humeur, comme estre solitaire, & long temps en lieu mal aeré naturelles. & obscur : vsé de chair de bœuf, boucs, cheures, specialement salees, & espicees, oiseaulx de riuieres, vieux lieures, pigeons, pois, febues, choux, naucaux, vieux froumages, vins gros, noirs, troubles, auec appetit desordonné: a cu dormir depraué, & songes terribles, comme de sepultures de morts, diables, & monstres: faict exercices violens & longs, auec grande sueur : il a eu grandes craintes & sollicitudes. Des choses co Il a douleur de teste, specialement en la partie senestre: grauité de rate, auec douleur, ou tentre nature. sion des espaules : pesanteur & tardité de tout le corps, auec peu de fommeil: debilitation d'estomach, & rots aigres, aucunesfois atrophie, & amaigrissement en quelque partie, ou en tout le corps. Les douleurs augmentent depuis trois iusqu'à neuf heures du soir. Il a vne couleur liuide, aucunesfois en tout le corps, specialemet és lieux particulierement affligez,

comme és pustules & viceres. Aussi morphees noires, aridité & siccité de langue, puateur de bouche, alopecie ou cheute de poil. Il a peu de pustules, & sont dures, & prosondes, viceres sordides & chancreux, auec crassitude de leures, sans grande sanie, morphees noires, & scameuses aux creux des mains, & des pieds, tophes ou nœuds en la teste, au frod, en la poi-ctrine, és bras, iabes, & telles parties, hemorphoides vicerees, difficulté d'vriner, auec astriction de ventre, & son vrine plombee.

🔊 Speculation requise en la consi-

deration des signes.

R voila donc les signes les plus communs simplemét & separémét considerez, pour cognoistre ceste maladie, selon vn chacun humeur en particulier, a sin que puissiez cognoistre laquelle d'icelle sera messe & coplique auec la matiere pituiteuse, come le sang, & les deux humeurs bilieux. Car comme dict Galien (parlant des tumeurs contre nature) il est aisé par la consideration d'vn simple de paruenir à la cognoissance du composé. Et tout ainsi qu'il est bien difficile de trouuer absces, ou aposteme, qui soit purement & simplemét faict d'vn seul humeur, ains de plusieurs composez & enfemble messez: aussi à bien grand peine pour-

roit on trouuer ceste maladie en vn seul & pur humeur:mais quasi perperuellemet copliquee.

Pource ces signes se trouveront non seuls,&

separez: mais compliquez & enclauez, les vns auec les autres, pour les diuers humeurs, qui sont meslez ensemble. Et cognoistrez l'humeur dominant aux signes, qui seront en plus grande abondance : toutesfois ce seroit folie &grande temerité, pour vn seul des signes des susdicts, ou aucuns d'iceux non necessaires, iuger, ou vouloir traicter aucun, comme affe-&té de telle maladie. Car (outre que c'est contre la charité, que deuons à nostre prochain) il fen peult ensuyuir vn mal irreparable, si le medicament ne trouuoit obiect propre, enquoy il peust faire son operatio. Toutesfois, ou plusieurs de ces signes (specialement vniuoques) se manifesteroient, lors vous pourrez Dinerses coin faire certain jugement de ladicte maladie.Pareillement ne fault obmettre la costitution de l'air qui nous enuironne, la temperature, le sexe, l'aage & semblables choses, selon le iugemet desquelles pouuez auoir plus grade certitude: car en hyuer pour la froidure exterieure, les pores & ouvertures du corps sont fermees, & les humeurs cachez & retirez au centre d'iceluy. Semblable chose aduiendra aux melancholiques, pituiteux, & à ceux, qui le plus

dications.

souuent ont les pores denses, astraincts, & disficiles à transpirer. Au moyen dequoy les signes seront plus tardiss: lesquels au contraire se manisesteront plus promptement en semmes delicates, ieunes ensans & autres, qui sont de rare texture. Parquoy telles choses supposees, plus ou moins de signes vous seront necessaires, pour faire vostre iugement.

Mais l'asseurce cognoissance de ces signes, Raison et ne se peult acquerir par autre moyen, que par experience.

raison, & assidue experience: car en la cognoisfance d'iceux, y a des choses qui ne se peuuent dire ny escrire. Qu'ainsi soit, plusieurs auront des vlceres, grands, larges, & malings: ou bien des exanthemes rouges, semblables à pustules de vairolle, & en grade quatité: lesquels pourtant n'auront rien de vairolle. D'autres auront peu de pustules, ou quelque vlcere de petite ap parence: qui touresfois donneront asseurance au medecin, & chirurgien methodique & experimenté de ladicte maladie. l'en ay veu plusieurs, & gens d'estat ainsi abusez: car iaçoit ce que les premiers & plus communs signes de ceste maladie, soiet viceres calleux en la verge ou en la vulue, tumeur aux aines, pisse chaude, & qu'iceux ayent accoustumé d'estre suyuis de douleurs (specialement nocturnes) de la teste, du col & espaules, & autres particulieres

au thorax. & és oz furculaires. De douleur aussi & pesanteur de reins, debilitation d'estomach douleur & lassitude de bras & jambes, relles par fois que les patiens n'ont puissance de che miner, ou porter leur bras sur la teste : esquels aussi l'engendrent tophes ou nœuds. Côbien pareillement qu'il l'ensuyue vne inflammatio & vlceres en la bouche, langue & tonsiles, ou amygdales, auec difficulté d'aualler tant leur saliue que la viande. Et d'auantage pustules & boutons qui se monstrent en la teste, souvent en la racine des cheueux, és emonctoires des parties nobles (asçauoir le col du cerueau : les aisselles du cueur & les aynes du foye) & aussi entre les iambes, & autres parties humides, voire quelquefois par tout le corps : combien encore qu'vne cheute de poil (communément nommée la pelade) ait accoustumé de les suyure, & aussi vn amaigrissement & desiccation de rout le corps, & autres semblables signes. Si est-ce toutes fois qu'ils ne sururennent pas tous à vn chacun malade, & qu'ainsi soit, i'en ay veu maints, esquels ne se descouuroit que quelque partie d'iceulx en petit nombre, es autres d'auantage:mais occultes & difficiles à iuger. Bien est vray, que les plus certains sont quand apres, ou pendant les vlceres des parties hoteuses (specialemet calleux & dures en leur

racine, & difficiles à curer) l'apparoissent tumeurs aux aynes, qui s'en retournent dedans le corps, sans suppurer, & que lors suruiennent aucuns des signes susdicts : mais il fault bien noter qu'en plusieurs se voyent signes cuidens de la vairolle, sans toutesfois qu'au precedent ils ayent vlceres en la verge, vulue, & telles parties honteuses, ny buhons aux aynes, ny pisse chaulde, iaçoit ce que le plus souuent en telles parties soient les premiers signes : comme encor nagueres en bien peu de temps i'en ay pensé quatre: lesquels auoient seulement chascun vn vicere, dont le plus grand ne contenoit la largeur d'vn ongle, l'vn en la partie dicte en Latin pubes, en Francois le penil, enuiron vn doigt directement au dessus de la racine de la verge : l'autre pres de l'ayne : l'autre à l'extremité du prepuce : l'autre entre le prepuce & le balane. Aucuns d'eulx furent traictez par long temps, failans toutes choses, pour la curation des susdicts viceres, comme fomentations emollientes (pour cuyder emollir la durté estant en la racine) suffumigations ou parfums, cataplasmes, vnguents, emplastres, & semblables medicaments. Ausquels toutesfois lesdicts vlceres ne voulurent ceder : mais de iour en iour augmentoient. Quoy voyant, les patiens me man-

derent pour communiquer de leur maladie. Parquoy ayant diligemment consideré la nature, la propre qualité de tels vlceres, & les rap portant à ce que i'auoye maintesfois veu par experience. Ie leur feis prognostique de la vairolle, les aduerrissans, que s'ils vouloient, nous pourrions auec medicamens propres & contrarians à la cause consolider & guerir leurs vl ceres: mais qu'iceux desechez, & lors qu'il ne se feroir plus eduction du venin, du centre à la circonference, surviendroient pustules, douleurs, & autres fignes certains, & euidens de la vairolle.Ce qui aduint de point en point, & ont esté pensez de ladicte maladie, auec tant bon conseil, & seure methode, qu'ils en sont auiourd'huy bien gueris.

Du Prognostique.

OR n'est ce pas assez, de seulement sçauoir les signes presens, & demonstratifs de ceste maladie: mais les preterits, & aussi fault cognoistre les futurs, par le moyen desquels nous
pouvons faire prognostique de briefue, &
vraye, ou de tardiue, & impossible curation,
Exemple, ou la maladie est recente, ou elle est
inueteree: si elle est recete, les symptomes sont
peu, ou plusieurs, doulx & remis, ou grands,

CVRATOIRE. & vehemens: en corps bié habitué & de forte & bonne nature, ou en corps de mauuaise habitude, soit d'essence ou autrement. Si elle est recente, & auec peu de symptomes exterieurs: Vairolle recomme pustules ou boutons, quelques petites cente. douleurs mobiles aux articles, & que le corps soit ieune, de bonne habitude, aussi le temps soit propre & commode, comme le printemps & doulx esté, le prognostique sera de briefue, & facile guarison: mais à l'opposite, celle qui sera inuererée auec grand nombre de sym- Inueterée. ptomes, come douleurs de telle & des articles, de log téps enracinées tophes ou nocudz, specialement auec carie ou corruption d'os. Pareillement vlceres malings en corps extenué, imbecille, & cacochime, ou qui par diuerses fois aura esté traicté, possible par gens non methodiques, & sans raison: lesquelz auront introduict vne intemperie, qui difficilement se pourra rectifier, ou bien aura esté pensé par gens methodiques, qui auront faict tout ce qui est possible à l'art, à quoy toutes fois le mal n'aura voulu ceder par la grade malice. Ioinct que le venin à la occupé les veines prochaines des parties principales, come le foye & le cerueau(aydat à ce le vice predict de tout le corps ou des parties) lors le prognostique sera de tar-

diue & difficile curation. Et si le venin susdict,

a ia occupé les vaisseaulx & lieux circuiacents des parties cordiales, come il appert à maintz, lesquelz apres les choses predictes deuiennent marasmez & ethiques, par la consumption de l'humidité radicale, lors pourrons iuger que la maladie sera incurable, que communément Vairolle con- nous disons confermée. Et en telz ne fauldra tenter curatio, sino imparfaicte, ou palliatiue, non plus qu'en lepre confermée. Toutesfois fault vser de grande prudence en prognostiquant, pour n'encourir mauuaise reputations car i'ay veu maintz, qu'aucuns disoyét estre incurables, qui ont esté à la fin guariz. Encor n'a pas fort long temps que ie pensay vn homme d'estat, affligé de ceste maladie inueterée, & de long temps demouré au lict, qui auoit esté traicté & medicamenté, par plusieurs empiriques, de sorte qu'au consultations, qui en furent faictes, il fut deploré quasi de tous, à cause d'une douleur de teste intolerable, qui par pl' de quatorze sepmaines ne l'auoit laisse dor mir, & de plusieurs nodositez grosses & petites en la telle, tat sur les os parieraulx, qu'aussi sur le coronal, viceres au palais, auec de perditio de l'os d'iceluy, au moyen de quoy par deffault de reuerberation de l'air faisant la voix parloit (que lon dict comunément) du nez. Pareillement il auoit deiection d'appetit, les ge-

fermée.

noulx fort enflez, & extrememet douloureux, Tophes ou nodositez sur le milieu des os des ian bes, auec extenuation vniuerselle de toute l'habitude de son corps, tellemet que plusieurs l'estimoyet ethique: toutesfois traicté auec les indications susdictes, fut guari, sain & dispos comme encor tous les jours on le voit cheminant par ceste ville de Paris.

Curation.

Alien afferme que toute curatió de mala-Triple ma-die, se fait par l'une de ces trois parties de tion. medecine curatoire, sçauoir est ou par diete, ou par pharmacie, ou par chirurgie: & bie fouuét par toutes, ou la plus part d'icelles ensemble. En ceste maligne & peruerse maladie, tou tes les trois sont necessaires.

La premiere, qui est dicte, ou forme de vi- Diete. ure, ordonee selon les six choses non naturelles, consiste en l'air, au boire, au mager, & tout ce qui pour le nourrissement se prend par dedans: Au mouuemét & repos de tout le corps, ou de quelque parrie d'iceluy : Au dormir & au veiller, à la retention, excretion. Et aux affections de l'esprit, soubz l'air sont aussi comprins les baings & estuues, & le coir ou acte Venerien soubz le mouuement.

Pharmacie.

La deuxiesme, qui est pharmacie, comprend tous medicamens, tant prins interieurement, comme appliqué exterieurement. Par dedans elle donne decoctions, sirops, aposemes, iuleps, purgations, vomitifz, conserues, lohotz, pouldres, electuaires, gargarismes, apophlegmatismes, errhines, parfuns, clisteres, nouetz, & pessaires.

Par dehors huilles, linimens, vnguens, emplastres, cerotz, dropaces ou pications, cataplasmes, embrocations, epithemes, fomentations, sinapismes, sachez. Tous lesquelz medicamens sont ordonnez contrarians à la nature de la maladie, cause, & symptomes. Comme si l'humeur est gros ou espois, par medicamens attenuans: si trop visqueux, par incissez: si trop

fubtilz, acres, ou violentz, par incrassans, refrenans, & ainsi des autres, sans oublier son

propre alexipharmach.

Chirurgie.

La troissesme, qui est la chirurgie, met en execution les choses precedétes, laquelle plus certainement a congnoissance de ceste maladie, & remedes di'celle. S'il est ainsi que la cognoissance des maladies, & medicamens, lesquelz operent par proprieté specifique & occulte, soyent congneuz seulement par experience consorme auec raison, ce que iournellement nous congnoissons en elle. Semblable-

Galien.9. fimpl. & 13. meth.

chose se dira de la rheubarbe, de cnicusouc arthame, nommé saffra bastard, & semblables, de quoy nous parleros cy apres:pourueu toutesfois que le chirurgien soit docte & prudér, & garni des choses requiles en son arr, cognois sant non seulement les principes de chirurgie, mais aussi de la physique, tant en la theorique, qu'en la practique: pource qu'il luy est necessaire d'ordonner diete, & pharmacie, sans lesquelles chirurgie sera manque & imparfaicte: pharmacie, come resmoigne Galien au rroistesme de ses ca tagenes:aussi en son introductoire de medecine, disant que comme pharmacie a besoing de diete, & chirurgie : aussi chirurgie a besoing de diete & de pharmacie. Et pource faule que de necessité il cognoisse trois choses, en l'ignorance desquelles gist le desfault de curation de toute maladie: c'est à sçauoir l'essence, cause, & dicarie prin symptomes de la maladie: la diuersité des tem fes des choses peratures, tant generalles, que particuliéres, a- contre natuuec les remedes & medicamens ppres pour la re, naturelcuration d'icelle: lesquelles sont subdivisées en les, & non parties infinies, sans lesquelles toutesfois ne se peult faire curatio, si ce n'est p cas d'aduature? IL ne fault doc l'esmerueiller, si aviourdhuy

telle maladie semble à plusieurs si cruelle, maligne, & desesperée, & ses remedes aussi : car vn tas de Thessaliens, massons, vieilles matto-

Chirurgie & besoing de diete, or de

dicatios prin

nes, & semblables practiquas sans raison, ignorans non seulement les choses predictes, mais aussi toutes choses gouvernée par raison, gastent & perdent miserablement vne infinité de personnes:esquelles par deffault du traiclement, qui y est requis, sera ceste miladie rendue si rebelle & enracinée, que le plus sounent ellene vouldra ceder à ceulx qui y mettront la main, encor que ce fust Apollo, ou Æsculapius: Au moyen de quoy par telz malheureux homi cides souuer perissent & meurer cruellement.

A fin doques que plus Chrestiennemer nous puissios exercer choses à l'vulue de nostre pro chain, suiuos les pas des bons autheurs, qui auec tat de raisos ont escript en la methode curatoire des maladies: come Hippocras, Galien, Aece, Paul Aeginet, Cornel Celsus & autres. Et ne faisons come ces abuseurs, qui auec vne forme veulent indifferément chausser un chascun: mais considerons que pour methodique-Il fault con- ment curer ceste maladie, fault congnoistre les choses naturelles, & les dependances d'icelles, pour la varieté des corps, & parties affectécs: car il fault entendre que les homes d'habitude dure & robuste, come laboureurs, pionniers, nautonniers, chausseurs, & telles gens de trauail endureront, & porteront medicamés violens, & euacuations plus fortes, que les autres

gnoistre les choses naturelles.

d'habitude molle & delicate, come femmes, eu nucques ou chastrez, ieunes enfans, & semblables: aus que telz medicaméts violétz, non seulement se feroit euacuité des humeurs corropuz, & malins, mais aussi separatio de l'ame & du corps: comme il est aduenu à plusieurs.

Aussi que selon la temperature, fault diuersifier les remedes, comme es personnes de temperature bilieuse, & sanguine, fault autre forme de curer, que es pisuiteux & melancholiques:car encor que le fondement de ceste maladie (comme nous auons dict cy dessus) soit en l'alteration de l'humeur pituiteux, si est-ce, qu'il l'ensuyt vice, & corruption des autres, pour la temperature des corps, & exuberance des hameurs. Ce qui n'est rien, ioinct qu'il n'est homme qui n'ayt sa propre curation:tout ainsi comme en sa nature y a quelque chose, laquelle nous est impossibile declarer, ou comprendre par exacte science:car l'vn ha sa temperature, & propre nature: l'autre en ha vne differente, & ainsi de chascun homme. Pour ceste caule nous penserons auoir assez faict, si nous pouvons par methode distinguer les natures de chascune maladie particuliere, & à chascune d'icelle appliquer par coniecture son contraire, sans nous amuser à vouloir exactement expliquer la propre, & particuliere

52 nature d'vn chascun, ce qui seroit autant faire, que iamais fist Æsculipius : Galien au troisies-

Empiriques.

Erreur des me de la methode. IE croy que ses pauures malheureux, pires que Thessaliens, & Empiriques, se soucient bien de discourir toutes ses choses en leurs espritz. Au moins encor, s'ilz approchoyent d'eulx : & comme Empiriques auoyent les vns quelques medicamens, ou vnguens: les autres decoctions de gaiac, ou vins composez auec vne particuliere forme de les mettre en execution, pour ceulx qui sont d'habitude molle, blanche, & delicate : & vne autre pour ceulx, qui sont de grand trauail, & qui sont d'habitude dure, noire & robuste, comme nous auons dict dessus: & comme Empiriques prinsent autres indications de la coustume & maniere de viure precedente, ilz seroyent plus tolerables : mais ilz ne font rien du tout, & se contentent ces imposteurs d'auoir vne recepte, soit d'vnguent, ou du vin fusdict, & decoction: de quoy indifferemment & d'vne mesme forme, ilz traicteront toutes fortes de gens: dot aduiendra que si de fortune (se tronuant & rencontrant la maladie en son espece, la temperature & force, auec le propre, & autres choses infinies à considerer, proportionnez à leurdict medicament, comme il est possible) quelqu'yn est guary par leurs

mains: autres sans nombre, ayans qualitez con traires & differentes aux choses predictes, seront perduz & en danger (comme il se voit ordinairement en vne infinité) qu'il ne feront que languir la reste de leur vie : lequel erreur plusieurs auiourd'huy par faulte de ingement, & de considerer ces choses attribuent à la malice de la maladie : les autres au vice & venin de l'argent vif. Ce qui ne peult estre, si n'est par deffault d'estre mis en vsage, auec methode & raison, comme nous deduirons plus amplement cy apres.

2 L'indication prinse des choses naturelles.

C Achons doncques en general, que les cho- Les choses na D's, qui sont selon nature, requierent con-turelles. servation : & que selon icelles fault diversifier les remedes, & les subdiviser ivsques aux derniers elemens, & plus petites parties, en costderant que nous auons temperatures, & intéperatures naturelles : lesquelles intemperatu Intemperatu res ne doiuent estre curees: mais bien pequent res naturelles. estre meliorees, & rédues plus approchâtes de l'egal temperament. Pareillement nous auons res contre na intéperatures contre nature: lesquelles requie- ture. rent ablation par leur contraire. Exemple, vn

bilieux, pour la conservation de telle temperature, a besoing de regime (en toutes les six cho ses non naturelles) chauld & sec: & pour la me lioration dudict temperament luy est necessaire vn regime tendant à froidure & humidité: autant declinant, comme ledict temperament bilieux excedoit : car autrement seroit adiouster le bois au feu. Du pituiteux ou phleg matique au contraire, & ainsi des autres. Mais celles qui sont contre nature, requierent non seulement melioration, ains totale ablation & confomption d'icelles par leur contraire: comme si tout le corps est intemperé en chaleur, pour son contraire demandera estre refrigeré, si par froidure, eschauffé : ainsi de l'humidité & secheresse: qui est vne chose reguliere & facile:pourueu toutesfois que la raison & iugement de l'operant soit tel, qu'il puisse limiter, ou pour le moins approcher de l'exces de ladicte intemperie, pour luy ordonner & appliquer son contraire en pareil ordre ou degré:car si l'intemperie chaulde, froide, seiche, ou humide, excede la temperature naturelle en vn, deux, ou trois ordre ou degré, le medicamet doibt decliner en froidure, chaleur, humidité, ou secheresse en semblable ordre ou degré. Et tout ainsi, come nous parlons des simples, pareillement se doibt entendre des comCVRATOIRE.

posez, & plusieurs ensemble compliquez. Or voila donc pour euiter prolixité, ce que sommairement le delibere escrire de l'indication prinse de tout le corps.

Les indications particulieres.

MAintenant fault considerer qu'outre cela pour l'indication qu'il fault auoir des choses naturelles, ne suffit auoir la cognoissance de la nature de tout le corps : mais aussi des parties patiétes & souffrates, qui souvet diversi. fiét la raison de curer, & font cotrarier les indicatios necessaires pour la curation des sympto mes d'icelle maladie:pource doinent diligemment estre entendues. Exemple, si tout le corps est de sa temperature humide, comme és jeunes enfans, & autres susdicts, qui a raison de leur humidité requierent medicaments moins desiccatifs, & la partie affligee est de temperature seiche (comme les parties du nez, des yeux, des oreilles, des pieds, des mains, & telles parties non charnues, ny grafses) qui requiert medicaments plus desiccatifs, ce sont choses contraires: parquoy fauldra ratiociner, sçauoir lequel des deux sera exuberant, ou l'humidité de tout le corps, ou la siccité de la partie : car si elles sont esgales ;

d iiij

comme lors que l'humidité de tout le corps excede d'vn degré, & la siccité de la partie pareillement d'vn degré : adonc le medicament doibt estre tel, comme si tout le corps & la partie estoient temperez. Mais où la partie affectee seroit plus seiche, que tout le corps n'est humide: comme si tout le corps estoit humide d'un degré oultre le temperé, & la partie estoit plus seiche de deux, que le temperé, le medicament doibt estre sec d'vn degré, plus que si tout le corps & la partie estoient temperez: & ainsi des autres temperatures: ce que seulement se peult cognoistre par coniecture, & longue experience. Les signes des temperatures, oultre ce qu'en auons dessus escript, sont amplement deduicts par Galien au liure, au commentaire qu'il a faict de arre medicinali: & au deuxielme de temperamentis, & ailleurs. Pareillement ont esté doctement colligez par Maistre lacques Syluius, Lecteur du: Roy, en son liure de signis salubribus, insalubribus, & neutris.

Ce qui encor ne suffit: car en plus specifiant fault entedre que toutes parties de mesme gére, & affectees de mesme maladie, ne sont curez par semblables remedes: come en general, des parties spermatiques. Les nerfs, tendons, mébranes, & telles parties sensibles ne portet

tels medicamens, comme feront les ligamens, cartilages, os, & telles parties insensibles, ou autres d'obtuz sentiment. De mesme espece il nous en fault parler auec les indications particulieres, qui (selon Galien) sont prises de la Galien 2. ad temperature ou complexion: de la conformade constitut. ion, ou figure: de la situation, & de la faculté, artis med. ou vertu, auec le sentiment agu, ou obtuz.

Nous auons cy dessus generalement traicté Indication de de ce qui appartient aux parties similaires : & la temperatu deuons entendre qu'il fault conseruer ladicte re. temperature naturelle : c'est asçauoir la chaulde, par chaleur: la froide, par froidure: l'humide, par humidité: la seche, par siccité. Exemple, Si les parties glanduleules sont affectees, (com me souvent il aduient par apostemes des aynes, communement appellez poulains, ou vlceres virulens, corrolifs, cacoethz, & malings) il fauldra d'autant moins desecher, comme ces parties font plus laxes & molles. Si les parties charneuses sont vitiees, il fauldra pareillement peu desecher, plus toutes-fois que esdictes parties glanduleuses. Apres icelles sont les parties veneuses : suyuent apres les arterieuses, lesquelles il fault plus desecher que lesdices charneuses. Puis les nerueuses, & mébraneuses. Finablement sont les parties cartilagineuses, & les osseuses: lesquelles requierent

pour leur conseruation estre extremement de sechees, comme estant du tout le corps les plus

empiriques.

Erreur des seiches parties. Voyez donc comment ces miserables fricasseurs de pauures gens (qui par leurs desastres sont tobez en si cruelles mains) sont bien prests d'entendre l'estat duquel ils abusent: voyez combien ils approchent de la methodique & rationelle cure de ceste maladie:à laquelle ils pensent triumpher, & triumphent au grand dommage & ruine irreparable des hommes. Certes l'ignorance & effrontee impudence de telles gens sans raison, est auiourd'huy cause de la rendre si abominable, voire à l'endroit de gens de bon esprit & iugemet: lesquels voyans vn nombre infiny de paties estre toute leur vie inhumainemer tourme té, la iugeroiét volotiers incurable, à faulte de cossiderer que tels accidés quasi desesperez, ne vienent q pour laisser les gens rationels, & experimetez, & l'adresser à ie ne sçay quelles bestes, qui sans methode traicter toutes gens: Co me s'iln'effoit qu'vne seule espece de ceste ma ladie: & si en tous corps il n'y avoit qu'vn seul temperament: & toutesfois il ne l'en fault trop esmerueiller:car si en la curation d'vn seul absces, playe, ou vlcere (qui de leur nature ne sont si malings) par l'adresser à telles gés, nous voyos suruenir de grans incoueniens (pource

que pesans quelquefois les deterger sans auoir les indicatios precedétes: au cotraire ils les irritet:au moyen dequoy s'ensuyuét aux vns vl. ceres cacoethz & malings, quelquefois carcinomes ou chancres: aux autres pour vne seule playe, gangrene, & sideration, ou autres grans accides, come il est aduenu àvn que nous auos encor de present entre noz mains,) A plus for te raison peult aduenir en la curation de ceste maladie, qui est chose bien à cosiderer. Quat à moy i'en ay peu veu, ayans esté traictez auec methode & raison, qui soient recidiuez, ou au cotraire, i'en ay veu sans nobre qui auoiet esté traictez par la main de rels empiriques, lesquels difficilement apres sont retournez à con ualescence & guerison. Galien au 14. de sa methode se plainct quasi de semblable chose, parlant des scyrrhes, qui folemet estoiet discutez ou resoults p tels remedes appliquez sans methode: car de là l'ensuit evacuatio de ce qui estoit en mouuemét & plus subtil, ioinct q lors la chaleur naturelle & humidité substătifiq, debellatrice, & pricipale agéte en la curatió de ce ste maladie est rédue laguide & imbecille, pour les tourmes q sans occasio ils leur fot endurer.

Or ce n'est pas assez de cognoistre l'indication prinse de la temperature: mais aussi fault prinse de la entendre que les parties de mesme substance formation.

different en plus grande, ou moindre desicca. tion, pour leur formatio, ou figure: par ce que aucunes sont caues, & ont porositez manifestes dedans seulement:les autres dehors, aucunes dedans & dehors : les autres ny dedans, ny dehors. Et selon icelles fault de necessité appli quer les remedes: car aucunes parties sont rares & laxes:les autres denses & dures, lesquelles porteront medicaments plus fors que les premieres. Lesdictes parties laxes ont grandes porositez, & tout ainsi que pour la rarité de leur substance, les choses contre nature en elles contenues, facilement sont euacuces. Aussi se pourroient par mesme raison consumer les humiditez radicales & naturelles. De ceste forte est la substance des poulmos, laquelle est fort poreule, & dedans & dehors: consequemment la ratte, puis le foye, les reins, & tels visceres: mais la chair des extremitez, comme bras, & iábes, portera medicaméts plus forts, d'autant qu'elle n'aura causté seulement que dedans. Aussi feront les veines & arteres, iaçoit ce qu'elles soient fort seiches, sinon celles qui seront aux dessussates, ou semblables parties internes, comme celles (outre les visceres) du peritoneum, de la poictrine, & telles parties, qui ont cauitez dedans & dehors, lesquelles deuroient estre moins desechees que

si elles estoyent aux extremitez, ou n'auroyent cautté que dedans seulement. Pareillement les parties qui n'auront cauité, ny dedans, ny dehors, requerrot medicamens plus vehementemet desiccatifz, come les nerfz & tendos deldictes extremitez. La raison sera par ce que à l'occasion de leur solidité & astrictió des voyes difficilement se penuent eugeuer les humeurs attachez & adherens à iceulx. Parquoy fault conclure que lidicte indication est grandemet requise & necessaire en la curatió d'icelle maladie, tant pour raison des vnctions vniuerselles (ou curieusement deuons auoir egard pour euiter les inconueniens de plusieurs, qui indifferemment frottét toutes les parties du corps) que particulierement pour les symptomes d'icelle, comme douleurs, apostemes, tophes, ou nodolitez, scirrhes, vlceres, & semblables.

Ne fault aussi oublier l'indication prise de la Indication fituation, laquelle varie & châgeles deux pre-prife de la se-cedétes. Car encor qu'vne partie pour la rarité qui est en elle, demade estre mois desechee: La profundité toutesfois sera cause, que pour faire eduction de l'humeur vitié contenu en elle, il sera besoing y appliquer medicaments plus forrs, que si l'humeur estoir en vne partie superficielle, de sorte que bien souvent nous sommes corrains, pour ladicte profondité d'y

appliquer iusques aux medicaméts tat forts & violents, qu'ilz vlcereront & bruslerot le cuir exterieur, pour ce qu'auant qu'ilz puissent paruenir iusque au lieu ou l'humeur est corenu, il n'est pas possible que pour la distace leur vertu ne soit gradement diminuée, come telmoigne Galien au 5: de sa methode, parlant de l'affection des poulmons: Aussi au 10. liure de la coposition des medicaments pour les parties, parlant de la curation de sciatique, qu'il dict estre maladie tresprosonde. Pareillement en vn tophe ou tumeur (qui souvent survient aux affectez de ceste maladie Venerienne, en l'os de la cuisse, bras, & iambes, & telles parties osseu ses, iusque à quelquefois les fondre & liquefier, comme si c'estoit metal) fauldroit medicaments plus forts, que pour l'eduction de l'humeur d'vne pustule, ou petite tumeur en quelque partie de la main. D'auatage ceste positio nous enseigne par quel lieu, & quelle maniere d'euacuation nous deuons vser. Car iaçoit ce que ceste maladie soit vne & non plusieurs, co me i'ay dict cy dessus, toutesfois il y a diuers symptomes, lesquelz ne sot cuacuez ny curez parvn mesme moyen, qu'ainsi soit, si les parties superieures sot plus affectees, l'euacuatioqui se fera par les melmes parties superieures (come par le flux de bouche) sera la plus certaine. Et

files parties inferieures sont plus affectees: l'euacuation faicte par lesdictes parties, comme par flux de ventre, sera plus louable. Au moyen dequoy doibt nature estre ay dée, comme nous dirons en la curation.

Reste à parler de la quarte indication prinse de la faculté & action des parties, necessaire prinse de l'aà la curarion de ceste maladie: car aux parties Etion. qui auroyét action vniuerselle, ou bien seroyét le siege, ou lieu de quelque vertu gouvernant nostre corps (come est le cerueau, le cueur, le foye, l'estomach, & telles parties) les medicaments propres pour l'eradication de ceste maladie seroyent grandement nuysibles. Qu'ainsi soit, en l'vsage de la friction nous vsons de medicamets, qui ont non seulemet vertu d'alterer la qualitéveneneuse, come alexipharmac, mais aussi relaxer, ouurir, attenuer, iciser, resouldre; & euacuer les humeurs corropuz & sieges de tel venin: desquelz medicamets fault vser aux extremitez & parties ignobles seulemet: car si nous en vsiós sur lesdictes parties nobles & au tres parties, dont l'vulité & actio est necessaire à tout le corps (ainsi que plusieurs de ces abuscurs) non seulement nous euacuerios les humeurs viriez & corrompuz, mais aussi resouldrions, & rédrions les parties tellemét imbecil les, qu'il s'ensuyuroit impotence de leur action

Indication

& vtilité (ce qui est aduenu à maintz) comme par la resolution du cerueau s'ensuyura tremblement & debilitation des parties nerueuses, surdité, spasme, paralysie, & quelquesois apoplexie. Du cueur, fieure, diminution d'esprit vital, palpitation d'iceluy, & passions melancholiques. Du foye, generation d'humeur pituiteux au lieu de sang, hydropisie, flux hepatique, par la relaxation & resolution d'iceluy. Et par l'imbecillité de la vertu retentrice & cococtrice du ventricule, & intestins, le corps ne sera nourri: mais suruiendra disentere, ou flux de ventre, & autres semblables indispositions. Et par mesme raison Galien au 13. de la methode reprend ce medecin Thessalien, nomé Attalus, disciple de Soranus, lequel pesoit vn philosophe Cinique, nommé Theagenes, d'vn phlegmon, ou inflammation au foye, auquel appliquoit (ayatesgard à la maladie seu lement, & non à la faculté de la partie) medicamens relaxans, comme fomentation d'huyle chauld, puis cataplasme faict de pas & de miel, sans y adiouster chose qui fust pour roborer la dicte faculté du foye, necessaire à la vie. Au moyen dequoy suyuat le prognostique de Galien, ce philosophe n'arresta point à mourir. Doncques l'vtilité de l'indication prise de la faculté des parties faict varier les autres indi-

cations: car encor que la source dé ceste mala die soit esdictes parties nobles, nous n'y appliquos toutesfois relz remedes immediatement: mais où il seroit besoig y relaxer, mollifier, ou resouldre, il fauldroit messer esdictz medicaments choses astringentes & roborátes: ce qui ne se faict es extremitez, ou parties ignobles, desquelles la resolution n'est tant à craindre, Oulcre ne fault negliger la qualité du sentimét agu, ou hebeté, pour autat qu'vne partie de vif & exacte sentimét ne portera les remedes si acres & vehemetz, come vne partie insensible, ou d'obtus, & dur sentiment, sans vne grande douleur, q no seulemet entretiedra la pmiere fluxion, mais aussi en excitera vne nouuelle. Come, pour exemple, les viceres prouenas des bubos ou poulains, ne sont si sensibles & douloureux, & porterot medicaments plus forts, que les viceres qui seront en la verge, entre le prepuce, & le balanum, & ceulx qui aucunesfois surviénée es yeuls ou paulpieres d'iceulx, & telles parties sensibles. Or voyla donc les indications qui sont necessaires à tous chirurgiens:parquoy puisque la doctrine du bon chi rurgien consiste (comme auons dict)en la theo rique, & practique dudict art (soubz lesquelles principalement sont coprinses les susdictes indications: Il fault que celuy qui methodiquement, & artificiellement vouldra curer ladide vairolle, ave la congnoissance des choses esquelles cosiste la chirurgie, veu qu'il est tout cler que ceste maladie (attédu les symptomes) requiert plus l'office du chirurgien q nulle autre. Et pource debuons diligemmet practiquer le dire de Galien au 14. de la methode, où il dict qu'il fault curer seurement, briefuemet, & sans douleur, le plus que possible sera. A la mienne volonté, qu'vn chascun faisant acte de chirurgien, le congneut parfaictement & mist peine d'en vser plustost au prossit de son prochain que par yne ostetation, ou auarice, come for auiourd'huy plusieurs, au grad detrimet de toute la republique, lesquelz certes meriter pu nition pl' rigoreuse que l'hommicide ou meur trier, en ce que non seulement ilz tuent les patiens, mais leur font peu à peu consummer leur bien, & miserablement languir, eulx, & toute leur famille. Doncques apres les deulx susdictes indications tat requises & necessaires à la cure de telle maladie, c'est àscauoir celle qui est prinse de la maladie, & l'autre qui est prise des choses naturelles, & annexées, maintenant reste à parler de la troissesme prinse des choses non naturelles, soubz lesquelles nous coprendrons les remedes : laquelle ie deduiray par le menu, pour la diversité des curations.

Les trois manières de curer la vairolle.

P Lusieurs ont par long téps cherché & experimenté diuers remedes tant genéraulx que particuliers, pour la curation de ceste mala die; mais auiourdhuy de tous elle se pratique en trois manieres: La première se faict seulement par decoctions de gaiac: La seconde par vnctios comunement dictes frictions, ou appli catios d'emplastres, specialemet auec argét vis: Et la troisesme par suffimiges ou parsums.

Preservation de la vairolle.

Vitre lessistes trois, ie y adiousteray la quatricsme (ou plustost prophylactique ou preservative) pour l'excellence d'elle, & l'experience qu'en auons faict: auec laquelle a uons preservé maintes personnes de tomber en telle mahdie. C'est l'vsage d'yne eaue philo sophique, laquelle soubz couleur d'yn gaing, ou prossit particulier ie ne veulx me reserver: mais publiquement la descrire, asin qu'estant methodiquement execusée, elle soit à l'vtilité de toute la republique. Quant donc quelqu'yn se souper, malings, calleux & durs en la verge,

gonorrhée ou pille chaulde vehemété, ou aussi quelque apparéce de fluxion, & rumeur es aynes, laquelle se cache & retourne aux parties internes:par le moyen de quoy y a doubte que le virus ou venin fice ses efforts, pour vaincre & surmoter les parties nobles. Mesmes encor que les signes comencent à pululer, qui denotet la masse sanguinaire attaince de tel venin, errant, mobile, & ia espadu par l'habitude du corps, sans estre fixe. L'vsage de ladicte eauë est ayde excellent : car (oultre q par sa chaleur & tenuité de substance elle ouure les pores, attenue, & incise la crassitude, & viscosité de l'humeur gros attainct de tel venin, & l'euacue par ses sueurs) par la proprieté specifique & oc culre elle contrarie à ce venin, l'euscuant par exhalation, resolutió & cosumptio d'iceluy: & par sa faculté mixte robore & conforte les par ties nobles: au moyen de quoy sont preseruez de putrefaction, & de succuber par les assaultx vehemets d'iceluy. La forme d'en vier sera telle:les choses universelles devement faictes par le conseil du prudent medecin, le regime sera. bon, suyuat les indications precedétes, & fauldra vser d'aliments de peu d'excremétz, faciles à digerer, & rendas à siccité mediocre: le matin prédra 3.4.00 s. onces de l'eaue susdicte, pour la téperature & force du patient, & la gradeur

La maniere d'ofer de l'eaue philosoph.

des accidens:ce faict, se tiendra au lict vne heu re, deux, ou enviró, & endurera la sueur qui se presentera sans violence, specialement en teps froid que les pores sont astraicts & serrez:mais l'esté, que la constitutio de l'air est chaulde, on en peule vier sans suer au lict, & ne laisser à fai re ses negoces, & jouër à la paulme, pourueu que ce soit deuant le repas : & faire semblables exercices mediocres. LE premier gract du boire au repas sera de trois onces ou enuiron de l'eau susdicte, auec aurant de vin blanc vieil, sain & entier: deuant le soupper vne heu re en prendra vne dose comme le marin, sans se mettre au lict, & ainsi continuera 20.00 30. jours, plus ou moins pour les indications predictes : enquoy l'experience fondee auec icelles est le principal instrument.

Philosophique.

Rasuræ interioris substantiæ gummosæ, gaiací lib. i. trociscorum de tiro ¿. i. theriaces veteris mithridatij an. 3. vi. ligni aloes, schænanthi, gariophilorum an 3. iii. mitrhæ olibani, thuris an. ¿.ß, se.juniperi, baccarum lauri, card benedicti, an. ¿.i. diarhodon abbati, aromatici maioris, diamarg. frigidi, an. ¿.ii. cor-

tic.aranciorum, cortic. citri conditi, an. 3.1. con feruarum acori, yreos, flor. rosatu, buglossi an. 3.1.8. stat aqua sublimata modo sequenti.

Vous infuserez le gaiac en demy lib. de bon vin pour l'abreuer, la reste des ingredies (estas subtilemet broyez pour leur ordre & nature) sera meslee en destrempat curieusement, auec -la decoction sequente, insques à ce qu'il y ait telle humidité qu'ils puissent endurer legere, & continuelle ebulition, pour dewement estre fermétez:laquelle fermétation le feta en deux cucurbites diligemment estouppees (afin que rien ne f'exhale) in balneo Maria, ou létement sur les cendres chauldes. Estant faicte ladicte fermentation, le tout soit sublimé doulcement & sans violence selon l'art. Les signes de la fermentation deuëment faicte, seront, quad apres la suffisante ebulition, l'humidité commencera à se consommer, & la matiere à s'espessir.

La decoction pour la preparation de l'eauë philosophique.

R. Polypodij quercini, folioru senæ an. 3. ii. pinpinellæ, bethonicæ, scabiosæ, an. M. B. florum cordialiu P. iii. passul. mund. 3. ii. glycyrhisæ3. i, se. canabis, & lini an. 3. i. decoquantur in aqua sussi. ad tertias: colaturæ in fundentur

rasura gaiaci gummosi 3. vi. super cineres calidos horarum 24. interuallo. Facta rursus lenta ebulitione ad tertias, coletur: totum seruetur vsui dicto.

par l'vsage de la decoction de gaiac.

Vant aux trois autres manieres, si nous iu geős selő l'experiéce, nous trouuerós que la seule friction se pourra dire generale cu ratrice. & les autres coadiquantes : desquelles nous vseros l'une fois des deux, l'autrefois des trois ensemble, selo la coplication & diversité des symptomes ou accides: pour ueu toutes fois que ce soit auec methode, suyuat les choses des susdictes, sans nous cotenter d'vn seul remede ou recepte j & le faire seruir à toutes matadies & téperatures Quant est de la premiere qui se faict par decoction de gaiac, ie ne me delibere d'en faire icy vn traicté: mais vous declarer en bref ce q par mes assidues experieces i'en ay co gnu & coprins par l'aduis des plus rationels & suffisans practicies, tant de mes copagnos chirurgies, que des principaux medecins de ceste ville de Paris, auec lesquels journellemet sommes appellez és cosultations, où sainement &

72

charitablemet est deuise (apres la cognoissance de la maladie) des remedes les plus seurs & briefs, pour la cure & guerison d'icelle. Or entre eux l'vsage de ceste decoction est estimé le plus doux & moins violant : mais il ne suffit, pour l'entiere cure & extirpatió de ceste mala die, mesmes ie leur ay maitesfois ouy affermer que iamais ils n'auoiet veu home perfectemet guery auec seule decoction: ce q de ma parr, ie suis cotraint leur accorder, pour l'infinité d'experience que nous en auos tous les iours. Bien est vray qu'elle est vtile & souvent necessaire (ou chose equiualente) non seulement pour la curation de ceste maladie, mais aussi à toutes autres affections, où est besoing d'eschauffer, attenuer, prouoquer sueurs, desecher non violentement, mais tout doucement: de sorte que (comme les sirops) on la deuroit plustost appeller preparative que cutative: car si elle n'est suffisante pour la curation d'une simple maladie (comme seroit carharre ou fluxion, aposteme, vicere, & semblables accidens comuns, & non compliquez aueg ceste maladie) que par experience on voit ceder aux remedes benings & doux, coment ne seroit elle trop imbecille pour la totale eradication & ablation de ceste maladie ? qui est de telle nature qu'auec euacuation bien grade faicte par comuns

medicamets tant laxatifs qu'autres, elle ne reçoit point curation. Si vous me dictes qu'en ce bois y a quelque proprieté (comme apres nous diros de l'arget vif) auec laquelle telle maladie puisse estre curee, ie respodray auec raison (oul tre la quotidiane experience) qu'il ne se peult faire telle action par ledict bois, qu'il se faict par l'argent vif. Ie confesse bien que le bois es chauffe, attenue, prouoque sueurs, & par cosequent deseiche, & en cosumant les humeurs su perflus (si aucuns y a, qui estas esmeuz causent douleurs, ou autres accidéts) semble qu'il guerisse, cobié qu'à la verité il ne face qu'appaiser la douleur, delaissát la cause premiere:car aussi tous ses effects sont imbecilles. Et d'auantage il ne faict eductio que du subril par les sueurs: Mais l'argent vif, (encor qu'aucuns doubtent de ses qualitez) a toutes les actions de ce bois, Collation de & plus grande puissance & vertu: car oultre ce l'argent wif que lon voit par experience qu'il eschauffe, at auec le bois tenue, incise, dissoult, resoult, & deseiche, il pronoque sueurs, flux de ventre, d'vrine, & de bouche : par lesquels non seulement le subtil, mais aussi bien le gros (siege principal de ceste maladie) est euoqué & tiré dehors. Par le bois seul souvent nous voyons advenir tophes, ou nœuds, douleurs profondes (qu'on attribue à l'argent vif) lesquelles sont causees par les re-

liques des humeurs plus lents, espes, & visqueux delaissez au profond. Toutessois quand il est methodiquemet exhibé, il peult saire relle preparatio, que si on en vse par quelque téps selon que la diuturnité de la maladie, la quantité, & nature du venin, & autres indications requierent, la friction, ou chose equivalente succedant doulcement & sans violence infailliblement, sera eduction dudict venin.

La description du bois de gaiac.

En la preparation de ce bois fault premierement considerer quel il est, & les signes de celuy duquel deuons vser, pource que auiourd'huy lon en met tel en vsage, duquel ne peult sortir aucun essect, par ce qu'il est entierement resoult, sec, aride, carié, & par consequét de nulle vallue, ou en son espece de moin dre persection.

Aucus disent le bois de gaiac avoir esté incogneu aux anciens, qui est vray semblable, par ce que nul d'iceux en a faict mention, nonobstant l'opinion d'aucuns qui le veulent reduire soubs le bois d'ebene, soubs vmbre de quelque conuenance qu'ils ont ensemble, & qu'Aristote ait dit au quatriesme de ses Metheores

Que tout bois nage, excepté l'ebene : or le gaiac ne nage point. Autres l'ont voulu reduire soubs le bois dit Karon, dequoy parle Anicecene. Toutes telles disputes sont de peu de pro fit: & nous deuons contenter de sçauoir que nous auons trois manieres de ce bois, comme descript Manard en son 17. liure 3. epistre. Dot Manard. 17. le premier est celuy qui a le tronc bien gros & liu. 3. epi. est fort noir par le dedans : Le second n'est pas Les especes du fi gros, & si n'a pas la couronne noire si gran bois de gaiac. si gros, & si n'a pas la couronne noire si grande par le dedans:mais y est entremessé de petites veines, comme le premier: Le troissesme est moins gros que les deux autres, & est tout blanc dedans & dehors, & a les venules ou lignes plus deliees: Celtuy-cy propremet estappelle lignum sanctum. le croy certes que c'est vn mesme genre & mesme espece de bois. Et pense le secod seulement estre plus ieune que le premier: Le tiers estre les branches (comme il est facile de comprendre par la figure d'elles auec celles des arbres de ce pays) qui ne sont famais droictes, ny (le plus fouuent) rondes, comme les premieres especes: A quoy toutes-fois ne deuons trop nous arrester, ny sçavoir q est apporte le l'vn est apporte de l'isse saint Dominic, l'au- bois de gaiac. tre de l'isle saincte Croix, l'autre de l'isle sainct Iean, qu'on dict estre le meilleur. Mais nous n'auons figne aucun pour les discerner ou co-

gnoistre. Ceux qui nous depeignent ce bois, le disent assez approcher du fresne, & estre grad enuiron de douze couldees, ayant les fueilles semblables à platain, ainsi nerveuses, mais plus petites, rondes & roides: les fleurs iaunes, le fruict quasi semblable à chastaignes : d'autres disent en forme de petites noix, qui de leur fa culté sont laxatives, mais nous n'en auos point en ce païs, pource qu'elles ne se peuvent garder si long temps.

Election du

Or de ce bois le meilleur est cel 1y qui est de boudegaiac. moyenne aage, grosseur mediocre, recent, graue, & non deseiché, ny carié, corrodé, ou corrompu, duquel estant mile au feu, la substance appert fort gomeuse, de sueur acre auec quelque mordicarion, de couleur curine, quasi come du buix par le dehors, auec vne moyenne liuidité ou noirceur par le dedans, & l'escorce bien adherente par le dehors. Mais il fault fuir (comme le moindre de tous) celuy qui est fort gros & tout noir : car c'est celay qui est par trop vieil, & par consequent plus sec, & auec moins de suc, comme il appert en toutes plantes & animaux. Quant à l'electio de l'escorce, de laquelle plusieurs vsent auiourd'huy, fault considerer les choses mesmes descriptes du bois: & doibt estre prise d'vn tronc mediocre ayant couleur cendreuse, à la difference de cel-

Election de l'escorce.

.77

le d'vn gros tronc & vieil bois, qui a la conleur noire, ou tendate à noirceur, & soit recente & fort adherete au bois. Sa temperature est assez Les facultez descripte & congneuë par ses actions, tat pre dugaiac. miere, deuxiesme, troisselme, que quatriesme, Car il eschauffe, rarifie, attenue, attire, prouoque sueurs, & vrines, & a quelq chose de propre contre le venin susdir. Et fault noter qu'en iceluy bois, y a trois substâces differeres, selon plus ou moins: La premiere est l'escorce: la se-Trois especes conde est la partie d'apres exterieure & blan-che. La troissesme est le dedans communemet jac. appellé le cueur, qui est le noir : & toutes ces trois doyuent estre considerees : car tout ainsi comme en l'encens y a la manne d'ences, l'escorce d'encens, & l'encens : lesquelz different selon plus ou moins, pource que la mane d'encens deseiche plus que l'escorce d'ences, & l'es corce plus que l'encens : Aussi l'escorce dudit bois est tousiours plus seiche. Au moyen de quoy ou beloing sera plus deseicher, nous vserons d'icelle. La seconde est moins seiche, par ce qu'elle est aucunement plus gommeuse, no toutefois come la troisselme, qui est le dedas, par ce qu'elle a plus d'humidité gomeuse: Au moyen dequoy pourra moins deseicher. Et, pource es corps delicatz, humides, & de rare texture, il est besoing pour la conservation des

choses qui leur sont naturelles, moins deseicher en eulx: & à ceste cause l'vsage de la troisiesme ou deuxiesme sera plus ppre. Et à ceulx qui de leur nature sont robustes, denses, out secz, il fauldra d'autant plus deseicher, comme ilz sont plus secz que les susdictz. Pource l'vsage de la premiere, qui est l'escorce, leur se-

ra propre messée auec les autres susdictes, n'ob mettant les diuerses considerations dequoy

nous auons par cy deuant parlé.

La maniere de preparer le bois de gaiac.

Trois manieres de preparer le bois de gaiac.

A decoction dudict bois de gaiac se peult faire en diuerse maniere suyuant les choses precedentes. Les vns le sont puluerister, ce que ie n'approuue, pource que le mettat en pouldre, vne partie de sa vertu se resoult & perd: Autres le sont tourner, dequoy aussi ie doubte, pource qu'il est sec, solide, & dur, par consequent difficile à dissouldre, macerer, & insuser. Autres le sont raper, qui me semble la voye la meilleure, & plus saine: puis l'insuser en eaue de pluye, qui est la meilleure, ou de sontaine, riviere, ou puys, pure, & bonne, & qui soit quelque temps reposée. Aucuns doubtent du temps de l'insusson, & veulent qu'il

79

trempe par trois iours, pour taison de sa solidité de substance. Les autres ne veulent que douze heures, alleg as qu'il se peult corrompre en l'eau par si long téps, ie suis d'aduis q pour l'intention que nous aus de plus ou moins es chausser ou desecher, on le doibt laisser detréper: car estant fort trépé, sa vertu en est mieulx tirée par la longue infusion: & au contraire. La moyene infusion sera de vingtquatre, ou trente heures, ou l'eaue sera quelque peu chaulde, specialement l'hyuer, à fin de mieulx penetrer la substance dudict bois. Et pour liure de bois y adiouster huict, dix, ou douze liures d'eaue, suyuant les indications predictes.

Trois manieres de preparer la decoction de gaiac.

A cuisson d'iceluy se peult saire diuersement, les vns la sont distiller simplement en chapelle de plomb: les autres en doubles vaisseaulx, qu'on appelle balneum Mariæ. Et mettent le tout en vn vaisseau de verre, ou semblable, lequel de reches ilz metter envn au tre de terre, ou d'aerain, beaucoup plus grad, plein d'eaue, laquelle bouillante saict distiller ladicte insusion. En telle maniere louable se sont maintes distillations, pour euiter vne empyreuma, ou impression ignée, qui l'acquiert par bouillir simplement deuant le feu. Autres le font cuyre seulemet sans distillation en dou ble vaisseau. come i'ay predict, car l'eaue bouil lante fait cuyre la decoction doulcemet & sans violence, tant & si peu que besoing est.

La maniere plus commune & vsitée est auoir vn vaisseau de terre plombée, arain, ou cuyure estaime (qui sera plus grand que ce qui se met dedans) & faire bouillir ladicte infusion lentemet en vn feu de bois sec, clair, & sans fumée, & garder que rien ne l'enfuye par dessus pour la perdition qui se feroit de sa vertu. Ce faict soit consumée de la moictié, tierce, ou quarre partie selon les indications dessusdictes. Et co bien qu'aucuns disent que si en la faisant cuyre on y mesle, & adiouste quelques autres choses, elles luy diminuent sa vertu, si m'est il aduis que comme en toutes maladies copliquees nous sommes contrainetz par faulte de medicamét simple qui les puisse surmonter & guarir, faire composition de diuers medicaments, nous deuons par mesme raison en la curation de ceste maladie (qui le plus souvent n'est simple)adiouster choses auec ce bois, qui puissent ayder & rendre son action meilleure, plus parfaicte, & de plus grande efficace, plus valide, seure, & soubdaine, au cas qu'il seroit besoing

de promptitude: & au contraire. Mais si on doubte quelque partie estre affectée, on doibt y adiouster simples, qui specialement ont, esgard & aspect à icelles, les quelz, opereront come en propre subiect, & serviront de vehicule pour y conduyre la faculté de la diste de coctio: Comme si la maladie est auec obstructios au soye, à la ratte, reins, vescie, cerueau, & autres parties, il ne sera impertinét y messer choies aperitiues (& qui auront esgard aus distes parties) comme est radisquiritia, polypodium quer cină, aussi les autres capillaires, & les sirops d'iceulx, rad. cychory, petroselini, saniculi, graminis. & semblables:

L A premiere decoctió faicte, coulée & doul cement exprimée s'il n'y a autre esgard: lon remettra aucc le bois ia cuit, autant d'eaue sans le lusser autrement tremper, pource qu'il est ia assez maceré: ce faict, la faire bouillir come la premiere, & non tant consummer, ny si long temps, pource que plus aisement, & en moins de temps (pour les choses precedetes) se peult disouldre la vertu dudist bois: mais si on craignoit la trop grande assriction du marc, lon pourra prendre au lieu d'iceluy autre bois, qui n'aura encor bouilly, mais en moindre quantité: lequel ayant trempé le mesme temps, sera mis bouillir, & le laissera lon plus consummer

La seconde decoction. que la premiere fois, adioustat choses roborates le ventricule en la concoction d'iceluy, come coriandru, anisum, cinamomu, & semblables.

Le temps pour l'vsage de of la decoction.

double.

Le teps pour Pource donc l'vsage dudict bois aura dou-l'usage de la decoction est & le temps d'election. Le téps de necessité est lors que le mal est tellemet vrgent & precipitant, qu'il y auroit peril de differer, come si les symptomes susdict z suruenoyet: mais le temps d'electio sera, no en hyuer pour l'extreme froidure, qui est ennemie des nerfz, & toutes autres parties seminales, tesmoing Hippocrates. Aussi condense, & reserre les pores, empesche l'attenuation, & resolution des humeurs gros, & visqueux, de sorte que si elle troune les pores ouvers, & les humeurs liquefiez; les reprimat & repoulsant vers le cetre (qui sont lesdictes parties osseuses, spermatiques, & froides) elle les incrasse & espessir, tellemer qu'elles se colent & attachent à icelles, & de là viennent ces nodositez, & autres douleurs profondes, cacoethes & rebelles à toutes curations. Aussi ce temps d'election ne sera l'esté pour les trop grandes chaleurs qui resoluent, & dissipent les espritz, & chaleur naturelle, principalle agéte

en la curation des maladies, pour ce qu'elle em pescheroit d'attaindre à la fin ou nous aspiros: mais le printemps, lequel se debura choisir, Le temps de non au mois de Mars ou Apuril, où quelque election. fois sommes encor en hyuer:mais lors que l'air sera temperé, ainsi que descript Hippocras en son liure de elementis, Galien en son liure premier de temperamentis. En ce temps ne sera impertinent soruir de la chabre, & faire ces negoces & affaires aucc mediocre exercice, pendant l'vsage dudict bois, specialemet es habitudes melacholiques, pour ladicte preparation, pourueu que l'air ne soit pluuieux, trouble, ou venteux: Le téps apres plus cómode, & approchant d'iceluy, sera l'Autone, ou se fauldra don ner garde de l'hyuer qui succede, & tiercemet l'esté. Quoy que ce soit, il ne faut iamais obmet tre nozindications: car vne mesme decoction esgalement prinse ne pourroit proufiter à vn chascun, mais nuyre grandement. Voyla comment auec discretion l'vsage de ce bois doibt estre ordonné, & non pas à la mode d'vn tas de fricasseurs pires que meurtriers : desquelz aucuns adioustent à ladicte decoction du cyclamen (communément appellé panis porcinus) brionia, esula, colocynthis, turbit, diagredium, agaricus, & semblables, & indifferemet à toutes natures en mesme sorte & quatité: dot en suyuent

Consideratios innumerables maulx, & inconueniens. Doncen l'usage du ques es corps qui seront de constitution plus bois degaiace humide, & qui pour les curatios, & autres chofes precedentes seroyet deseichez, fauldra vser de celuy qui sera moins sec (come sot les deux substáces internes, & plus gommeuses) auquel sera mis plus d'eaue, & se macerera & trépera moins de temps aussi seramoins columné, & se donnera en moindre quantité. Es autres de constitution plus seiche, ou auec grande quantité d'humeurs excrementeuse, il fauldra vser de celuy qui sera plus sec, come de l'escorce & secode substace, ou de la troisiesme en moindre quantité: & d'auantage de la premiere en moindre quantité d'eaue: & sera plus maceré, plus cosummé, & en vsera en plus grade quatité, pourueu que l'estomach le puisse porter: car quelques vns sont de tel naturel, qu'ilz ne peuuent en vre fois boyre en grad traict; sans vomissements, ou semblables accidents: Et en tel cas mieulx vault partir la potion en deux ou trois doses, leur donnat par l'internalle de demy heure, ou enuiron.

> La forme & maniere d'vser de la decoction de gaiac.

L A forme d'en vser sera telle, le patient soit en air plus, ou moins chault:si c'est l'hyuer

& la disposition de l'an soit froide, il aura besoing d'estre en vne chambre bien fermee, eschauffee, & l'air d'icelle rectifié artificiellemet auec choses odorates & couenables, de laquelle il ne fortira point: veu mesmesqu'il seroit pe rilleux (estans les pores ouvers) l'exposer à l'air froid, qui (selon Hippocras au 18. aphor. du 5. liure) est ennemy des nerfs, & toutes parties nerueules: mais où l'air exterieur sera temperé, il ne sera impertinét en vser, sans laisser d'aller par la ville, & vacquer à ses affaires, come nous auons predict, non toutesfois si parfaictement qu'on pourroit faire, demourant en la châbre. Et fauldra q le patiét soit preparé, & puis purgé par l'aduis &ordonnace du docte & prudét medecin:la preparatió se pourra faire auec ladicte decoction au lieu de sirops, & sera cause que la medecine trouuat les humeurspreparez fera eduction d'iceux auec violence beaucoup moindre. Ce faict, vsera le matin de la decoctió premiere (lors que la cocoction est faicte) & en prendra six onces ou environ, & fault qu'elle soit riede, afin que plustost soit reduicte de puissance à effect: & q par sa froidure actuelle,ne soit blessee la vertu cococtrice du ventricule: lors sera mediocrement counert de couvertures plus chauldes, que pesantes, sans violentement le contraindre à sues par grand

nobre de couvertures, ou de graiz chauls, mis entour eux: come font plusieurs, qui ne cosiderét pas q nous sommes ministres de nature, & qu'elle (qui est principale agente en la curatió des maladies) ne veult estre ainsi irritee, ny for cee: & par ce moyen elle est quelquefois tellement corropue & deprauce, que la trop grade abondace de sueurs resoult & espuise les corps de telle sorte qu'on est contrainet de laisser la propre cure, pour suruenir aux accidés. Le sem blable peult aduenir par la trop gráde chaleur de l'air ambient, soit de la costitution d'iceluy, ou par accident, come si la chambre estoit trop eschauffee, ou que la decoction fust faicte auec choses trop aperitiues. Ce qu'auec grand iugement fault cosiderer, ayant tousiours l'oeil dex La manière tre à la vertu, & force du patiét: mais, ou pour la densité du cuir & autres causes, nature ne voul droit prouoquer sueurs, ce ne seroit pas mal faict d'appliquer aux pieds choses chauldes, co me vne bouteille pleine de ladicte decoction, ou autre faicte auec choses diuretiques, & de tenuë substăce: ausquelles i'ay trouué grad effect, specialement és extremes douleurs de la teste, pour la sympathie, & grand consentemét qu'ilz ont ensemble : Aussi auant que luy faire prendre ladicte decoctió, se pourroit faire frictions molles auec les mains, ou linges chaulx,

Sueurs.

afin d'ouvrir les pores, & prouoquer ladicte sueur. Quand donc il aura esté par deux heures, ou enuiron en son lict suant, si possible est (car quelquesfois les pariés sont en telle disposition, que pour quelque diligéce qu'on y mette difficilement on les peult emouuoir à suer) Il se fera essuyer premieremet és parties opposites des douleurs (si aucunes en y a) puis doulcement és parties dolentes, pour la crainte de y attirer d'auantage: Ce faict, lentement se rafraichira en son lict, se gardant du froid, qui seroir cause d'obstruction des pores &voyes, & par consequent empeschement tant de la sensible, que insensible transpiration. Deux ou trois heures apres, voyant qu'il sera remis, & l'emotion appaisee, il pourra disner & (comme i'ay ia dict) pour la force, plenitude, ou inanition qui sera en luy, vsera de viandes, & suyura son regime. Puis enuiro cinq ou six heures L'heure plus apres son disner (qui me semble plus comode comode, pour qu'apres son soupper, pource que c'est enuiron l'asage de la l'heure qu'il la prinse le matin: aussi q la dige-decoction. stion est mieux parfaicte qu'elle ne seroit deux ou trois heures apres le souper)vseravne autre prise de la decoctió premiere, & se mettra en son lict, come le matin, ou (fil n'a la comodité) fe tiendra chauldemet-sans se coucher: car encor qu'il ne sue (estas lespores ouvers) ne laisse

pourtant à se faire exhalations des vapeurs, & esprits veneneux & corropuz, come ilest bien à croire, puis que ceux qui couchét auec ges in fects de telle maladie, gaignent bien lavairolle par la seule receptió desvapeurs & exhalatiós. Il fauldra donc qu'il cotinue les choses dessusdictes. l'ay trouvé de grad effect, que duratque le patiet vse de ladicte decoctió, on luy donne tous les 4.5.00 6. iours, quelque infusió de choses laxatives pour la nature de l'humeur peccăt, l'astriction, ou laxité du ventre: Ou plus co modemet vser des clisteres, qui sans faire mou uemes contraires, tels qu'ont de coustume les medicames purgatifs, nettoyet les intestins & premieres veines des excremens recuits, & deseichez par grades sueurs. Car come ledit bois de soy principalement prouoque les sueurs, il n'y a faulte qu'il faict plus eductió du subtil,& le plus gros (iaçoit ce qu'il soit attenué par l'action du bois) ne peult estre toutesfois euacué par lesdictes sucurs:mais si par l'aide d'vn medicamét doulcemet purgatif, ou plustost (pour les raisonspredictes) d'vn clistere, il trouve nature obeissante, il ferà beaucoup plus aisement éduction d'iceulx : & en cecy fault vser de plus grande discretion, que ne font plusieurs, qui l'exhibent touhours laxatif, & (comme il me femble) sans raison: pource qu'vn medicament

purgatif mis en vn corps, faict necessairement action, de sotte qu'en défault de trouver humeurs preparez, il operera es bons, comme telmoigne Galien au commer. de l'aphoris.37. du liu.2. Dont adviendra qu'au lieu d'estre aidee nature, sans occasion sera molestee, & rendue moins habile à cobatre & surmonter ladicte maladie: & aussi qu'il faict actios cotraires. L'vsage de ladicte decoction durera selon les indications que lon aura tousiours deuant les yeux, & pour la gradeur de la maladie, téps & duration d'icelle, nature de l'humeur, la disposition des corps, l'aage, le sexe, la coustume, la region, la partie de l'annee, & la constitution de l'air, il fauldra en vser plus, ou moins. Si l'in tention est de seulement preparer, le téps d'en vser pourra estre de huict, dix, ou quinze iours. Mais où absoluement on vouldra tendre à la cure de celte maladie aucc l'vsage de ce bois,il fauldra augmenter toutes les choses susdictes, & sera le regime plus estroict & rigoureux, & la decoction (specialement vers la fin) plus desiccative. Mais sur tout fauldra estre soigneux des frequentes & legières euacuations, lesquel les en ce cas ont vn merueilleux effect. Aussi le remps de l'vsage sera beaucoup plus long. Et pour lentemét deraciner ceste maladie, ne sçau roit estre moins de six sepmaines, ou environ.

Er en tel espace de temps, auec le traictement, comme ie l'ay dict, i'en ay veu (specialement de ceux qui estoient affectez par recidiues) lesquels se trouuoient bien auec sedation de leurs douleurs, & autres accidents: toutesfois cela n'aduient pas souuet. I'en ay bien veu (qui est chose digne à noter) & practiqué maintesfois en la curation de telle maladie, si rebelle, qu'elle ne vouloit ceder à la friction: mais nonobstant le flux de bouche continuoient, ou recidiuoient les douleurs & autres accidents; qu'vsans puis apres de telle decoction, ils estoient parfaictement gueriz: dont i'en cognois, & voy iournellement plusieurs, qui de long teps sont sains, & bien dispos. Mais quat à la seule decoction, où ie cognoistroye par noz experiences, ou rapports de gens methodiques, & dignes de foy (auec lesquels sommes iournellement assemblez, pour la visitation & curation des malades) l'vsage simple d'icelle, ou autre voye estre suffisante, & plus seure que la friction, croyez que ie ne vouldroye la taire, voire n'y eust il autre chose qui m'en sollicitast que ceste charité tant recommandee du Createur, que no seulement elle se trouue entre gens infideles, & sans cognoissance de Dieu, mais aussi entre les bestes brutes, & toutes especes d'animaux.

Le regime en l'vsage de la decoction de gaiac.

Pareillement sera bien necessaire l'ordon-nace du regime & raison de viure:car suyuant le dire d'Hippocras au 4. aphoris. de son premier liure, la trop tenuë & exquise maniere de viure est tousiours dagereuse és maladies longues, & aux agues, esquelles ne convient point, elle est perilleuse, &c. Or il est ainsi, que ceste maladie est des plus chroniques & longues: mesmes que plusieurs apres l'vsage de ce bois & trop estroicte maniere de viure, soit ou pour douleurs de teste, d'articles, ou autres affections des parties ossues demeurer auec vne colomptió du plus subtil, le plus gros estat delaissé. Au moyen dequoy (comme i'ay predict des scyrrhes) ils demeurent en tel estat qu'en aucuns la cure est tresdifficile, & les autres en sont incurables, pour estre degeneré en vne marasmation, dite tabes. D'autres par le moyé de rheumes & fluxios bilieuses en l'estomach, l'ont eu tellement subuerty, debile, & agité de douleurs, que puis apres par long téps nonobstant plusieurs aides & remedes, ne pouuoient estre remis. Es autres voyons aduenir fieures, specialement par l'augmentation dudict humeur bilieux. Pareillemet vlceres, qui de iours

en iours se rendent malings, serpens, corrosifs, & difficiles à curer, la cause desquels (si ce n'est auec grad iugement) bien souuet est ignoree. Voila dequoy est cause vne extreme abstinence ou elle n'estoit necessaire. Puis doc que par la continuatió & vsage de ce bois les humeurs tousiours l'attenuent, & deseichent, si par ce moyen ils en estoient quelquefois renduz adu stes, & malings, lors il fauldroit les humecter: & au contraire: Et pource tel regime doibt estre prudemment ordonné, tant pour la nature de la maladie, & malice de symptomes, ou accidens, que pour la temperature, ou complexion du malade, l'aage, le temps, l'annee, & la qualité de l'air ambient, la region, & semblables susdits. Selon toutes ces choses doibt estre augmenté le regime, ou diminué, leur ordonnant mäger vne fois le iour, deux, ou plusieurs sans omettre la coustume, suyuat le dire d'Hip po.au liu.2. de victo ratione i morbis acutis. Ioinct que les repentines, & soubdaines mutations, come euacuer, remplir, eschauffer, refrigerer, & autres manieres mouuant le corps, sont odicuses, & perilleuses à nature, comme tesmoi gne Hippo.au 51.aphor.du deuxiesme liure,& Galien au coment.mesmes és deux autres precedens. Parquoy me semble qu'il n'est pas possible ordonner ou descrire vne certaine regle

touchant la quantité ou qualité du viure, comme trois onces, quatre onces de pain, seize; dixhuict, ou vingt pruneaulx: mais suyuant les choses que nous auons dictes cy dessus, il nous fauldra reigler selon toutes icelles pour bien' ordoner, ou administrer vne certaine maniere de viure. Mais pource qu'en ceste regió & autres Septétrionales & froides (pour la chaleur naturelle, qui se retire es parties interieures) la concoction se faict meilleure : par consequent plus on appete, telmoing Hippocrates au 15. aphoris.de son premier liure, & Galien au coment, ou il dict, En hyuer, & au printéps sont les ventricules naturellement treschaulx : parquoyen cesditz temps & saisons se doibt on plus nourir, &c. & par default d'aliment l'humidité radicale le cosumme par l'action de ladicte chalcur, & les humeurs naturelz, il seroit meilleur à mon aduis, les indications susdictes bien & diligemment considerces, & suyuant icelles, vser de chairs rosties, ou bouillies, & alterées auec herbes propres, & femblables àliments (pour la similitude de la substâce qu'ilz ont auec nous) que de pruneaulx, raisins, & semblables : car encor que la decoction soit cordiale, toutes sois le nourrissement en est terrestre, melancholique, & de suc moins bo que de la chair. Soyent donques les viandes faciles

à cuyre, & digerer, & de peu d'excremens, & qu'on fuye toutes celles qui peuuent engen. drer humeurs gros, visqueux, & vitieux en qua lité, comme poissons, qui de leur nature sont pituiteux, visqueux, de gros suc, & pleins de crudité:aussi toutes choses salées, & espissées, ailz, oignons, moustarde, & choses semblables, qui peuuet inflammer, & brusler le sang, & esleuer vapeurs chauldes & acres au cerueau. Vse de chairs de ieunes moutons, de veaulx, cheureaulx, lapreaulx de garenne, pouletz, hetoudeaulx, & toº oiseaulx sauuaiges, excepté ceulx qui viuent es caues: & pource les alouettes, & merles sont bonnes. Vieulx pigeons pour leur grande chaleur pourroyent faire ebulitio aux humeurs, parquoy est meilleur vser de pigeoneaulx, & leuraulx : toutesfois auant qu'vser des choses susdictes, il fault les preparer pour la nature de la maladie, aussi des corps, & autres circunstances: & suyuant cela seront plus humectans, & nutritifz, ou deseicheront plus, & nourriront moins. Leur pain doibt estre de froment, bon, bien leué, & bien cuict, ny trop! tendre, ny trop dur: mais mediocre. Aucuneffois ou besoing estoit desecher ou roborer le ventricule, y ay faict adiouster de la pouldre d'anis, ou coriandre. Son boire soit de la deco-Aion dudit bois, pourueu que le patient ne

soit trop debile, ou fort accoustumé au vin: auquel cas ie leur permettroye l'vsage d'vn bien peu de vin non fumeux, ny violent, mais d'vne moyenne force, & substance, & bien meur, specialement apres le premier traict de ladicte decoction : laquelle pour auoir promptement esté attirée par le foye famelique (qui l'arrachera du ventricule pour son aliment) operera en iceluy, & luy seruira de medicamet. Quant est du dormir, il l'en fauldra abstenir tant qu'il sera possible apres le disner: pource que tel dormir réplit le cerueau d'exalations, & vapeurs, & augmente les douleurs, & matieres catarrheuses. L'exercice mediocre deuat le repas n'est impertinent, & sera bon de delaisser (fil est possible) toutes affections, & agitations d'esprit en tout le temps de la curatio, attedu qu'elles ont puissance de commouvoir, & inflammer les espritz, & humeurs, principalement bilieux: A quoy luy seruira beaucoup passer le temps à quelque chose ioyeuse, comme deuiser, jouer, ouyr instruments musicaulx, lire choses facecieuses: mais la chose qu'il fault principalement fuyr, & cuiter du tout pendant la curation, est l'acte Venerien, comme de toutes les choses non naturelles la plus contraite. Car oultre la debilitation des parties nerueuses, & empeschement des

vertus, & actions naturelles, il empesche tant la sensible, comme insensible transpiration, &c euacution des humeurs vitieux, & les reuoqué aux parties internes.

מזרונד ל וונ בולונה

La seconde maniere de curer par friction.

A secode maniere, qui est l'enction ou fri-Ction, est vrile & necessaire à la curatio de ceste maladie, non toutes sois en toutes les especes, & dispositios d'icelle, ny en tout teps. Parquoy prudément la fault administrer, suygant les indications cy dessus tant de fois recommandées. Car ou la maladie seroit inueterée, faicte d'vn humeur gros, lent, & visqueux, & ia adherant aux parties solides, froides, & profondes, qui sont les os, come en ceulx qui au paratiant ont esté traictez, & en ceulx qui ont nodositez, douleurs inuererées de teste, & articles, ou pour la longueur de temps no seulement les parties sont rédues imbecilles, mais auffi nature faccoustume à descharger là ce qu'elle sent luy vouloir nuyre. Au moyen dequoy simprime vne cachexie, & mauuaife habirude, & est le corps, & les vertus rédues im-. becilles, pour les diuturnes. vehementes, & co cinuelles douleurs:lesquelles (-tesmoing Hip-

pocras (sur toutes choses prosternét & debilitent les vertus:ou la maladie dicte seroit ainsi inuererée: lors tát l'en fault que ladicte frictio immediatement en tel cas soit commode, que mesmes par vser d'icelle, en corps, & humeurs non preparez, nous en voyons infiniz perduz, & miserablemet firnir leurs iours, come quand elles est executée par vn tas de malheureux ho micides la iuste douleur & leur meschanceté, me cotrainct d'ainsi souuet m'attacher à eulx) qui seulement practiquent pour l'auarice, & quelque vil gaing, & negligent Dieu & sa parolle, frottent inhumainement vn patient, sans aucune preparation ou esgard, sinon que quelquefois les plus suffisans d'entre eulx, les voulans purger, leur exhiberont vne lozenge de diacarthami, ou de succo ros. estimant par leur asnerie & ignorance, ou bien par leur malice auoir bien besongné, veu mesmement que cela porte le nom de medecine:mais c'est sans cossideration de la nature des humeurs exuberans en ce corps, & autres indications tant necessaires, & sans auoir esgard, que ladicte friction (laquelle est precipitante & subite) faict action en ce corps. Et tout ainsi, comme tout medicament purgatif mis en vn corps, opere premieremet es humeurs, lesquelz de sa nature & proprieté il est apte à purger, puis par def

fault de les rencontrer, se rue sur les autres, qui leur sont plus semblables, & prochains, & ne trouuant humeurs vitiez & corrompuz opere & besongne es humeurs bons, & en ce qu'il peult rencontrer: par mesme raison ladicte friction appliquée fera action en ce qu'elle trouvera luy estre propre, & à elle preparé: & par dessault de preparation des humeurs corropuz de ce venin, operera es autres bos, & humiditez radicales, & naturelles, dont ensuyt vn erreur pire que le premier: aussi que c'est contre l'opinion d'Hippoctas en ses aphorismes.

Pource est besoing vser de cocoction, & preparatió desdictz humeurs:car ou y il auroit par trop grade desieatio, il fauldroit les humecter, tant auec les choses internes (comme maniere de viure humectance, de facile digestion, & de petit excrement, vsage de decoction de gaiac, mesmes faire bouillir leur viande, & nourriture en ladicte decoction, auec orge ou ilz seroyent trop deseichez) qu'auec choses externes, come bains composez de racines, herbes, fleurs, semences, & choses propres pour humecler, & temperer la chaleur & siccité des corps, & dispositions, qui pour les choses precedentes auroyent esté trop eschauffez, & deseichez, come lon voit comunément : Et à l'issue d'iceulx faire frictios de medicaments pre-

paratifz tant seulement: come pour humecter & emollir, vser d'axunge: come est axungia anserina, anatina, caponis, gallinacea, porcina, humana caprina, hircina, taurina, vulpina, taxi, vrsina. De Medulle, comme est, vitulina, ceruina, hircina, bouilla, canina, taurina. De gomes, come est ammoniacu, bdellium, oppopanax, galbanum, &c. Seméces, come se.malua, lini, fænigraci, coc. Huylles, come olen violarum, liliorum, lumbricoru, &c. desquelz auec cire se fera liniment, & d'iceluy faire frictió generalemet par tout le corps, ou particulieremet es lieux affectez. Mais à telz liniments ne fault adiouster arget vif, ny autres medicamets resolutifz tant p leur pprieté, que leur qualité manifeste, ou fort chaulx. Pareillement on peult faire estuues seiches, pour les intétios desfusdictes, de relaxer, emollir, hume cter, & ouurir les pores, attenuer, & inciser la crassitude, & viscosité des humeurs, & à l'issue d'icelles faire frictio auec les linimets susdictz, & ainsi continuer iusques à suffisante preparation. Mais il ne fault temerairement appliquer les remedes, ains auec meure deliberatio: & co siderer qu'vn remede ou medicamét bien propre pour vne maladie souvent doibt estre chágé pour la mutatio & changemet des teps d'icelle. Pour retourner à nostre propos la frictió qui est sans moyen, sera vtile & necessaire (les

choses vniuerselles deuemet faictes) à ceulx ou la cotagion est encor recete, & ou les humeurs pituiteux & autres sont meslez ensemble, ce qui souvent advient es corps sanguins, & bilieux, come en ceux qui ont douleurs mobiles, & non fixes de teste, espaules, bras, & iambes, vlceres recétz de mébres viril, de gorge, & de bouche, pustules en la teste, front, esmoctoires des parties nobles, & autres parties du corps, & esquelz nous pouuons faire iugement, que ladicte matiere est cuicte & preparée, pour promptement auec ses racines estre euacuée: mais à la coposition des medicaments pour ladicte friction, ne fault obmettre que (oultre les autres medicaments de quoy nous parleros en leurs lieux) tout ainsi come nous auons dict en la diffinition d'icelle, qu'elle a quelque chose de propre, & occulte, aussi pour la curation d'icelle, est il besoing adiouster medicament qui luy soit alexipharmre, soit de proprieté manifeste, ou occulte, comme (entre autres) est l'argent vif, lequel seul est approuué par certaine, & methodique experience, nonobstant qu'aucuns doubtent que de sa venenosité prouiennent telz accidens malings, qu'on voit aduenir à plusieurs ayants vsé d'iceluy, que ie delibere traicter par authorité, raison, & experience.

CVRATOIRE. De la proprieté de l'argent vif.

A Veuns citent Dioscoride, lequel en vn cha pitre qu'il a faict de l'argent vif, dit, q pris par le dedans il ronge, & caue au moyen de sa grauité & pesanteur:mais Marianus sanctus Ba Authorité. rolitanus, home fort experimeté en chirurgie, traictant de casu coffensione, pour respondre & latisfaire à cecy faict vne petite digression, & dir, qu'il a veu plusieurs qui ont aualé le vif ar- L'argent vif gent sans aucune incommodité, ou lesion. Et prins par depour cofirmation de son dire, racote l'histoire dans, n'est ve d'vne femme qu'il afferme auoir veu prendre neneux. pour quelque intétion, & à plusieurs & dinerses fois vne liure & demy d'argent vif, qu'elle reiettoit par bas, sans aucune lesion: mesmes dit, qu'en l'Iliaque passion (comunément dicte miserere mei) maladie mortelle, plusieurs sont eschappez, en prenant trois liures d'argét vif, auec de l'eaue simplement : & les autres estre gueris d'vne violete colique, en prenat moins de trois onces. Ce qu'aussi est approuué par Auicene, au chapitre de argento viuo, où il dit, que plusieurs en boiuent sans estre aucunemét endomagez. Antonius Musa en son liure, où il faict examen des simples medicaments au trai-Aé des metaux dit, qu'il a de coustume de don-

ner argent vis à boire aux ensans estans demy morts à l'occasion des vers & l'ymbrics.

Histoire.

Vn Euesque de ce royaume affermoit, que luy estant Ambassadeur pour le Roy à Venise, se trouua vn seruiteur apothicaire, qui pour desrober son maistre aualoit l'argent vif, & se retirant en quelque lieu à l'escart le reiettoit par le siege sans mal aucun. Non content de tout cecy, i'en ay voulu moymesmes faire l'experience, & en ay faict vser en perite, moyenne, & grande quantité à plusieurs especes d'animaux, qui ne s'en sont point mal trouuez: ce que vous pourrez aussi faire, si bon vous semble. Autres disent, que Galien l'a dict veneneux. Galien 9. simpl. confesse iamais n'auoir eu aucune experience, sçauoir si prins par le dedans, ou appliqué par le dehors il doibr estre dict mortel. Auicene l'a ordonné pour la tigne des petits enfans : Mesué en a ordonné en ces vnguents (seulement pour la rongne) en telle quantité, qu'aucuns en vsent selon la recepte pour les frictions.

Galien. 9. ſimpl.

Par dedans se donnent medicaments purga-Raison dedui tifs, ausquels les autheurs attribuent qualité te par simili-veneneuse: comme tous laxatifs, lesquels toutudes. tessois auec leur correctifs sont rectifiez de leur qualité virulente & maligne, & sans telle malice sont action: Par l'authorité de Galien,

& rous autres autheurs methodiques, & rationels, nous vsons de medicaments veneneux, & de la plus part prins par le dedans, comme de viperes, cygue, iusquiame, mendragore, opium, pauot, hellebore, & autres : lesquels tellement se peuuent corriger, que nous en vsons sans telle malice. Ne voit on aussi maintesfois, que par l'indocte exhibition d'agaric, scamonee, turbih, carrame, mesme rheubarbe, & autres tels benings medicaments purgatifs (delquels gens methodiques vsent iournellement sans violence) qu'à maintes non seulement demeure vne imbecillité perpetuelle du ventricule, par laquelle suit lyentere, intempestiue euacuation, & quelquefois indeuë, par laquelle l'ensuyt dysentere, tenesme, & autres tels accidents, mais aussi maintesfois s'en est ensuyuy la mort? N'en pourroit on autant, voir d'auantage dire du pain, du vin, & toutes autres viandes? Ne dit Galien toute repletion estre mauuaise, celle du pain tresmauuaise?voire mesme veneneule, comme il se peult voir apres le temps de famine, que plusieurs en meurent, encore que de soy il soit tant bening & familier à nature, que rien plus.

Galien en son liure de causis morbo. dict, que les viandes bonnes indeuëment prinses, engendrent maladies froides. Voyez quels

maux & accidents adviennent du vin, quand il est prins indeuëment, & sans raison:car outre les vices qu'il cause au foye, il refrigere & rend les parties nerueuses tant imbecilles, que non seulement plusieurs demeurent en perpetuel tremblement, & subiects à continuelles fluxions, & catarrhes: mais aussi les vns tombent en vertigine, scotomie, paralysie, apoplexie, & bien souuent en la mort: Et pour ce n'y a raison d'attribuer telle violence, & malice à l'argent vif, plustost qu'à la faulte de le bien appliquer & mettre en bon vsage : veu mesmes que plusieurs hommes experts & methodiques en font yser sans aucun inconuenient: Et si dis d'auantage que lon en pourra prendre en plus grande quantité par la bouche sans lesion, que d'autre laxatif quelconque. Les bonnes femmes pour bien tuer les poulx, & oster les rongnes de la teste des ieunes enfans, appliquent par long temps argentvif fans correctió, ny preparation : ains seulement demy meslé auec beurre, ou axunge, & en grande quantité, encore que la teste soit vne partie noble, de fort rare texture, petite force, & aisee à offenser. On a pareillement accoustumé en Espagne, comme gens dignes de foy m'ont referé, de faire vser d'argent vif aux petits enfans, pour le laict coagulé dedans l'estomach

sans inconueniens: & mesmes encores de present ces malheureux empiriques en leurs frictions, frottent & la teste & toutes les parties nobles, auec leurs vnguents, où n'y a faulte de arget vif, & sans preparation quelconque:toutesfois à plusieurs n'en aduiennent aucuns accidents.

Si nous voulons croire à l'experience, on en Exp erience que l'argent trouuera infinis, & trouueroit on encor d'a-vif n'est veuantage, n'estoit le scandale, qui ont esté frot-neneux. tez, non seulement par vne, ou deux : mais par plusieurs fois, lesquels auec les mesmes remedes methodiquement reiterez, ont esté gueriz. Et si on vouloit obiecter, que cela est pour vn temps, & qu'ils recidiuent, & renchoient apres, i'offre non seulement d'affermer, & faire affermer à plusieurs de mes compagnons chirurgiens experts, mais en monstrer plusieurs en ceste ville, & ailleurs (sans ceulx que ie ne vouldroye declarer pour le scandale) que i'ay pensé auec argent vif, lesquels testifieront, come ils sont à vn chacun, de leur vie ne s'estre mieux trouuez. Les signes sont tels, ils sont bien coulourez, aucuns gras, dispos, auec bon appetit : ils dorment bien, & sont allegez par le dormir: & font toutes actions naturelles auf fi bien que iamais. I'en monstreray aussi d'autres, lesquels (ayans esté pensez auec mesmes.

remedes, & par autres que moy, il y a des ans plus de vingt) sont sains & dispos : & depuis (comme ils tesmoignent) ne s'en sont sentis en aucune maniere. La controuersie & different des autheurs, qui en ont escrit, nous mostrent assez que la seule experience en peult certainement iuger, come aussi de tous autres medicaments operas par proprieté occulte. Parquoy Qualitez pre ments operas par propriete occuste. Parquoy mieres de l'ar delaissans la dispute de ces qualitez premieres

gent vif. & les autheurs qui l'ont dict chauld (come Ga-

lie 4. simpliciu, Aristote 4. metheor. Haliabas, Paul Eginet, Constantin, Isaac, Rases, Platearius) par experiéce nous voyons en luy action de chaleur, come d'attenuer, inciser, penetrer, & resouldre. Aucuns le disent froid, pource qu'il est faict de plomb, & autre matiere froide, qui ne l'ensuit pas: car la chaulx viue est fai cte de cailloux, & pierres froides, ce neatmois est chaulde & caustique. Et pource ne nous arrestons à telle dispute: mais à l'action d'iceluy, laquelle est plus necessaire, & acheuons de sçauoir, si de sa venenosité prouiennent tant de maux que luy en attribuét aucuns. De ma part ie sçay que plusieurs en vsent,& en ontvsé, qui n'en ont aucun mal: & ay veu homme en ceste ville, qui pour cinq sols tournois en aualoit deux onces pour vne fois: & plusieurs en font aujourd'huy vser en pillules sans incouenient:

ce que toutesfois ie ne vouldroye conseiller sans bonne & artificielle correction. Au reste, quant à l'application exterieure, nous le voyos L'argent vif estre alexipharmac & antidote contre les vice- contraire àla res virulents, cacoeths, & malings, qui refusent malice des & se rebellent contre tous autres medicaments: de forte qu'il consume la virulence, & malice d'iceux, plus que nuls autres operants par leur qualité premiere. Guido de Cauliac parlant de la nature de tels vlceres, ordonne y appliquer platines de plomb frottees d'argent Le plomb pro vif. Ce que conferme Galien 9. simplicium, du malice des vi plomb, l'approuuant pour les viceres malings, ceres. & pour les chancres. Mesmes nous voyons par experiece que le plomb (lequel aucuns disent veneneux, par ce que l'argent vif souuent est faict de luy) peult demourer vn long temps en nostre corps sans faire aucune corruption, comme lon peult cognoistre en ceux qui ont eu coups de harquebuzes. Quoy que soit i'ay veu à plusieurs hommes, tant en Italie, comme en ce royanme, demourer plombets aux par-ties charneuses (comme bras, iambes, & dedas ture. le corps) l'espace de deux, quatre, six, huict, voire dix ans, & descedre du hault en bas sans faire aucune putrefaction, ou nuisance à nature, qui le denote assez n'auoir telle venenosité: mais plustost quelque chose de familiarité

ce.

auec nature, que n'ont pas plusieurs autres me taux. Aussi Galien 7. cata topus ne dit pas qu'il soit veneneux:mais dit que l'eau e contenu es canaux de plomb (pour le limon qui l'y artache & adhere) cause dissentere, ce que feroit bien l'erain, ou cuyure, le limon desquels selon la substance adherente à iceux, est ce que nous appellons vert de gris. Ces iours passez ie fus Histoire de appellé pour vn ieune enfant demourant chez une experien un docteur en medecine de ceste ville de Paris lequel auoitvne parotide (qui est aposteme enuiron les oreilles) auec grand' tumeur, inflammation, douleur, pulsation, & tels signes signifiás generation de matiere. Au moyen dequoy nous aduisames qu'il seroit bon (à raison de la grand douleur & tension) y appliquer vn medicament anodin, & chalastique comun, ex medulla panis furfuracei in latte vaccino infusa, cum semine lini, or fænigræci, oleis liliorum, or rosarum, floribus chamameli, & meliloti, & croco. Ce qui fut faict, & au premier remuement de l'emplastre se trouua grande diminution de la tumeur, & de tous les autres accidents, dont ledict medecin, & moy fulmes fort elbahis, parce que nous auions deliberé ce iour, ou le lendemain y faire ouuerture. A la seconde fois se trouna sansinflammation, pulsation, ou dou-

leur, & la peau ia fletrie, qui denotoit resolu-

tion, & apparente diminution de la tumeur: & sentoit l'enfant la partie quasi toute deschargée. Au troisiesme appareil i'apperceu dedans ce cataplasme quelque chose d'argent vis: parquoy nous enquerans, d'ou pouvoir proceder cela, trouuasmes qu'vn seruiteur, auquel on auoit commandé faire ce medicamét (faulte de curiosité) l'auoit messé auec vn vnguent estat au mortier, auquel y auoit de l'argent vif, toutesfois cest enfant sut guari en quatre ou cinq iours, sans suppuration, ny autre inconuenient quelconques. Et le voit on tous les jours faire bonne chere, sans s'estre depuis trouué mal. Quelque temps apres vnc damoiselle fust affligée d'vne semblable maladie, laquelle no seulement luy comprenoit le derriere de l'oreille: mais aussi vne partie de la gorge, & quasi toute la ioue, & noobstant quelques remedes que nous y peussions appliquer, sussent repercussifz, resolutifz, ou suppuratifz, nous ne sceusmes tant faire que nature voulut tédre à aucune euacuatio, de sorte que la tumeur, inflamma tion,& douleur, estoit telle, que nuict ne iour possible ne luy estoit reposer, ains de iour en iour estoit augmétée, quoy voyans ie racoptay aux medecins là presents, l'histoire precedente, lesquelz furent d'aduis qu'on y adioustast quelque peu d'arget vif. Ce qu'ayant faict sentit des la premiere application, diminution de ses douleurs, & en peu de iours se termina par resolution (encor que ledit argent vif fust ap-

pliqué auec suppuratif)& fut guarie.

le pourroye alleguerene infinité d'autres experiences, lesquelles ie laisse à cause de brieueté:pource qu'il me semble que ces probations sont suffisantes, pour conclure que l'argent vif n'est si veneneux, & maling, que plusieurs par faulte d'experience, & iugement l'ont estimé: que l'argent car si les choses precedentes ont lieu, il me sem ble que merhodiquement on en pourra vser es frictions: attendu que les parties frottées sont ignobles: & que l'argent vif y entre en petite quatité (si aisi est qu'il y en entre) & qu'il y a au corps, subiect, en quoy il opere, qui luy obtud sa vertu, & par cosequet l'empesche de blesser ce qui est naturel & bon. Tout home methodi que peult iuger, qu'il n'y a patiét pour vne fois traicté qui en puisse vser vne once en toutes ses frictios, lesquelles encor sont faictes en diuers iours: car en vne liure d'vnguent il y aura trois, quatre, cinq onces, plus, ou moins d'argent vif, duquel vnguent il vsera(pour l'habitude,& force qui sera en luy, la nature des humeurs, quantité du venin!) la moictié, ou les trois pars: & suposez qu'il vsast le tout (ce que peu font)il demoure dedans les draps, & au-

Conclusion vifn'est veneneux.

tres linges mis entour culx, ou demoure sur leur corps, comme est facile de le iuger à ceulx qui en font l'experience: & m'est aucunement doubteux qu'il penetre en substace dedans le corps, come nous deduirons cy apres: Et pour obuier aux accidents que feroit la trop grande resolution d'iceluy, l'unguent s'applique exterieurement sans violence aucune, mais en bien petite quantité sur les extremitez seulemer: & est la quatité de l'vnguent d'vn, iusques à deux onces pour le plus à chascune fois pour frotter toutes les parties. Or voyez quelle difference il y a entre telle application, & l'vsage de l'argent vif descrit par le susdict Marianus sanctus Barolitanus, qui est d'vne, ou deux liures pour vne fois aualé, & pris par dedans: aussi les autres histoires descriptes au precedent, & autres qui se pourroyent deduire, que ie delaisse pour euiter prolixité.

Response aux objections faictes contre l'argent vif.

I E ne doubte pas que cecy ne soit trouvé estrange de plusieurs, lesquelz ayants par affection, faulte de iugement, ou autrement entreprins blasmer l'vsage, & les actions de l'argent vis, le diront maling, veneneux, & en-

nemy de nature, pource que nonstant, & apres l'vsage d'iceluy, ilz en voyent vn nombre infiny de tormentez & affligez:ilzvous allegueront qu'il penetre iusques au centre des parties du corps (qui sont les os) & que là il demeure, & faict esleuer leur substance: car de là sont engendrez ces nodositez scirrheuses, qui apparoissent en quelques vns affectez de ceste maladie, & que son naturel est de les liquefier & fondre en gouttes, comme si c'estoit metal: Qu'il, prouoque douleurs diuturnes, & telles qu'a iamais les personnes sont affligées : Qu'il est cause de tellement resouldre la vertu des nerfz, & autres parties nerueuses, que l'homme toute sa vie demeure en perpetuel tréble-ment: Finablement qu'il faict des vlceres à la bouche virulents, & malings, noircist les déts, rend la bouche orde, & puante, auec plusieurs autre maulx que quelque fois on leur voit aduenir. Pour à quoy respondre, amy lecteur, ie confesseray bien, que (comme aucuns en vsent, & ont vsé)il en peult aduenir mille incoueniens, tout ainsi comme de l'indocte application des autres medicaments. Et comment se feroit il autrement, puis que nous voyons auiourdhuy vn tas de femmes, tumbiers, & autres sans raison, sans sens naturel, & iugemer, qui en abusent, & sont cause qu'extremes

& innumerables maulx en aduiennent:la plus part desquelz ayants esté pensez de ceste maladie, ou en ayants veu penser quelques autres, & trouvé moyen d'avoir vne recepte pour de l'argent ou autrement, se messent de frotter inegalement toutes personnes sans methode, ou discretió aucune: mais en la mesme maniere & quantité, comme ilz en ont veu faire aux autres, estimans que iamais les patients ne seroyent guariz fil y auoit vne demy fois moins que es autres: Et pource, encor qu'ilz soyent fort debiles, femmes, ou iennes enfans, & de rarissime texture, ilz leur en bailleront tout le long de l'aulne, sans oublier leurs couvertures, & trois graiz entour eulx; à fçauoir aux deux costez, & aux piedz, soit hyuer ou esté: co me n'agueres en trouuasmes vn mort en son lict, & suffoqué de la premiere friction, auec bruslure aux deux bras pour auoir touché les graiz. Au cotraire, ou il sera besoing en doner d'auantage, & que les pariens fussent forts, robustes, & exercitez à tous travaulz, faulte de iu gemét, ils n'oseroient le faire, & moins chager leurs medicaments pour la nature, gradeur, ou petitesse des accidens: car ilz n'ont iamais veu passer plus oultre. Et pensent ces malheureux que leur recepte, & maniere de faire soit propre à toutes personnes, n'ayans aucune coside114

ration de la nature de la maladie, & moins de tout le corps, ny des parties d'iceluy, come l'il n'estoit qu'vne espece d'icelle maladie, vne co plexion, aage, ou vertu. Voyez donc comme ilz peuvet sçauoir si leur medicamét est suffisant, pour l'ablation totalle de la maladie, cause, & symptomes:ou si la vertu du patient est suffisante pour le porter. Ce sont propremét ceulx à qui Galien parle au 2. de la methode, qui gaignent beaucoup de ce qu'il ignorent: qui est cause de la perditió de tant de gens: car les vns sont euacuez & resoulx, & non seulement du superflu, ou cause d'icelle maladie, mais aussi bien des humeurs ou humiditez radicales, naturelles & substantifiques, dont il l'ensuyt telle colliquation, que bien souuér meurent secz come bois. Es autres font enacuatio d'vne partie du plus subtil sculemét: Au moyen dequoy quelque téps apres ilz recidiuét auec douleurs quelquefois extremes, de teste, des articles: le plus souvet au milieu des os, ou sont procrées ces nodofitez corrompas la substance d'iceulx, qui ny donneroit bie tost ordre: & pource que cela aduiér aucunesfois apres les frictions, plusieurs (contre raison & verité) l'attribuent à la malice de l'argent vif, comme i'espere auec raison & experience plus amplemet declarer, Ilz nous obiicent done, qu'il penetre iusques

au cetre du corps, & q là il demeure : A quoy L'argent vif ie respod, que preparé ainsi come il doibt estre ne demeure s'il est ainsi qu'il penetre iusques au centre, il dedans fault cofesser qu'il est subtil: au moyé de quoy & par mesme raison (aydat a ce nature puide, laquelle n'est iamais oysiue, mais curieuse à expeller ce qui luy est estrage)il en peult aisemét sortir, moyennat les sueurs, flux de bouche, de ventre, vrines, & insensibles transpiratios qui se fot tat par les esteunes seiches qu'autremet. Ce q ie ne croy qu'appliqué auec les frictios, sa substace penetre iusques dedas le corps, ioinct que le reste du medicamét demeure dehors, co: me de tous emplastres, & autres medicaments appliquez sur quelques parties:lesquelz sans y penerrer ensubstace, mais leurfaculté seulemer ne laissent pourtat à faire leur actió. Exéple des ceroines de vigo, ou semblables appliquez sur les mesmes parties ou se faict lá frictió, ne puo quér elles flux de bouche, & de vetre, aussi bié come ladice frictio? toutesfois la substace de l'arget vifue sort hors desdict semplastres pour penerrer dedás le corps: mais qu'ilz soyét fonduz, apres qu'ilz aurot faict, leur operation, co me i'ay maitefois faict, on y retrouuera la substace de l'arget vif en telle quatité, come au pa ranant qu'ilz y fussent appliquez. Et si par la blacheur qui se represente aux corps, lesquelz

reçoyuet l'exhalation, ou la qualité de la saliue de ceulx qui ont esté frottez d'argét vif. Quelques vns veulet inferer, que necessairemet vne partie de la substâce d'iccluy penetre dedas le corps. Ie dis, que ce n'est q la seule qualité ayat siege aux espritz, & aux humeurs, no la substăce, qui seroit cotre toute raiso de philosophie: ioinct q l'exhalatio qui sort d'eulx n'est pas bla che, maisbláchist le corps qui le reçoit. Aussi ie suis seur d'en auoir ouuert plusieurs, ausquelz n'en ay iamais trouué vne seule relig: mesmes depuis peu de téps, vn quida empirique frotta si bien vn pauure patient, qu'en peu de téps il le suffoqua. Le trespassé fut par nous reuisité, & ouuerr:ou considerasme diligemmet (entre autres choses) si nous trouuerious quelque reste d'arget vif:ce que nous ne trouuasmes. Tes moings en sont Maistres Nicole Lambert, & Ambroise Paré, homes rationelz, auec lesquels plusieursfois i'ay curicusemet & diligemment faict inquisition des choses cy mentionées: qui me faiet dire qu'estas methodiquement curez il ne l'y en trouuera aucunemet. L'ay bien ouy dire qu'estant mort vn doreur, on luy a trouné de l'argent vif dedas la teste, ce qui peult bien estre vray:mais ce n'est pas vne mesme raison: car ces doreurs en vsent indiscretement, & à toutes heures, en receuat la vapeur de tenue substance en grade quantité par le nez, sans auoir obiect preparé, enquoy il puisse agir pour obtundre ceste grade tenuité & verru resolutiue : parquoy à faulte de ce, faict actio aux esprits, & humeurs bons, par la resolution desquels la partie est diminuee de sa chaleur natu relle, &rendue froide & imbecille, dot l'ensuit augmétation d'humeur pituiteux, gros & visqueux: Au moyen dequoy estant ainsi penetré ledict argent vif peult se reunir & coaguler en fon propre & premier corps:à l'imitatio d'vne eau bouillante, de laquelle s'esleuent vapeurs, qui à la couverture de dessus, ou autre chose froide & solide, de rechef se couertit en eau:ce qui deuroit aduenir par l'ignorace de ces empiriques:lesqls (faulte d'entédre ce qu'ils font) agiterot l'arget vif(no preparé, mais come il le trouuet chez les apothicaires) en leurs vngues iusqu'à ce qu'il n'apere plus seulement sans auoir ceste cosideratio, que facilemet apres il se peult reunir par l'actio de la chaleur de nostre corps. Et qu'ainsi soit, prenez de leur virguent ainsi preparé, & le faictes fondre, ou mettre en vn lieu chault, & vous ne fauldrez à retrouuer l'argent vif reuny au fond du vaisseau. Pour donc cuiter telle chose, fault noter la manière de faire lesdicts vnguens, & la preparation de l'argent vif comme deduirons cy apres.

The field of Edgers, respond to his injection in

ne peut esleuer la substance des os.

L'argent vif L'autre incouenient qu'ils alleguent, est qu'il esleue la substance des os : cela est vn abus, car pour ce faire il en fauldroit vne grade quantité. Aussi en les ouurant on y en trouueroit, ou pour le moins l'effect d'iceluy, ce q toutesfois ne m'apparust onques. Et d'auantage on voit, qu'à plusieurs s'esseuent rophes ou nodus, en la teste, aux os furculaires, & du thorax, lesquelz toutesfois n'vserent iamais d'argent vif, & qu'il soit vray, souuent nous en ouuros, rant en corps viuans come morts, ausquels iamais n'en est apparu. En corps mort ie puis asseurer (& resmoings m'en seront Mosseur maistre Ni cole le grad, doct cur reget en la faculté de medecine, lors president en l'anatomie, & tous les auditeurs en medecine, qui pour lors estoient preses) q ledit maistre Ambroise Paré, & moy estas dissecteurs aux escoles de medicine, nous anatomisasmes (entre autres) vn corps qui auoit eu la vairolle, où fut trouuévn nodus, auec os apparéremet esleué sur le milieu du gros os de la iabe, dit eneme: lequel i'ouury en leur psence, pour leur monstrer si quelque chose s'y trouveroit d'argent vif: mais il ne l'y en trouva ny autre chose de l'effect d'iceluy. Et cofesseret q la chair de l'enviro dudit os, estoit autatbelle qu'il estoit possible, & moins subiecte à putrefactió, que plusieurs autres corps qu'ils auoiét autresfois veu dissequer, dequoy ils s'esbahis-

soient, voyas le téps estre ainsi pluuieux & intemperé. Si aucus veulent dire qu'il n'y estoit en substance: mais que son propre est de faire telle chose: Ie respodray, que si aisi estoir, ceux qui en auroient vse specialemet deux, ou trois fois, ou plus, s'en sentiroient d'autant plus affligez. Ce que toutesfois on ne voit: mais au contraire, ceux qui (pour n'auoir esté aux premieres fois assez evacuez)ont ces nodositez, estas refrottez (ou traictez de choses equiualentes auec raison, & non par femmes & autres amethodiques)ont esté infailliblemet gueris, & auec l'action de l'argent vif. Qu'à la mienne vo loté permis me fust (sans les scadalizer) nomer ceux & celles que mes copagnos & moy auos pensé auec de l'argent vif bien preparé, & en deve quantité, lesquels estoient extremement affligez, aucuns pour la premiere fois, les autres par recidiues (apres auoir esté traictez deux ou trois fois par gens inexpers) qui ont esté & sont gueris, & renduz sains selon leurs dicts mesmes, & come ils apparoissent par tou tes leurs actios naturelles, & autres signes, dot nous auons parlé cy dessus. le pense bien, que ce qui faict croire à aucuns que telles nodositez prouiennent du mercure, est par faulte de practique, & pour n'auoir accoustumé de veoir tels tophes, fors apres frictions, ou bien the tipe for the control of the cont

h iiij

(dequoy n'ont iugement) apres vins ou decoctions. Mais supposons vn, ou plusieurs humeurs ayans acrimonie estre cachez es parties pres des os (sans q iamais le patiét ait eu vairol le, ny vsé d'argent vif)en vne playe, ou vicere: l'os ne sera il en peu de temps corrompu? Hippocr.2.de morbis, & au 3. liure des epidemies, Galien en son liure 4. de ses cat a genes, Cornel. Celss.au 8 liure, Auscene au 4.fen. Aece, n'ont ils traicté des caries & corruptions, mesmes des tumeurs & esleuations des os?toutesfois de leur téps ne regnoit tel vsage de l'argét vif. Cobien auons nous veu (estans appellez es consultatios) de François, Italiens, homes, fem mes, & autres, lesquels (desgouttez par quelqs ges) abhorras l'vsage de l'arget vif, n'auoiet vse que de decoctiós, ou vins auec gaiac, q toutesfois audient telles nodositez. Cobien d'autres, lesqls craignas, & nevoulas cofesser qu'ils eussent la vairolle, mais trouvas mauuais si quelq chirurgié home de bié (ausquels ils coferoient leur maladie) les aduertissoit d'eux faire péser auec remedes propres, n'ayans toutesfois iamais vsé d'aucune hose de tels remedes, ont eu telles nodositez? mais combien en ay veu moy estant à Rome frequentat en vn hospital nommé sain & laques de l'incurable (ou charitablement tels malades sont receuz &pensez)

lesquels, pource qu'en ce païs là specialement craignent l'vsage de l'argentvif, auoient nodositez, les vns aux bras, les autres aux iambes, à la teste, au thorax, aux os des claues ou furculaires: les vns petits, & sans carie: les autres grans, & les os cariez : de sorte qu'il estoit besoing de commencer par l'ouverture d'iceux auec cauteres actuels, ou potentiels. Entre autres i'en pésoye nagueres deux ensemble (dont y a tesmoings) qui de leur vie n'auoient eu arget vif dessus leurs corps: & toutesfois auoient nodositez, l'vne au bras droict, & l'autre sur les deux grans os de la iambe, dicts cneme, iceux bien gros, lesquels par medicamets auec mercure, sans aucune ouuerture se sont resoults, & gueris, comme assez on practique. Or y auoit il bien long téps que celuy qui l'auoit au bras f'en sentoir, mesmes ie l'auoye cogneu de là les monts (luy estant capitaine de gens de pied) qu'il n'y paroissoit point, pource que souuent il se purgeoit, & faisoit grand exercice. Mais à ces guerres dernieres l'estat armé le canon de son auant bras luy froissa & meurdrit tellemet cest endroit (ia au precedent tumefié) qu'incotinet qu'il arriua chez moy, ledit os dit vlna, se trouua carié, & quasi vermoulu : de sorte qu'il fust besoing soubdainement le cauteriser. Et pource c'est folie d'attribuer telle chose à la

gne Huten, lequel (encor qu'il ait traicté la cu-

ration de ceste maladie par l'vsage de la decoction de gaiac) repréd neatmoins ceulx qui difent, les tophes, ou nodositez n'estre propres symptomes, ou accidents suyuans telle maladie, aussi bien qu'vne liquefaction, ou fonte de la substance des os, qui aduiennent à plusieurs (comme si c'estoit meral) de toutes les parties du corps:ce que i'ay moîtré es escolles de medecine en faisant les predictes anatomies. Et fault cosiderer que l'humeur corropu de ce fer remet maling (qui a ce propre quelquesfois de laisser les parties charneuses, & affecter les ofseuses & froides, mesmes a vne malice, que par experience on voit estre rebelle à tous autres medicamens)acquiert vne chaleur estrange & violente qui le rend subtil, & acre si extrememet que par succession de téps auec negligéce il fait tels effects: dequoy ne se fault pas beaucoup esmerueiller, par ce qu'auiourd'huy on delaisse les ges methodiques, & experimentez Reprehension qui n'ont pas grades parolles & promesses, & famuse lon à ie ne sçay quels imposteurs empi Sans methode riques, soit pour l'vsage des frictios, & d'arget vif,ou pour vn tas de vins, & semblables decoctions, desquelles sans autre raison, iugement, ou conderation, ils font boire à tous malades,

de ceulx qui vsent de vins & autres remedes pour la vairolle.

leur permettant faire grad chere, vser indifferemment de toutes viandes. Et voila bien suyure le dire deGalien, lequel par toute sa metho de (reprenant Thessalus, & les siens) nous com mande de prendre indications, non seulement de l'essence de la maladie, & téps d'icelle:mais aussi de la téperature, ou coplexion des corps, & aussi des parries, de la vertu, ou force du patienr, de la coustume, & maniere de viure. Or voyons maintenát coment ces pauures bestes pourroyet prédre indicatios de toutes ces cho ses tant necessaires pour la curatió d'icelle ma ladie, veu que bien souuent les plus experts, & methodiques sont bien empeschez à les trouuer. Combien y a il de femmes, & autres empiriques, qui n'ayant cognoissance de la maladie, ont (les vns malicieusemet, les autres par ignorance) moyennat leurs frictions & decoctios, esté cause de la perditio & ruine, d'vne infinité de gens? le vous laisse à penser comment ilz pourrot discerner quelz remedes sont propres à vn sanguin, à vn melancholique, à vn pituiteux, ou à vn cholerique, & comme il les fault changer pour la nature des temperatures, & complexions tant simples que coposees. Pensez comment ils cognoissent si le patient a vertu, ou force de porter les remedes necessaires pour l'extirpation de ladicte maladie 124

subitement, & tout à vne fois, ou plus tardiue. ment, & à diuerses fois : & pareillement si les humeurs peccas sont desia preparez, & en mou uement pour proptement estre euacuez, comme sont humeurs chauls, subtils, en superfice; & non enracinez, comme nous auons dict au commencement, ou fil y a besoing de preparation, comme quand les humeurs sont gros, froids, au centre du corps, adherants aux parties profondes, & par recidiues. Ne voit on pas les grands abus qui se commettent iournellement en l'vsage de ces vins & decoctions ? Il n'est pas les merciers, tumbiers, & vieilles, qui ne trouuent moyen d'auoir vne recepte. Et des mandez leur la vertu d'icelle, ils vous respondrot(come ils ont de coustume) qu'ils n'en diront autre chose:mais q si vous beunez de leur vin, vous guerirez, & qu'ils en ont guery plusieurs:toutesfois ils n'ont garde nommer ceux qu'ils ont gastez, & qui bié tost apres sont rencheuz. Aussi qu'il fault (au lieu de chager lour recepte pour les indications precedentes) que les patiens soient appropriez à leur recepte. Voila raisons peremptoires pour clairement monstrer combien telles gens sont dogmatiques, & de combien ils approchent de ceste methode, laquelle Galien commande tant de garder en toutes maladies. Aussi pour toutes

· intilling

raisons & considerations ilz demaderont com bien il en fault, & puiserot dedas leur grande marmire, & le donneront tout tel à vne femme, ou ieune enfant, come à vn homme fort & robuste, faisant vser de mesme maniere de viure, soit à vn choleriq, ou pituiteux, replet, ou inani: & leur permettet aller à l'air, soit hyuer, ou esté, & sans suer. Ie leur demanderoye voluntiers, par quelle vertu leur vin faict tel effect, attendu que ceulx qui ont descrit de l'action du bois de gaiac (auquel on attribue con trarier à ceste maladie) ont dict qu'il operoit& monstroit son effect par les sueurs principalement, n'estant de soy point laxatif, ny prouoquant flux de bouche. Si donques son effect est par le moyen des sueurs, comment sera il posfible que sans suer, ou faire autre euacuation sensible, & apparéte, il puisse curer, & du tout extirper & arracher la racine d'vne maladie estant enracinée en humeur gros, visqueux; & difficile à iecter dehors? le pense bien que par la tenuité de sa substace il peult insensiblemet resouldre vue partie du plus subtil & delié des dictz humeurs vitiez: au moyen dequoy peult seder douleurs, oftant, ou diminuant (par ladicte resolutio insensible)ce qui estat au mouuement faisoit les douleurs. Mais ie crains que la sedation desdictes douleurs ne procede plus

tost des choses extremement chauldes, qu'ilz meslent auec leur vin, & decoctions : & qu'au moyen de ceste chaleur les humeurs se consument en ce corps, dot l'ensuyt à cause de ceste cosumptio, que quelques vns pour vn téps se trouuet en repos:mais ilz ne cosideret pas aussi qu'ilz sont cause (principalement à ceulx qui ont le foye ia preparé à intéperature chaude) d'vne telle inflammation de foye, qu'au lieu de cuire vn sang téperément, ilz le brussétt de sorre que plusieurs sont paruenuz iusque à elepha tie, comunement diche lepre, come encorces iours passez par tel vsage, il en mourut vn rédu lepreux. Autres iusque à vne grade preparatio à icelle, come dernieremet ie corneray vn getilhome de bone maiso, qui par l'vsage de telz vins, estoit en grade pparatio de ladicte lepre auec vne defædation de cuir, come vne morphée, ia comenceate à deuenir scameuse, quasie vniuerselle p tout le corps, & auec aucus bours geons au visage, & vne chaleur extreme des parties internes, aussi des piedz, & des mains: au moyen dequoy fut vn grand teps à rectifier lesdictes parties ainsi intéperées pauec regime, tedant à froidure, & humidité, sirops, baings,

Au mesme tépsie pensay gentilhomme (tesmoing entre autres est monsieur Vigoureux,

Vairolle mal curée peult degenerer en elephantie diste leprc.

Histoire.

medecin docte, & fameux (lequel) apres auoir esté traicté auec la friction pour la curation de la vairolle (& de deux bubos, ou poulains) vía de decoctió de gaiac auec vin assez violent (có me plusieurs ont de coustume le preparer) au moyen dequoy luy estoit suruenue vne morphée(qui est defedation de cuir) vniuersellement par tout le corps, & en la plus grade partie d'iceluy estoit scammeuse, & fort espesse, denorant grade adustion, & quasi incineration des visceres, ou entrailles, & de toute l'habitude du corps, de sorte que pour le prognostique fut arresté de tous qu'il estoit en bien grande doubte de lepre. Or me dictes maîtenat ie vo? prie si pour venir au bout de ceste cure il ne fut pas bié besoing de plus d'vne recepte?veu mesme qu'auat q proceder plus oultre, failloit reparer les faultes comises, come aussi no sans grad labeur elles le furét auec remedes refrige rás, & humectás, come sirops, & (apres medeci nes purgatiues) diuerses phlebotomies, baings, frictios vniuerselles faictes auec medicaments, come les predicts (sans arget vif)pour l'intério de humecter, emollir, & téperer la grade chaleur, & siccité de toute l'habitude de so corps. Quat à la curatio des viceres peréez des deux bubos ou poulains, qui estoyet deux en l'ayne dextre, & ciq en la senestre, no y appliquasmes

medicamets detersifz pour les mundifier exte rieurement: emollients, pour preparer, & emollir les durtez: puis resolutifz, & desiccatifz, comme fomentations, embrocations, suffumiges, ou parfums, admotions des emplastres & ceroines, pour les intentions predictes : ce venin ne voulut ceder à tat de remedes, pour les nouuelles fluxions, qui de iour en iour se faisoyent: quoy voyans, nous luy ordonnasmes de la decoction de gaiac:mais encor qu'elle fust fort aqueuse, fut cause nonobstant qu'en moins de deux jours sa morphée l'augmétoit: & fulmes contrainctz, pour les choses vniuerselles venir à la friction, qui fut faicte auec medicaments, ou y auoit de l'argent vif (selon les indications requifes) par le moyen, duquel il eut grand stux de bouche, & tumberent les sca mes, & furfures de tout le corps: de sorte que le cuir luy demoura aussi nect, & delié que iamais, pareillement se deseicherent, & guarirent parfaictemet les vlceres de ses aynes, qu'il auoit porté par plus d'vn an. Cela nous monfire il pas bien qu'il y a plus grandes vertus & vtilitez en l'arget vif, que plusieurs ne pésent? Mais puis qu'il viét à propos, & pour plus amplement le vous faire entendre, ie vous raconteray vne autre histoire assez digne d'estre entendue, & aduenue quelque temps au parauat

qui m'aida beaucoup à la curation du precedent. Et à fin que ie vous en baille tesmoings suffilans, Messieurs maistre Antoine Saillard, & maistre Iaques Houllier, docteurs regens en la faculté de medecine, hommes de grande doctrine, & mes precepteurs, vous asseureront, que l'ay pensé homme qui auoit vne morphée scameule, & fort espelle vniuersellement par tout le corps:mesmes luy occupoit la plus grande partie du vilage (sans aucun signe de vairolle) & ia de long temps inueterée, dont aucuns le iugerent estre pres d'elephantie, vulgairement appellée lepre. Or avoit il par le conseil des medecins vse par plus d'vn an continuellement de diuers sirops magistraux, preparatifz, purgations, phlebotomies, bains, frictions de diners medicaments desiccatifz (sans argent vif) & autres choses pour la curation de ladicte morphée: lesquelz remedes n'y proffirerent aucunement: Quoy voyant le patient & ennuyé, que par tant de chofes ne guarissoit, commencea à se desplaire, & negliger le tout pour vn grand temps: mais voyant qu'il empiroit, & se souvenant, que luy avoye quelquefois tenu propos de ce remede, ou les autres ne proffiteroyent se retira par deuers Largent vif moy. Parquoy ayant saict discours en mon es la curatio des prit de l'humeur, cause de la maladie, assez morphées.

130

prochain de la nature de celuy, dont le plus souuent est causée la vairolle, auec autres experiences qu'en auions eu, ie fuz d'aduis le comuniquer aux personnages predictz: & fust conclud, que les choses vniuerselles seroyent reiterées, puis preparé auec l'vsage des baings: & à l'issue qu'on le frottast de medicaments emollians, & humectans: desquelz il vseroit vniuersellement par tout le corps, afin de prouoquer la cheute desdictes scammes, & relaxer le cuir ainsi sec & aride: puis auec vn vnguent composé de medicaments de subtile substance, pour attenuer, & inciser la crassitude, & viscosité de l'humeur: auquel (entre autres)entra de l'argent vif, comme le principal agét)preparé pour la nature de la maladie, & autres indications) & qu'il seroit en vn lieu chault moderement, vlant de regime hume-Aant, & attenuant: ce qui fut executé selon le conseil, & fur guary : comme depuis enuiron six mois apres, il nous reuisita tous, ayant le cuir aussi net, delié, & clair, comme si iamais n'y eust eu mal. Pour reuenir à mon propos i'en trouue encor d'autres, qui pésent que l'arget vif est cause de ces douleurs, que plusieurs sentent, & quelqfois de tober en ceste emaciation, ou amaigrissemét, ou on en voit plusieurs apres auoir esté ainsi pensez: mais ceste opinió

ne procede qu'a faulte d'experience & raison, pour autat qu'il ne consider et pas que les premiers & certains signes de ceste maladie, commencet par douleurs de teste, des espaules, des bras, cuisses, & iabes, aussi par amaigrissement, voir en ceulx qui n'ont encor vsé d'argent vif: qui monstre bien qu'il n'est pas cause de telles douleurs, mais plustost vn humeur maling, & infecté de tel venin, cotenu en ces articles, & duquel telles parties sensibles & nerueuses sot imbues. le croy bié que telles douleurs adniénét quelquefois apres les trictions, & est pource que les parties, apres grades & longues dou leurs, & nonobstant la methodique curation demeurent debiles: ou bien, que leur vertu expultrice, qui pour raison de la trop grade quatité de l'humeur, ou qualité, grosse, visqueuse, & rebelle adherete à la partie, ou pour sa diuturnité, n'a peu le tout si promptement chasser dehors : qui faict que le patient peult demourer, & renchoir en quelques douleurs: mesmes retourner des pustules (comme maintesfois i'ay veu par experience) qui toutesfois sont guaries sans reiterer la cure vniuerselle, mais par seulement appliquer medicaments anodins, & resolutifz, en la partie douloureuse, desiccatifz sur les pustules. Nous vsons aussi quelquefois, sur les no-

dostez, & sur les bubons, ou absces des aynes (dures & rebelles, qui demeurent apres la curation vniuerselle) des remedes emolliéts,& resolutifz, mesmes des perfums particuliers, pour la consumption dudict humeur particulierement demeuré. Ces accidens peuuet aussi aduenir, quand apres la methodique curation, & totale consumption du venin, & effectz d'iceluy: les patiens estans affamez font exces en toutes, ou en plusieurs des choses no naturelles:comme loger & viure en air froid, gros, remugle, ou aqueux: aller bien tost à la pluve, & se mouiller (qui est grandement contraire aux parties nerueuses) se remplir copieusement de viandes excrementeuses, & de mauuais suc, à toutes heures sans discretio. Par auature, qu'au cuns (comme beaucoup en y a) n'ayas encor la force de mascher, se recopésent à boire, & aucunesfois auec peu d'eaue: dot f'ensuyt, que ne se trouuant substance solide dedans le ventricule, pour le faire nager, & se messat parmy luy rompre son acrimonie, il poinct & irrite le vétricule, & les mesmes pties nerueuses par vne sympathie, dont est la vertu con coctrice dissolue, subucrue, & rendue imbecille. Et d'auatage le foye famelic (& ia inflammé, à raison des remedes chaulx, qui ont precedé pour la curation de la maladie) subitemet l'attire sans

donner loisir au ventricule de le preparer, & cuire: dont s'ensuiura augmentation de ladite intemperie chaulde: parquoy ie vous laisse à penser de quelle nature pourra estre le sang cuit par luy pour le noutrissement de tout le corps, puis que (comme dict le Philosophe) Nous sommes semblables à ce dequoy somes nourris. Aussi de ce sang chauld & acre, s'esleuent vapeurs au cerueau, qui par leur acrimonie feront extremes douleurs de teste, & distillants sur les poulmons, quelquesfois font vlceres, dont s'ensuit l'affection des poulmons, nommé phthysis, & aussi des autres parties: esquelles par leur imbecillité, & deffault de concoction, se multiplient superfluitez: lesquelles augmétees & enuoyees ausdictes parties, souvent reietteront les mesmes douleurs (iaçoit ce qu'il n'y ait rien du premier venin) sans que l'argent vif en soit cause: Autant en pourront faire les autres choses non naturelles, & leurs annexees, comme entre autres l'ade de Venus qui y est grandement contraire.

Telles douleurs peuvent aussi retourner (co- L'argent vif me est plus vray semblable) apres les imparsai n'est cause de ctes curations: pource que ces empiriques n'a-la renouatio yants le sçauoir de ratiociner, que leurs reme des douleurs. des ne sont suffisans pour la grandeur de la maladie, n'oseroient (par le dessault de la meil

METHODE 134

leure piece de leur harnois) rien diminuer, ny augmenter de leur recepte: & pource ils euacuent seulement une partie de la cause de ceste maladie, & la reste au bout de quelques iours faict recommencer les douleurs, suyuant le dire d'Hippocr. au 12. aphorisme de son second liure, où il dit. Le reste des mauuaises hu meurs, ou indispositions laissees aux maladies apres la crise & sudication d'icelles, ont accoustumé faire des rencheutes, & quelquesfois pires que les premieres: dont ce ne sera pas la la malice de l'argent vif.

Pour respodre à l'obiection faicte par vn quidam, que l'argent vif resoult & dissipe la vertu

L'argent vif des nerfs (come on voit à ceux, à qui survient n'est cause du vn tremblement apres l'vsage d'iceluy)ie contremblement fesse bien q si lon en vse indiscrettemet, & sans railo(come for noz empiriques) qu'il en pourra estre cause par accident: Autant en aduiendra aux doreurs, & à ceux qui sont aux minieres:car par l'indue, & trop copieuse reception de telles vapeurs, se fera non seulement eduction des humeurs malings & corropus: mais aussi resolution & consomption des esprits, & humiditez radicales, lesquelles resolues (specia lement des parties nerueuses, desquelles le cer nean est autheur & racine) il s'ensuit vn tremblemet quelquesfois perpetuel, non par la ma-

135

lice, mais pat le mauuais vsage de l'argent vif. Le mesme aussi peult aduenir, come nous auos dir cy dessus, par l'imbecillité des remedes, qui n'ont puissance de faire eductio totale des hu meurs corropus en ce corps, mais seulemet co mouvoir: lesquels ont de coustume de leur ppre malice chercher les parties froides, & sper matiques, par colequet les nerfs, & les oppilat & bouchat par leur crassitude & viscosité, gardent (pour le moins en partie) que l'esprit animalne reluist par iceux, dont (outre les douleurs) l'ensuit non seulemet tremblemet, mais quelquefois prination de mouvement, comme estoit aduenu ces iours passez (& le puis bien prouuer par plusieurs persones dignes de foy) à vn ieune enfant aagé de 12. ans ou enuiron : cest enfant estat quasi vniuersellemet couuert de gros boutos de vairolle, l'adressa à aucus de mes voisins & à moy (ainsi q nous deuisios ensemble) pour nous demander l'aumosne: parquoy esmeuz de pitié de voir ainsi perdre vn beau ieune enfant, & aussi que pour le deu de mon art, i'estoye curieux d'experiméter, si possible seroit guerir vn corps de si mauuaise habitude,& tant imbecille pour la gradeur & ve hemence des accidés, qu'il estoit rendu en telle sorte resoult, & diminué de ses forces, qu'il ne pouvoit quasi se soustenir, ains s'en allois

chancelant auec vn baston, & trembloit quasi comme l'il eust cu rigueur de fiebure: Au reste il estoit tant maigre & extenué, que ie doutois bien fort non seulemet les esprits, & humeurs, mais aussi les parties solides ia estre alterees,& bien fort diminuees: toutesfois nous entreprismes de luy aider: & donna vn gentilhome pre sent quelque argent pour aider à le nourrir, & vn autre du linge: vn apothicaire dona la moitié des medicaments pour le penser. Quant à moy ie leur feis le prognostic suyuat la doubte que i'auoye qu'il moutust: ce fait, taschay, come il me fut possible, de le restaurer par quelques iours: puis l'ayant faict purger par le conseil du medecin auec vne legere medeciné, ie luy preparay vn medicament pour le frotter auec de l'argent vif: & le matin enuiron demy heure apres luy auoir faict prendre vn moyeuf d'œuf, & bien peu de vin : ie le feis frotter deuant le feu: mais aussi tost qu'on eust comencé seulement, il luy print vne syncope, ou deffaillance auec bien grande contraction de nerfs: parquoy ie le feis enuelopper dedans vn drap chault, preparé pour ceste affaire, & mettre en vn lict chault, mediocrement couvert, luy faisant prendre vn peu de consummé en la bouche: & pour ce iour fut nourry auec petispotages en du veau : la nuict eut vn orge mondé:

137

Le lendemain estant plus fort que le iour precedent, ie le feis frotter vne autre fois, qu'il endura mieux que la premiere: toutesfois sur la fin il syncopisa auec ses contractions. Le troisiesme iour voyant ses forces estre augmentees, fur encores frotté, & l'endura encores mieux: mais sur la fin il y eut seulement quelque appa rence de syncope. Ce faict, de plus en plus il se fortifia,& moins trembla : de sorte qu'au bout de huict, ou dix iours il se soustenoit mieux, nonobstant le mal de bouche, & la grande eua cuation qui se faisoit par icelle. Somme, il fut guery auec l'action de l'argent vif, & au bout de quatre, ou cinq mois nous vint remercier, estant beau garson gras, & plein : & estoit à ce qu'il nous dist au seruice de moseigneur l'Ambassadeur de Portugal. Ie croy bien q qui l'eust traicté par acquict, & n'eust (auec methode, & suyuant les indications precedentes) proportioné les remedes, qu'il n'en fust iamais eschap pé. Assez d'autres se pourroient monstrer, qui par moy, & par autres, ont eu le mesme traictement, ou autre approchant d'iceluy, qui ont esté, & sont gueris: Qui est assez prouuer que l'argent vif de soy ne peult inciter tréblemet, ny resolution, ou lesion des nerfs:mais par accident,& male application, pource que la plus part auiourd'huy l'abusent à ces empiriques

seducteurs, lesquels ayans vn vnguent, ou vn vin se font publier & cadeler par tout: &n'ont honte de faire promesses impossibles à eux, & d'abuser ainsi le monde.

n'engedre vlceres en la bouche.

I'en trouue d'autres, lesquels ne pouuans pis L'argent vif dire de l'argent vif, le disent engédrer viceres sordides, & puants en la bouche, noircir les dents, & faire l'halaine puate. Ie leur demande à quoy ils cognoissent que tels viceres procedent de la malice de l'argent vif? aucuns diront que par sa tenuité il monte en hault, & fortant par la bouche faict tels viceres. Mais à sçauoir mon, si à ceux qui n'ont point de flux de bouche, & ont flux de ventre (encore qu'il mote en hault)il causera vlceres en la bouche? pourquoy donc n'attribuent ils la generation de tels viceres à l'humeur qui sort par la bouche aussi facilement comme nous le voyons (par sa malice) engendrer vlceres par tout le corps, & faire douleurs, & nodolitez? Ne voit on pas venir tels vlceres en la bouche, & les dents noires, & l'halaine puante sans l'vsage de l'argent vif? l'ay ces iours passez esté appellé (auec d'autres) pour vne Damoiselle honneste, laquelle auoit eu par long temps vlceres virulents, & malings par toute la bouche, & les dents noires & gastees auec l'halaine puate à merueille, qui difficilement se sont gueris,

sans toutesfois qu'elle eust vsé d'arget vif, com me il l'en voit assez d'autres: Mais telles gens, faulte de raison, & experience, ne cognoissent, que selon Galien tels viceres sont nommez au sixiesme cata topus, aphtæ, lesquels quelquesfois acquierent vne putrefaction, & se rendent malings, diuturnes, & rebelles, qu'il appelle nomæ, lesquels viceres noircissent les dents, & font cracher, & mesmes accidents, comme ceux qui prouiennent par la friction. Aussi ils n'ont veu à aucus vsans de la decoctió de gaiac (encor que ce ne fust pour la vairolle, mais pour vne resiccation de quelques humiditez superflues) suruenir flux de bouche, com me s'ils eussent vsé d'argent vifauec vlceres sordides, & putrides, & tresdifficiles à curer.

Et à ceux, ausquels tels vlceres prouiennent apres les frictions, lors que l'humeur cessera d'y passer, d'eux mesmes se secheront, comme cessant la cause: car les premiers signes de slux de bouche sont humeurs gros, & visqueux, lesquels attenuez par l'action de l'argent vis, ou autres medicaments, s'esseunt en la bouche, laquelle ils sentent premierement pasteuse, & comme lenie, & barbouillee de boullie, les genciues ensses: Parquoy lesdicts humeurs ainsi adherants causent vlceres par le moyen de leur acrimonie, lesquels continuent ius-

que à parfaicte enacuation d'iceux humeurs. Par ainsi donc ce n'est de la malice de l'argent vis qu'elles procedent: mais l'experience monstre que les vlceres de la bouche, & de toutes les autres parties du corps sont cutez par luy, comme en ceux qui ont vlceres aux amygdales, palais, & autres parties de la bouche. Plusieurs autres raisons probables de mon dire se pourroient encores alleguer, que ie delaisse

pour cause de brieueté.

Or non seulemet l'argent vif, mais aussi plusieurs autres choses bonnes ont esté par faulte de iugemet agitees: & l'vsage d'icelles (au domage irreparable des hommes) retardé, comme nous auős pour exéple notable de la rheubarbe auiourd'huy tant benigne, & approuuee depuis vingt ans, ou enuiron. Et que ainsi soit n'a elle esté plus doubteuse, & moins en vsage enuers plusieurs medecins fameux, que auiourd'huy n'est l'argent vif? Et en auoit le commun vne telle persuasion, qu'ils estimoiet le patient estre à son dernier mets lors qu'on luy ordonnoit vne rheubarbe, come vn remede extreme: & disoient lors les medecins iouër à quicte, ou à double. Toutesfois auiourd'huy par la continuelle, & methodique experience, on l'a cogneuë estre des plus benings, doulx, & moins malings medicaments purgatifs:

Pareillement de la curation des playes faictes par hacquebutes, & autres bastons à feu: en laquelle par si long temps y a en vn tel abus, & y a encor de present entre la plus part, qui ont opinion, qu'en telles playes y ait combustion, & venenosité:au moyen dequoy pour la curation d'icelles, appliquent des le comencement medicaments caustiques, & violents, qui souuents induysent douleur extreme, fluxion, aposteme, deperdition du mouuement de la partie, spasme & contraction, & quelquesfois la mertice qui est sans occasion. Tesmoings en sont maistre Ambroise Paré, lequel en a doctement escrit, & vne infinité de personnes, que i'ay pensé,tant à Foussan, Thurin, & autres vil les de Piedmot, come au téps du cap de Ialon, que ie pesay entre autres mosseur d'Ache capi tame de cheuaulx legiers, ayat vne playe faicte d'une hacquebute enuiron le milieu du cubitus, ou petit bras, qui començoit au dessoubz d'icelay bien pres de l'os dict vina, & passant tout oultre, sortoit pres de l'os dict radius auec ruption d'une bonne partie des deux gros muscles, faisant la flexion des doigtz: Auguelie monstray euidemment la faulte de ceulx qui vsent de telz remedes violents, le traichant comme ayant vne playe seulement contuse auec medicaments doulx, & seulement proupquans la cheute de ce qui estoit contuz & dilaceré: & par ceste voye sur guari en peu de iours sans dependition d'aucun mouuement.

Autant auiourdhuy (faulte de iugement, & experiéce) s'en pourra dire de l'argét vis: mais ceulx qui auec raison en ont continuelle experience, l'ont bien en autre estime, & reputation: & auec bone methodeen font choses miraculeuses. Et à la verité ce sont telles gens qui veritablement en peuuent faire ingement, non ceulx qui sans experience (mais par seule affection) l'efforcent sans fondement chercher arguments naturelz (à fin qu'ilz ne soyent mescreuz de n'auoir rien escrit) pour le blasmer, & quasi semble qu'ilz soyent enuieux, ou marriz du bien public, veu que par son moyen se faict si brieue, & seure curation de relle maligne, & peruerse maladie, au default duquel y a tousiours recidines, & nouneaulx accidents, qui (comme lon dict communement) sont vaches à laiet des medecins, & chirurgiens : mais aussi ie ne veulx nyer, & l'ay ia dict par cy deuant, que par n'en vser prudemment, & auec methode, il n'en peult pas aduenir moins d'inconvenients, telz par fois, que plusieurs person nes perpetuellemet languissans finent miserablement leurs iours. Pource me semble, non seulement vtile, mais necessaire descrire la for-

143

me, & maniere de le preparer, faire les medicaméts, & les mettre en execution. Mais pour ne tomber de fieure en chault mal, & ne donner occasion à ceste canaille d'empiriques de faire encor pis, & abuser le monde auec leurs receptes,i'ay pésé qu'il n'estoit bon de les leur dresser toutes prestes, veu mesmes qu'il eust quasi esté impossible, attédu qu'il les fault chãger & diuerlifier en sortes infinies selon les indicatious susdictes: toutesfois à sin que ceulx qui (ayas les principes de chirurgie) auec methode, & raison ont enuie de proceder à la curation de ceste maladie, puissent estre aidez, & adressez par nostre labeur, i'ay trouué meileur faire vne forest des simples medicaméts, & les colloquer chascun en leur ordre, selon qu'enseigne Galien, Dioscor. Aece, Paul Æginete, & autres, à fin que celuy qui sera garni, & asseuré de ces indications puisse selon le iugement d'icelles composer medicaments (pour toutes sortes d'affections, & temperatures, qui se presenteront) tat chaulx, froidz, secz, humides, comme temperez, qui seront repercussifz, attractifz, resolutifz, emolliants, suppuratifz, & semblables: lesquelz selon l'intentió qu'aura le chirurgien, seront foibles, moyens, ou plus fortz.

De la preparation de l'argent vif.

artificiel.

Vant à la preparation de l'argent vif, il _ fault pmieremet considerer que nous en auons deux especes, à sçauoir naturelle, & factice ou artificielle : De la naturelle, il fentrouue coulant par les veines & cauitez de la terre (comme on voit en diuers lieux) & aussi se trouue entre les metaulx, & specialement, comme dict Dioscoride en son cinquiesme liure, auz voultes des fodines d'argét. De l'artificielle, il s'en faict de minium, aussi de ratissures de marbre, comme escrit Vitruue au 7. liure de son architecture. Et est vray semblable qu'il f'en pourroit tirer de tous metaulx par artifice, specialement du plomb. Telles especes se penuer congoistre par leur couleur fusque, & noiratre, leur substance lente, espece, & qui en coulant laisse vestiges, cras, comme excrement Election de de plomb: Et de tel ne deuos vser, mais de cel'argent vif. luy qui est pur, clair, subtil, & blanc, & tout cotraire aux dessusdictz, lequel sera au parauant nettoyé, trempé, & bouillu par long temps auec choses incissues, tenuantes, roboratiues des parries nerueuses, & alexipharmac contre touts venins, comme est aqua vini, saluia, rorismarini, aqua terebinthina, ou nostre cauc

philosophale:ce faict, bouillira 4. 5.01 6. heures: puis sera coulé & purgé, ne laissant cosummer toute la liqueur, autrement le vaisseau dedans lequel il seroit mis (comme vne boureille de verre, ou semblable) se roperoit. Et pour luy oster ce qui luy pourra rester de substâce grofse,ou plobée, on le peult agiter mediocremét auec beurre, axunge, tereben. & telz medicaments, qui deuiendrot en l'agitatio de couleur liuide & plobée, lesquelz estans apres létemét refonduz en sortira l'rgent vif de tenuissime substâce, & bien purifié: car il y laissera sa sub-stance grosse & plobée. Quat il sera ainsi pre-paré on pourra seurement le mettre aux vn-porer l'arget guens, pourueu qu'il soit bien messé, estainct, vif. & incorpore auec axunges, metridal, ou tiriaque & semblables. Mais ie voºaduertis bié que ce n'est assez de le messer (comme aucus font) iusque a ce qu'il n'apparoisse pl⁹, ains fault par long temps le demener, & agiter, afin de le separer en parties tenuissimes, & luy ofter tout moyen de se reunir en son premier corps : car fil est ainsi peu agité (oultre, qu'il ne peult se macerer si bien auec les autres medicaments) il peult aisemét se rassembler & separer d'auec les autres, sans introduire sa qualité en iceulx: mais estant preparé auec deuë agitation, comme i'ay dir, il fera (oultre les autres comoditez)

que les medicaments alexipharmaques (meslez auec luy aux vnguens pour luy aider, à agir contre le venin de ladicte maladie) pourront mieulx faire action contre luy, si quelque chose ya de maling, ou qui pourra y estre, comme medicament. Pareillement (come nous auons dict p.cy deuat)oultre que la cause de cest maladie, qui estocculte, est ostée auec medicamets operats par pprieté specifique, & incogneue: aussi les essectz & accidents d'icelle, tout ainsi come ilz sont comuns, sont curez auec les remedes, que nous disons comuns, pour ce qu'ilz conviennent à plusieurs maladies. Doc si nous considerons, que la cause materielle, & coioincte de ceste maladie souvent est diverse, & aucunesfois meslée auec vn, ou plusieurs humeurs, entre eulx contraires, comme la pituite, & melancholie, auec la cholere, ou le sang, cotraires en qualité (au moyen de quoy serot les symptomes ou accidents divers) certes il fauldra diligemment l'enquerir de l'estre, ou essen ce de la maladie, & aussi des accidents, & selon iceulx diversifier les remedes, suyuant les indicatios precedentes, tant generales, que particu lieres. Exemple, pour l'indication que nous prenons des choses naturelles (lesquelles nous enseignent la conservation d'elles)oultre le regime en toutes lex six choses non naturelles,

lequel debura tendre à ce, nous adiousterons aux vnguets pour la frictio medicamets ayats vertu de roborer, conseruer, & empescher la trop grande resolution, & diminution d'elles: comme mastix, aloe, myrrha, olibanum, stirax cala. & liquida, benioin, theriaca Gal. trochisci de vipera, oleum tereben, oleu de nuce moscata, & semblables. Lesquelz medicaments seront coposez tant pour le regard de tout le corps, que particulierement pour augmenter, diminuer, ou chager selo la nature des parties, n'obmettant aussi la cosideration des parties nobles affectées, come le foye, la ratte, les reins, les poul mos, le cerueau, afin d'y adiouster medicamer, ayant elgard principalemet à icelles pour empescher leur dissolution, qui facilement se feroit pour leur imbecillité, ou indisposition ia aquise. Prenant indicatió des choses cotre nature (qui nous demonstrent l'ablatio d'icelles) premieremet debuos cosiderer, q si la maladie est simple en vn seul humeur, & sans divers accidets(ioinct qu'elle est materielle) elle sera cu rée, auec medicamés seulemét vacuatifz dudict humeur (n'obmettat point la cause occulte, de laquelle nous auos parlé par cy deuat) mais, ou elle seroit copliquée (comme auons predict)& auec divers humeurs, & accidéts entre enlx co traires, il nous faudra composer noz remedes

convenables, & cotraires ausdictes complications. Pource ou les humeurs serot froidz, gros & visqueux (come en maintes personnes, ausquelz ceste maladie est degenerée en leucophlegmacie) noº mesleros medicames chaulx, attenuans,& incisiz, tant pour la preparation desdictz humeurs (digerants par chaleur & tenuité les choses estranges cotenues es parties nerueuses) que pour plus pfondemet penetrer iusques à la substace des os, si besoing est:au co traire ou les humeurs seront chaulx, tenuz, & prestz à inflamer nous adjousteros medicames moins chaulx, incrassans, & refrenas, auec les incisiz, attractifz, & resolutitz, afin que de tous costez soyet agitez, & pparez à l'expulsió, qui se pourra faire sans empescher l'action l'vn de l'autre:aussi aisement, côme (par l'authorité de Galie, Guid. & autres, auec quotidiane experiece, nous meslos en l'augment & estat des apostemes comunes; medicames repellas, & resol uas, ensemble cotraires en qualité, & en actio. Austi ou il y aura nodositez scirrheuses, duretez, & reficcations generales, ou particulieres, no adiousteros emolliars ou remollitifz, & relaxats: tout aili, come si nostre intétio est de sederdouleurs, nous ymesleros anodins: & sil ya viceres, pustules, & autres defædatios de cuir, on y adioustera detersifz, & desiccatifz, & aisi des autres.

20 La forme d'executer ladicte friction.

E Stant donc le corps & les humeurs prepa-rez auec medicaments doulx & benings, tant sirops cococtifs, q medecines purgatines, & section de veine l'il y auoit plenitude, inflamation generale ou particuliere, ou autres indicatios, pour lesquelles auras recours au prudent & rationel medecin, le patient sera mis en vn lieu chault naturellemét, ou par artifice, pres pour la exempt de tout vét froid, lequel (penetrat par friction. les portes, fenestres, ou séblables ouvertures) est en ce cas fort pernicieux, & nuisible, pource qu'il peult penetrer, & faire lesion aux parties nerueuses, & aussi diminuer & deprauer l'action des medicaments. Et en cecy plusieurs faillent grandemét:lesquels autant l'hyuer come l'esté, frottent les patiens en vne grad chabre comune, où tous vents peuuet traspirer. Et pource quand ladicte friction se fera, sera bon auoir linseux, & couvertures estendues à l'enuiron du feu en forme de demy pauillon, pour en toutes sortes se garder de l'air froid. Mais ie n'ay trouvé chose meilleure ny plus propre à cecy, que de faire en la châbre vne petite chábrette,où deux persones puissent demeurer, & au dessoubs faire quelque perit poisse, ou en " du, iii k iii

fermetvne partie du grand, &icelle eschauffee mediocremet, y frotter le patiet, sans qu'il puis se sentir aucun vet: & là demourera assis (si bo luy semble)trop plus log téps, & auec moidre facherie qu'il n'eust fait deuat le feu: & si aura la chaleur vniuersellemet & egalemet par tout le corps:ou l'il eust esté deuant le feu, il se fust brussé d'un costé, & morfondu de l'autre, qui sont mouuemens & choses contraires, à ce que demadons. Aussi où le patient seroit debile ne pouuat endurer la chaleur du feu, ou estre de bout, ou ne vouldroit l'exposer nud deuant ceux qui le traicteroient (comme entre autres font les femmes honnestes & honteuses) en ce cas, estant couché dedans le lict, on pourra luy frotter les parties les vnes apres les autres:come ayant presenté vn bras hors le lict, & luy auoir frotté les articles d'iceluy auec l'unguet preparé, au dessus, ou pres d'vn petit feu de charbon, on luy enueloppera d'estoupes, ou de coton cardé, de compresses de linge, d'vne fueille de papier noir, ou autre semblable: puis on le bandera & remettra dedans le lict, en faisant autant à l'autre bras : pareillement des articles des iambes, & des autres parties.

20 Le temps de la friction.

L A friction se fera le matin, lors que la concoctió & digestió sera parfaicte, & le ven-

ISI tricule & intestins deschargez, afin qu'il ne se

face subuersion d'icelle, & distractio des opera tions de nature: mais où nature seroit debile, le patient pourroit vne heure deuant la friction prendre quelque gelee, moyœuf d'vn œuf, cofommé, & semblable de facile digestion, & en petite quantité pour n'empescher nature à la concoction d'iceux. Puis fauldra commencer ladicte friction aux articles seulement, comme des mains, couldes, espaules, pieds, & genoux. Mais où le patient sera fort, & où sera besoing ausquelles on de pl'forr elmouuoir, on en pourra appliquer, doibt faire la aux emonctoires des parties nobles, & le long friction. de l'espine dorsale, auec providence & discretion, euitás sur toutes choses les parties nobles (come nous auos predict en noz indications) On ne doibt afin de ne faire come ces malheureux, lesquels ties nobles. frottent indifferemmet tout le corps, depuis la Consideratios plante des pieds iusqu'à la sommité de la teste. en la frictions Et en ces frictions fault considerer la situation des symptomes: come pour exemple, si les parties superieures sont plus affectees, la friction sera plus copieuse en icelles, & a îsi des inferieu res:mais il fauldra premieremet frotter les par ties moins dolétes pour ne réplir d'auatage les parties plus affectees. Pareillement fault noter, Les frictions que tout ainsi, comme les trop doulces frictios doinent estre ne font suffisante ouuerture des pores : aussi mediocres.

METHODE 152

les trop fortes sont cause de les serrer, faisant douleur, commotion & attraction en la partie: parquoy sera meilleur les faire mediocres, & nous arrester principalemet sur la vertu & force du patient, estat ceste indicatió la premiere & principale entre les autres. Il y a encor vne autre chose, à laquelle il fault sur toutes autres auoir esgard, & qui est cause de tous les maux & recidiues, qui surviennent aux affligez de Le nombre ceste maladie : c'est la quantité des remedes,& nombre des frictions: laquelle (auec la parfaiest coiectural. Ete cognoissance, & gradation des temps de la maladie, & de la temperature des corps & parties) faict la medecine coniecturale & diuineresse, & y sont tous methodiques & rationels bien empeschez. Ie vous laisse donc à presupposer coment vn tas de vielles, & autres. empiriques pourront limiter la quantité d'iceux? Et ne m'esmerueille plus si lon void par experience vn nombre infiny de gens perduz à iamais. Suyuant donc noz indications tant de fois repetees, il fault auec methode & raison en approcher le plus que nous pourros, &. sçavoir quad nous cesserons lesdictes frictios. Ioinct qu'il n'est possible exactement descrire le nombre d'icelles, ou quantité des medicaments. Il ne fault donc, comme noz amethodiques en donner (selon leur recepte) les vns qua

tre, les autres cinq, les autres six, ny plus, ny

des frictions

moins, à l'vn comme à l'autre (pource qu'ils n'ont qu'vne forme pour chausser vn chacun) mais fault pour la grandeur & qualité de la maladie, & la nature des corps, les appliquer, en continuant iusques à ce que lon cognoisse Signes pour suffisante eduction des humeurs veneneux, congnoistre la soit par flux de bouche, de ventre, sueurs, vri-fictions. nes, ou resolutions insensibles : qui se cognoistra par la deficcation des pustules, & viceres, sedation des douleurs (tant de la teste, nucque, espaules, que de la reste du corps) & autres accidents communs à telle maladie. Et où nous Les frictions voirions qu'és corps solides, & robustes nature sepeuvent con ne vouldroit par la maniere des frictions sus-tinuer deulx dictes l'elmouvoir, i'ay practiqué en aucuns fois le iour. qu'il estoit bon les frotter sur la fin deux fois le iour, vne au matin, & l'autre au soir enuiron cinq ou six heures apres le disner (par ce que lors la digestió sera acheuee) & ay trouvé qu'el les faisoient trop plus d'action, que ne feroient trois par trois diuers iours:comme au contraire es corps delicats, & temperatures rares, i'ay laissé maintes fois (par mesme prouidence) vn iour entre deux frictions, voire deux, ou trois, de craincte que par les frequentes ne se feist trop grande resolution des esprits, & fust par consequent nature rendue si imbecille (laquelle est principale agente en ceci) qu'elle ne

peust nous aider à expugner & chasser hors ce qui luy est estrange & nuisible. Er fault noter qu'es dernieres frictions, spécialemet quad ils commencent à cracher, les corps sont tellemét preparez à cause des precedentes, qu'vne fera plus que deux au commencement. Pour ceste cause ayant tousiours les indications deuat les yeux, fault considerer la nature, & force des corps,&(fil est possible)ne point donner plus d'vne friction lors qu'on voira nature esmeuë, soit par flux de bouche, de verre, ou autres des susdicts: & seroit trop plus seur les faire à diuerses fois, suyuat Galien en son liure de venæ sectione, où il dit que si la maladie est grade, & la verru foible, il fault tirer du sang, non à vne fois, mais à plusieurs. Aussi Massa racopte vne des frictions. histoire d'vn qui estoit tout marasmé, & deseiché aucc extremes douleurs, &c. lequelil pensa estant quasi deploré d'vn chacun: & dict qu'apres l'auoir fait frotter par quelquesfois il le laissoit refociller, & reprendre ses forces par aucuns iours, & ainsi continua par si long temps qu'il fut frotté trente sept fois, & fut guery. l'en ay veu traicter à de mes compagnons, & fait frotter plusseurs, quinze, seize, ou dixsept fois (laissans quelques internalles) pour vne foistraictez, & bien guerir. Autant s'en doibt faire es corps resoults, & debiles.

Intermision

Prenant toutesfois garde que les frictions ne soient par trop imbecilles, & en si petit nombre, que la cause ne fust suffisamment touchee: car par art, & aide des medicamens, il se procure vne crise, par le moyen de laquelle nature aidee, & dominatrice, expelle, & chasse le venin par les euacuatios susdictes: de sorte que estant la crise parfaicte, il l'ensuit vraye, & entiere curation. Les signes de ladice crise sont inquietudes telles, que debout, ny couché les Signes de la patiens ne peuuent se contenir, boire, ny manger: & sont auec perpetuelles lassitudes, quasi insques à syncope: toutesfois le poulx bon, fort, & egal: puis au bout d'vn iour, ou deux, que nature commencera à expeller, & (se deschargeant) euacuer la cause du mal, autant se diminuent tels accidents, & sentent allegement de toutes douleurs. Mais par n'estre les remedes suffisants, la crise demeure imparfai-crise impar-che, & laisse tousiours quelque reste de ferre-faiche. ment, qui pourra corrompre toute la masse, & engendrer recidiues de la maladie, dont l'ensuyuront accidents pires que les premiers: & est cause que aucunessois demeure caché ce leuain en vn corps six mois, vn an, deux ans, dix ans, & plus: qui faict doubter aucuns que ceste maladie soit hereditaire, comme lepre, arthritis (qui est maladie des arti-

cles, communement dicte gouttes naturelles) epilepsie, nephretique (qui est passió des reins) & semblables, lesquelles ont de coustume demourer cachees en vn corps, non seulement quelque fois dix, ou douze ans, mais la vie d'vne personne (viuant de regime) sans qu'il s'en sente, & les enfans de luy en seront affligez:ce qui n'est pas ainsi de ceste maladie : car on la voit ordinairement guerir auec ses racines, & ne se voyent point recidiuer du pere au fils (co me les precedétes) si ce n'est faulte d'estre traivairolle ctez. Aussi pareillement il fault bien se donner n'est heredi-de garde que les medicaments ne soient trop violents, ou indiscrettemet appliquez, pour les grans accidents qui ont de coustume d'en aduenir, comme ie vous ay cy dessus racompté d'vn qui des la premiere friction, apres luy auoir remply le ventricule fust suffoqué. Lon a assez veu de semblables histoires, & tristes spe ctacles, desquels ie me tais: & ay esté maintesfois appellé auec d'autres, ou nous en auons veu, qui par telle faulte estoyent tormentez & affligez en plusieurs & diuerses sortes: les vns (pour la trop grande violence des medicamés qui auoyent colliqué, & consommé l'humeur radical) estoyent deuenuz tabides. Aux autres suruenoyent viceres sordides, & putrides en la bouche, qui mangeoyét, & rongeoyent vne

taire.

157

bonne partie d'icelle, & de la langue: quelquefois se degeneroyent iusque en gangrene, & mortification, dont aucuns sont morts miserablement: Es autres la colliquation estoit relle qu'vn, deux, ou trois mois apres leur fluoit la bouche, & iect oyét cotinuellemét humidité p icelle. Suyuent aussi aucunesfois vne deperdition, ou deprauation grade de l'action des muscles, qui font le mouvement de la mandibule inferieure, en sôrte qu'aucuns sont demourez sans iamais ouurir la bouche que bien peu: qui est chose miserable, que par l'ignorance, & asnerie de telz coquins tant de personnes sans occasion languissent, ou miserablement perissent:attendu mesmes que pour la congnoissance qu'ont auiourdhuy gens rationelz (plus que iamais) tant de la maladie, que des remedes, il est possible de les curer plus seuremét, & auec moindre violence. Semblablement il ne fault tousiours continuer les frictions iusque à ce qu'il se face flux de bouche, ou de ventre, par ce qu'il y en a plusieurs à qui iamais il n'aduiét encor qu'on les frottast infiniemet (à quoy aide beaucoup la preparation precedéte des hu-

tit flux de ventre incité de nature, ou part art: clions.

METHODE

& me suis sort bien trouué en tel cas leur faire vser apres par quelques iours d'vne decoction de gaiac le matin', aucunement laxatiue pour la nature de l'humeur. Et si le corps est plein, ou abondat en humeur, cras, lent, & visqueux, i'y adiouste du vin blanc parmi. Mesmes ie l'ay veu aussi preparé auec vin seul prositer à des gens, voire bilieux, & marasmez.

Des ceroines, ou emplastres vicaires de la friction.

Pource que plusieurs abhorrent le nom, & l'vsage de la friction faicte auec lesdictz vnguents, on a practiqué l'admotion des ceroines, ou emplastres, lesquelles sont vicaires, & tiennent les lieux des frictions: excepté seulement qu'elles sont plus tardiues: & non seulement doyent estre celles qui sont descriptes par De Vigo, mais aussi (come nous auons dict des frictions) composées de choseis plus, ou moing anodines, emollientes, incissies, resolutiues, ou desiccatiues, pour la nature des symptomes, ou accidents, aussi des humeurs, qui doyuent estre vacuez, & autres indications susdictes, sans oublier l'argent vis

pour alexipharmac contre le venin, cause de la maladie.Lesdictz emplastres sont de grand ef. L'villitédes fect, pource que demourats continuellement sur les parties, leur action est aussi continuelle: & doyuent estre appliquez, specialement aux recidiues, & ou les humeurs sont gros, visqueux, & adherants aux parties profondes, & difficiles à eradiquer, parce qu'elles besongnent, & font leur action plus lentement, & auec moindre violence, que ne font les frictions: de sorte que nous sommes maintesfois contrainctz sur la fin de l'vsage desdictz emplastres donner quelques frictions, pour inciter nature à plus prompte euacuation. Nous les auons aussi quelques sois appliqué à des natures, & ou les humeurs estoyent tellement preparez, qu'au bout de deux, ou trois iours elles auoyent faict action suffisante, pour la consumption de la cause de la maladie: & failloit les oster, autrement eussent faict colliquation, & les mesmes accidents que nous auons dict de la friction violente, & trop copieuse. Pource fault auoir mesme iugemet à les oster comme nous auons dict en la friction.

Les emplastres se doyuent estédre sur du cuir L'osage des vniemet, & les appliquer à l'enuiron des arti- emplastres.

cles, & mesmes lieux des frictions. Les autres

l'espaule: & les iambes depuis le dessus du ge-

noil jusqs à l'extremité des doigtz:mais à l'endroict des articles ie vouldrois estendre l'emplastre vn petit plus espes. Et fauldra les y laisser susques à ce que nature aydée par le moyé de la crise susdicte face eduction des humeurs corrompuz de ce venin, comme nous auons deduict parlant des frictions. Et fault aussi les augméter, ou diminuer suyuat les intérios susdictes. Et ou en l'vsage d'icelles surviendra pru rit, ou demangeison, lors fauldra leuer les emplastres, & fomenter les lieux auec vin chault, y adioustat flores chamameli, meliloti, rosarum, & semblables pour resouldre ce qui est cause dudict prurit: lequel cessé, fauldra les y remettre. Aussi pour euiter ledit prurit pourrez couurir les emplastres de quelque tafetas, ou linge delié: à fin de garder qu'ilz ne l'attachent, ou adherent au cuir pour empescher la transpiratio. Les effectz d'iceulx emplastres sont telz que des frictions, & se terminent quelquefois par resolution insensible, flux d'vrine, flux de ventre: mais le plus souvet par flux de bouche, qui est bien le plus certain. Doncques au moyen de l'operation faicte par l'application, des emplastres, & aussi de la frictio (incitas le flux de bouche susdict) sont procreez viceres virulets

Pour euiter la prurit prouenat par les emplastres.

& sordides par l'acrimonie de humeurs malings & corrompuz de ce venin adherens aux parois de la bouche: qui faict erolion, & l'augmente autant, commé l'humeur acrè continuel lemet passant les abreuue. Et pour empescher leur augmentation, & le grand flux de bouche, fauldroit vser souvent de clisteres remollitifz seulement pour empescher les humeurs des parties inferieures, de ne monter aux superieures : qui seroit cause d'augméter le flux sans vtilité, specialement au commencement d'iceluy, & lors que les humeurs se comencent à esmouuoir. Aucuns pour la mesme intention exhiber au malade medicamer purgatif, à telle heure du mouuement des humeurs, afin de les cuacuer par les selles, & euiter lesdicts vlceres de la bouche: q n'est toutesfois la voye plus certaine: La curation de telz vlceres est differente des autres, par ce que nullement doyuét estre reprimez, ou repercutez, encor que soyét inflammez: mais peuuent estre temperez auec Diuers ! gar-gargarismes anodyns, pour leur diminuer l'ar-garismes pour deur, & dessendre par ce frequent lauement, les volceres de que les humeurs gros, & visqueux (adherens la bonche, aux parties internes de la bouche) n'augmentent les viceres: à quoy est bon l'vsage de la decoction d'horge, laict de vache tiede tenu dedans la bouche: aussi mucilagines, se. malua.

althea, pfilly, lattuca, lini, o fænigraci, extracta in aqua hordei,malua vel parietaria: lesquelz tenuz en la bouche, adoulcissent les viceres, & empeschent les humeurs d'y adherer. Pour le comencement il se fault garder d'y appliquer choses fort detersiues, parce que la plus part des medicaments detersifz ont quelque acrimonie qui pourroit causer douleur: & si les vlceres estoyent nectz, & detergez, pourroyent par ceste acrimonie de telz humeurs estre irritez d'aduantage. Et pource fauldra au commencement, & pendant le flux se contenter de l'vsage des choses susdictes empeschat que la forditie & corruption n'augméte : pourueu toutesfois, que lesdictz vlceres ne fussent trop violentz:car,ou pour la vehemence des medicaméts, ou deprauatió de nature, le flux seroit extreme, & rendroit la bouche & les ioues si tumesiées, que par trop grande repletion les Flux de bou- espritz ne peussent reluyre, il se pourroit en-

derer.

che violent suyure vne gangrene, comme aucunesfois adce doibt mo-uient. En ce cas nous sommes contrains de laisser la propre cure pour suruenir aux accidents: & pour ce faire nous vsons de medicaments refrenants, come est, decostum hordei plantag. solani, polygoni, bursa pastor. c.cum sir. ros.violaru, nymphea, cydonioru, berberis, granatorum, c. Aussi come sont, mucilag. o decotta se.

lactuca, psylly, cy doniorum, plantag.cucuumer. melonum, papaueris albi, hyos cyami albi, coc. in aquis hordei,ros.plantag.solani, nymphea, caprifolij. Oc. Et d'aduantage pour reuoquer & reprimer le Diuerse apflux, nous vsons de frictios aux extremitez auec plicatio pour la main ou linges moyennement chaulx, nous empescher le appliquons ventouses sur la region des espau- flux immodeles & fesses faisons emplastre de mastic, ou semblable, qui comprend entierement tout le ceruix, & à l'entour du col : pareillement sur les arteres des temples: il est bon aussi de couper les cheueux, & y appliquer choses pour desseicher & roborer le cerueau, comme sachez faictz de cyperus, calam. aromat. milium desiccatu, furfur, sal desiccatu, flor . chamameli , ros. @ de betonica, & de choses semblables : lesquelles fault mettre toutes chauldes sur la teste, auec estouppes pfumées, de sandaracha ou, vernix, ma stix, oliban, coc. Fault pareillement faire estuues seiches, auec choses chauldes desiccatines & roborantes, afin qu'estants les sueurs prouoquées par l'ouverture des pores, le trop grand mouuemet de nature soit retiré. Or ou ce mou uement prouiendroit de la force des medica-

mets,& trop grade quatité d'argentvif,i'ay en ce cas notévne chose, en laquelle i'ay trouuévn merueilleux effect: c'est que le patietvse de cho

ses dorées, soit auec fueilles d'or (qu'on peult l'ij 156

cles, communement dicte gouttes naturelles) epilepsie, nephretique (qui est passió des reins). & semblables, lesquelles ont de coustume demourer cachees en vn corps, non seulement quelque fois dix, ou douze ans, mais la vie d'vne personne (viuant de regime) sans qu'il s'en sente, & les enfans de luy en seront affligez:ce qui n'est pas ainsi de ceste maladie : car on la voit ordinairement guerir auec ses racines, & ne se voyent point recidiuer du pere au fils (co me les precedétes) si ce n'est faulte d'estre trai-La vairolle ctez. Aussi pareillement il fault bien se donner n'est heredi- de garde que les medicaments ne soient trop violents, ou indiscrettemét appliquez, pour les grans accidents qui ont de coustume d'en aduenir, comme ie vous ay cy dessus racompté d'vn qui des la premiere friction, apres luy auoir remply le ventricule fust suffoqué. Lon 2 assez veu de semblables histoires, & tristes spe ctacles, desquels ie me tais: & ay esté maintesfois appellé auec d'autres, ou nous en auons veu, qui par telle faulte estoyent tormentez & affligez en plusieurs & diuerses sortes : les vns (pour la trop grande violence des medicamés qui auoyent colliqué, & consommé l'humeur radical)estoyent deuenuz tabides. Aux autres suruenoyent viceres sordides, & putrides en

la bouche, qui mangeoyét, & rongeoyent vne

taire.

bonne partie d'icelle, & de la langue: quelquefois se degeneroyent iusque en gangrene, & mortification, dont aucuns sont morts miserablement: Es autres la colliquation estoit relle qu'vn, deux, ou trois mois apres leur fluoit la bouche, & iect oyét cotinuellemet humidité p icelle. Suyuent aussi aucunesfois vne deperdition, ou depravation grade de l'action des muscles, qui font le mouuement de la mandibule inferieure, en sorte qu'aucuns sont demourez sans iamais ouurir la bouche que bien peu:qui est chose miserable, que par l'ignorance, & asnerie de telz coquins tant de personnes sans occasion languissent, ou miserablement perissent:attendu mesmes que pour la congnoissance qu'ont auiourdhuy gens rationelz (plus que iamais)tant de la maladie, que des remedes, il est possible de les curer plus seuremer, & auec moindre violence. Semblablement il ne fault tousiours continuer les frictions iusque à ce qu'il se face flux de bouche, ou de ventre, par ce qu'il y en a plusieurs à qui iamais il n'aduiét encor qu'on les frottast infiniemet (à quoy aide beaucoup la preparation precedéte des hu-

meurs) & à beaucoup d'iceulx (traicrez me_ Il ne furméte thodiquement) aide nature par les resolutions de bouche a-insensibles, ou sux d'vrine, auec quelque pe-pres les fit sux de ventre incité de nature, ou part art: clions.

che:pareillement vseront de decoction de gaiac aromatisee cum cinamomo, ou du vin vieil bien meur, clairet, & subtil, auec eau d'horge: si on veult leur donervn boire plus nourrissant pourautant qu'ils ne mangent rien de solide, on pourra leur faire tremper de la mie de pain blanc bien leué auec du vin predict, puis l'exprimer pour messer de la substace du pain auec le vin qui le rendra plus nourrissant, & luy rompera son acrimonie autrement faire tremper du pain chauld auec du vin par l'espace de vne nuict, puis le faire distiller in balneo Maria le commencement de la liqueur qui sortira, sera quelque peu forte, mais l'autre sera doulce, & d'icelle pourra messer parmy son vin, qui le refocillera & nourrira. Aussi ou pour les grandes euacuations, le patient seroit fort debile, ou syncopiseroit, on luy pourroit donner à sentir bon vin bastard, maluoisie, hippocras, eauë rose, vinaigre rosat, & autres telles choses pour restaurer les esprits : toutessois fault obseruer la nature du patient, & s'enquerir di ligemment si en santé il les a appeté ou non : pource qu'autrement telles choses leur pourroient plustost nuire qu'aider, les ayants en horreur. Sur toutes choses ne fault negliger son ventre, & où il s'endurciroit doibt vser de clisteres, lesquels seront doux & lenitifs:

CVRATOIRE. 167 pourquoy est bon auoir l'aduis du docte & pru dent medecin.

La troisiesme maniere de curer la vairolle.

RESTE maintenant à parler de l'vsage Des persums des persums, qu'aucuns ont dict estre la troissesme voye generale pour curer la maladie Venerienne: laquelle de ma part ie n'approuue pour telle, pour les accidents qui peuuent, & ont de coustume d'en aduenir : car pour absolument curer, il est besoing les faire vehements & copieux, de sorte que pour la proximité & droicte voye qu'il y a iusqu'aux parties receuantes, comme est le cerueau, sou-uent s'ensuit vne trop grande resolution des violents. esprits & vertuz d'iceluy, au moyen de quoy est l'operation de l'esprit animal grandement deprauee & diminuce : dont est aduenu à plusieurs vn spasine ou cotraction des nerfs: Es au tres tremblemet, paralysie, surdité, apoplexie, & semblables accidens. Toutesfois ceste voye sera propre pour les affections particulieres a. Perfums sont pres l'vsage des choses vniuerselles, come nous les affections auos dict cy dessus: car elle ne sera extreme, au particulieres moyen dequoy ne pourra faire resolution des de la vairolle

vertus, ny par consequent empescher, ou deprauer les actios des parties. Et pource si d'aua ture apres les frictions & semblables voyes generales il restoit quelque chose en la teste, bras, iambes ou autres parties, en ce cas l'vlage particulier desdicts perfums profitera pour attenuer,inciser,& resouldre,ce qui seroit de reste: aussi ou pour les frictions precedentes nature aucunefois deprauee, ou empeschee par le moyen de la crassitude & tenacité des humeurs, ou pour la densité du cuir & petitesse des voyes, ne vouldroit l'esmouuoir, ny exciter aucune crise pour euacuer ce qui luy seroit estrange : lors lesdicts perfums vniuersels ont grande puissance sans lesion, & l'ay maintesfois practiqué auec heureuse yssue:mais il fault auec prudence proceder à l'vsage d'iceux, & ne les appliquer, comme vn tas de fricasseurs, qui sans discretion prendront ce quevalgairement nous appellons cinnabre puant, & inhu mainement enuelopperot les pauures patiens, comme s'ils vouloient parfumer vn cheual, & en donneront selon leur recepte au foible come au fort: dont maintesfois (come vn chacun sçait) plusieurs y ont miserablement laissé la vie: & les autres ont esté renduz, tabides, asthmatiques, & hydropiques. Tout cela ne vient que par faulte de raison, & de bien entendre

l'art dequoy lon se messe: car iamais ils n'vsent que de cinnabre, & ne cosiderent que pour les indicatios (les glles souuet sont diuerses) il faut diuersifier les remedes: & que, comme dict Ga lien au lieu susdict treziesme de la methode, traictant de l'absces du foye, il ne fault appli- Cinnabre quer aux parties nobles resolutifs, ou medica- pliquer seul. ments relaxans simplement: mais meslez auec astringents: veu mesmes que lon peult faire Perfums des perfums de plusieurs autres choses, voire aro-choses aroma matiques, lesquelles oultre ce qu'elles sont o- tiques sont à dorantes, & delectables au sentir, incisent, at. preferer. tenuent, resoluent, & ne laissent de roborer, & rendre les parties plus fortes. I'en ay ces iours passez traicté deux quasi en vn mesme temps, Histoire de aucc sustimiges, ou persums: l'vn auoit vne slu faictes par xion grade sur les poulmons, dissiculté, & dou persums. leur en la respiration, auec deprauation de la parolle: l'autre estoit fort extenué pour vne diuturne douleur de teste, quasi intolerable auec carie, ou corruption de plusieurs os de la partie superieure, & laterale du nez. Au premier prenat indication de la partie blessee, & autres parties nobles, qui abhorrent telle acrimonie, & feridité, come il y a au soulphre (dequoy auec argent vif est composé le cinnabre) ie consideray qu'il seroit trop meilleur inuenter autre moyen pour arrester le susdict argent

Maniere de mettre l'argent vif en pouldre.

vif: (qui est le medicament sans lequel) & le rediger en pouldre, ce que ie feis en la maniere qui l'ensuit. Premierement ie feis fondre enuiro quatre onces d'estain en vne cuiller profonde, & lors qu'il se froidissoit, le nettoyay de son excrement: puis ie feis vne fosse au milieu, où ie iettay enuiron vne once d'argent vif, lequel l'arresta, de sorte qu'aisémet il fut reduit, & mis en pouldre. Et afin d'attenuer, & incifer la crassitude, & viscosité de l'humeur, dont les poulmons, & parties circumiacentes estoient imbues: & consommer iceluy en roborant lesdictes parties,i'y adioustay de l'Irus Florent. la= danum, fyrax calamita, aloe, myrrha, thus, mastix : desquels reduicts en pouldre ie feis trochisqs cum theriaca galeni, & bien peu d'eau de vie: Et auec iceux fut guery, ayat esté preparé auec decoction de gaiac par quinze iours. Au sel cond i'arrestay l'argent vif auec du plomb fon du, faisant fondre le plomb, & bien purifier, puis lors qu'il se froidissoit ie messay l'argent vif parmy, qui le rendoit facile à rediger en pouldre: puis auec ladicte pouldre i'adioustay de l'antimonium, cadmia, popholix, aloe, myrrha, olibanum, or mastix reduicts en pouldre, lesquels ie incorporay cum terebenthina Venet. & bien peu de maluoisie, & en feis trochisques, desquels i'vsay pour la detersion, & desiccation,

apres auoir esté traicté auec legeres frictions : & fut guery apres auoir ietté huict, ou neuf squilles, ou pieces d'os corrompuz de son nez: car, comme veult Galien, iamais on ne doibt curer les yeux, ou le nez deuant la purgation du cerueau, ny du cerueau deuant la preparatio de tout le corps, qui est chose raisonnable.

🐲 La matiere des perfums.

T A matiere auec laquelle tels perfums se L peuuent faire, sera pour l'intétion que lon aura de les augmenter, & rendre plus forts,& vehements:ou bien de les diminuer, corriger, & rendre moins violens. Les communs aujour d'huy se practiquent auec ce que nous disons cinnabre, qui est (comme i'ay predict) composé de soulphre & argent vif. Et pour les forti- Pourfortifier fier aucuns y adioustent radicem gentiana, sabina misi, chalcitidem, sory, sandaracham, calcanthum, psoricum, marcasites, arupigmentum, & telles choses violentes : lesquelles ne se peuuent practiquer sans danger bien apparent. Et pource l'on n'en vse point, si ce n'est à gens deplorez: & encores cela se doibt faire auec grande methode & discretion.

les perfums.

Pour la correction d'iceux (ayant tousiours Pour mode-l'indication principale prise des choses natu-fums.

relles deuant les yeux, lesquelles il fault conferuer) on y doibt adiouster radicem dictamni veri, acori, paonia, iunci odorati angulosi & rotundi, Zedoaria, tormentilla, angelica, behen albi, & rubei, Ireos Florent. cinnamomum, thus, sandaracham, mastichem, olibanum, aloem, myrrham, labdanum, striacem calamitam, & liquidam, terebin. Venet. benioin, calamum aromaticum, gariophyllos, nuces moscat. semen citri, acetosa, ocyni, crocum, xyloaloem, macu, ambram, sandalorum species, theriacam, & autres ayans faculté de robo rer, & empescher la trop grande dissolution de nature.

La maniere d'vser des perfums.

dres, ou trochisques saicts des choses predictes

Deux moyes L y a deux manieres de mettre en executió d'oser desdits perfums: l'une generale, l'autre particuliere: la generale qui se donne universellement à tout le corps se faict ainsi: Il fault auoir un pauillon bien couvert & sermé de toutes parts, de sorte que rien n'y puisse entrer ny sortir. Le patient sera tout nud assis dedans le pauillon, & auta les yeux sermez, afin qu'ils ne soiet blessez par la tenuité, & violence des persums. En ce pauillon y auta un petit vaisseau auec seu mediocre, où lon iectera poul-

3.i.ou 3.ii.le tout selon les indications tant de fois repetées. Et ou la vapeur seroit trop grande, le parient pourra par interualles mettre la teste dehors le pauillon, puis la remettre iusques à ce que ladicte fumée sera passée : là il suera quelque peu s'il est possible, puis pourra sortir, & se mettre au lict enueloppé du linseul qui aura serui audict pauillon, ayat vn linge chault sur le verre, & poictrine: & en ce lict suera doulcement vne heure, ou deux. Cecy se doibt faire au matin, aussi c'est le temps le plus commode, & plus accoustumé. Mais si pour la vehemence des perfums on craignoit trop grande resolution pour estre le corps inany, & à ieun, & debile pour les douleurs precedétes, lon pourra donner au patient yne heure deuat ou enuiron le moyeuf d'vn oeuf auec vn peu de vin, quelque peu de gelée, ou d'vn consummé, & autres choses cy dessus specifiées, ou nous auons descrit la maniere de traicter ceulx qui ont flux de bouche.

L'autre maniere qui est particuliere se practique quand apres les curations vniuerselles par frictions, ou decoctions, l'intention est d'inciser, attenuer, & resouldre quelque humeur restant en vne partie, specialemet en la teste, aux bras, iambes, emoctoires, & telles parties: lors pouuez vser seurement des dictz persums estás

seulement la partie affectée descouuerte, & receuant le persum en petite quatité. Oultre ces manieres de persums il y en a encor d'autres qui se sont auec decoctions d'herbes chauldes, & de tenue substace, mesmes de vinaigre, eaue de vie, & semblables, lesquelles on espand sur pierres dictes pyrites, de moulins, briques, ou graiz, comme descrit Galien au quatoziesme de la methode, parlant de la curation des scirrhes. Mais ou on doubteroit le venin n'auoir esté sussiliamment touché par les choses vniuer selles, les dernieres manieres de persums ne seroyent sussiliantes, pource que la vertu de l'argét vis y desauldroir, qui ne doibt estre obmis, pource qu'il est en ce cas plus que necessaire.

accidents de la maladie Venerienne, ou vairolle.

OR apres que nous auons suffisammét descrit la cure generale de la maladie Venerienne, moyennant laquelle tout chirurgien rationel peult methodiquement traicter, & curer tous affectez de ceste maladie, maintenant il nous fault poursuyure la methode de traicter particulieremét les affections qui suruiennent à icelle maladie, commenceant à la

diuiser ainsi. Les symptomes, ou accidents co-Trois maniemuns de ceste maladie sont plusieurs, desquelz res d'accidets les vns precedent, les autres suyuent, les autres le. suruiennent. Ceulx qui precedet sont viceres de diuerse nature en la verge, ardeur d'vrine, Les symptoou pissechaulde, bubons, ou poulains: lesquelz mes precedets seront dictz preceder, pource que encor qu'ilz la vairolles soyent equiuoques, & puissent aduenir, & non aduenir, sans, ou auec contagion d'icelle maladie, ont neantmoins (le plus souuent) accoustumé de les preceder, & seruir quasi comme d'aduant coureurs. Les autres que nous appel-Les sympto-lons suyuants, ou consequutifz sont pustules, mes suyuans & vlceres naissans par tout le corps principalement aux parties hoteuses, au siege, à la bouche,à la gorge,à la reste, au front, & aux emunctoires. Pareillement cheute du poil communement dicte pelade, douleurs articulaires, sou uent mobiles, aussi (mais peu souuent) tophes,

Les derniers que nous appellons suruenants, Les sympto-ou extraordinaires, qui naissent apres les im-parfaictes, & non methodiques curatios (cau-varoille. se des recidiues) sont douleurs fixes de toute la teste, ou d'vne partie d'icelle, des bras, des iambes, principalement auec nodositez, ou souuent sont les os cariez, & corrompuz, vlceres virulents, & phagedeniques com-

ou nodositez.

munement dictz ambulatifz, scissures, ou dartres aux mais, piedz, & autres parties du corps, vice prouenant de chascune des concoctions auec marasmation, & amaigrissement d'icelluy. Brief comme i'ay predict tout genre, & efpece de ceste maladie, prenant origine de cause interne communement dicte antecedente, peult estre symptome de ceste maladie. De tous lesquelz i'eusse particulierement traicté, sinon que ce cust esté vn propos long, ennuyeux, & peu necessaire, attendu que la plus part d'iceulx se guerissent auec la curation & generale ablation de ceste maladie. Et pource nous nous contentons d'escrire de ceulx qui plus communement aduiennent, & ausquelz est requise vne speciale, & particuliere curatio auiourdhuy traictée, & practiquée par la chirurgie, comme demourant apres la generale curation.

Des viceres de la verge.

Ous commencerons donc aux vlceres de la verge, lesquelz (iaçoir que leur origine vienne de ce coït, ou copulation charpelle, car nous ne parlons de ceulx qui de culx mesmes pour la grande humidité de la partie sy peuuent engendrer) peuuent toutes sois

estre curez à part sans consecution de ladicte vairolle. Qu'ainsi soit, quelquefois y a des vl. Differences ceres simples qui prouiennent de seule desso des viceres de ration, causée de trop grande confricton, comme en filles ou femmes estroictes. Ou bien la femme aura seulemét quelque viceres peu maling au col de la matrice, ou de ce venin nouuellement receu de quelque autre:dont peult aduenir que par ceste copulation, & par le cotact de la verge ausdictz vlceres & corruption, la mucosité virulente adherera à la verge du laboureur, & seulement engendrera lesdictz vlceres, par ce que la virulance estant imbecille, a puissance seulement infecter telles parties prochaines: lesquelles sont subiectes à putrefaction: de sorte que pour la vehemence, ou imbecillité d'iceluy, serot les vlceres cacoehtz, & malings: ou benings, & cedas aux remedes, plus ou moins. Quant telz vlceres-viennent, lors ilz sont maladie à part soy, & no symptomes de ceste maladie: mais pource, que l'vne & l'autre espece symbolisent, & sont entre eulx de mesme gére, il ne sera, comme ie croy, impertinent commencer par iceulx. Doncques si ces viceres naissent sur le balanum, ou glad, lors font plus copieux, & moins malings : filz naissent au prepuce, ilz sont moins en nombre, mais plus dangereux, l'ilz participent de

178 METHODE

tous les deux ilz sont moyens'. Les dictz vl
Autre diffe ceres aucunes sois sont compliquez auec vne
rence o con-virulence ou erosion, quelques sois auec vne
plication des sorditie & putresaction: souuent auec vne cauvleres de la
verge.

segue sans l'extirpation d'icelle, tant s'en

& tellement rebelles aux medicaments, qu'a aucuns se terminent en gangrene, & syderation: de sorte que es vns il est besoing amputer tout le membre, es autres vne bonne partie d'iceluy. Nous auons aussi veu quelque-

vlceres de la verge.

fois qu'en d'autres ilz degeneroyent en carcinomes dictz chancres: pour la curation defquelz est besoing vser de grandz remedes, come purgations, phlebotomies, decoctions de
gaiac, auec bon regime: ayants tousiours esgard à la cause, & rant à l'habitude de tout le
corps, que de la partie: mais pource qu'au
commencement de telz vsceres la cause est encor incertaine, on ne doibt iamais en iceluy
ordonner medecines fortes ou violentes, &
moins phlebotomies du bras ou autres parties
superieures: car ou les dictz vsceres sont doulx
& benings, ou ilz sont vehements & malings:
s'ilz sont doulx, il n'est besoing vser de choses
tant fortes & violentes: mais s'ilz sont vehe-

fault que lesdictz vlceres soyent curez, que bié souuent ilz en sont renduz cacoethz, malings,

ments, cela vient ou a cause de la mauuaise habitude simple de tout le corps (chose peu comune) & peuuent guerir auec les remedes comuns: ou bien de la quantité, & qualité mauuaise de ce venin, qui est plus vray semblable, & à craindre. Et en cecy plusieurs empiriques sont auiourdhuy cause de grands maulx : lesquelz abusants de l'office d'vn medecin, exhiberont quelque medecine forte, come lozége diacarthami, ou de succo ros.ou cotignac de Lyő dissoulx, & en grade quatité, afin que par le nobre des selles, qui s'en ensuyuet, ilz séblét auoir donné vne boné medecine: Et faulte de raison ne peuuét iuger q nature puide & forte a de coustume suyuat son mouuemet expeller aux aynes (emóctoires du foye) le virus ou venin, de sorte que par le moyen d'vn bubon ou poulain, on est exempt de la vairolle: mais pen sent les pauures insensez pour auoir quelquefois veu vn medecin rationel ordoner en vlceres malings, & comencemet de bubon aux aynes, vne medecine doulce & benigne (dont il en succedera bié)qu'il n'y a point de differéce de medecines, & moins de phlebotomies, & tireront du sang du bras, sans considerer que par telle phlebotomie se fera vne retractió du virus par le trauers des parties nobles ia agitées & affoyblies par les assaulx precedents:

dont l'ensuyura la vairolle, comme il advient iournellement en vne infinité. Aussi est ce con tre le dire d'Hippocr. au 21. aphor. de son premier liure, ou il dit, qu'il fault suyure nature en ce ou elle tend par les lieux conferens. Donc ne soyent temerairement données telles purgations au commencement, mais bien leniti-Phlebotomie ues & doulces. Semblablement phlebotomies pour les vicedes parties superieures: mais ou il y aura inres de la vertention de faire retraction du venin, ladicte section de veine se doibt faire des parties inferieures (comme du pied ou iarret) pourquoy fauldra auoir conseil du prudent medecin. Nous nous contenterons donc de sçauoir que des symptomes aucuns requierent seulement euacuation: les autres euacuation & reuulsion: les autres enacuation, reuulsion, & derination. L'vsage desquelles choses nous est frequent en ses curations particulieres : pource me semble meilleur, & à propos d'escrire summairement les manieres pour faire les choses susdictes: qui sont purgations, sections de veines, ventouses, sanglues, application de medicaments chaulx, frictions, ligatures, & semblables : desquelles les vnes fontaction plus tost & plus

ge.

fort, les autres plus tard & moins fort. Des purgations, phlehoromies, & telles cho ses vniuerselles je les délaisse à messieurs les

Purgations.

medecins, & me contente seulemet cosiderer que la purgatió euacue, deriue, & reuoque les humeurs:mais sera en eschauffant, attirant, esmouuant, & sounent irritant les parties dolen tes, & par accidét les réplist: toutes fois est propre & necessaire à la curatió de ceste maladie. La phlebotomie au cotraire euacue, deriue, & Phlebotomie reuoque sas eschauffer, causer douleurs, ny em plir les parties, estat methodiquemet celebree. Les ventouses de grand puissance attirent les Ventouses. matieres, & proptement: pource souvent nous sont en vsage, ou nous voulons attirer, ou diuertir, plus que euacuer, si ne sont appliquees auec scarification, ou lors euacueront, mais superficiellement à comparaison de la phleboto mie susdicte : laquelle euacue du profond de tout le corps.

Les sangsues seront les mesmes actions, mais saugsues auec plus ample euacuation, & du plus profond, que les dictes ventouses, moins toutes sois que ladicte phlebotomie: aussi sont propres à expurger le sang & humeurs corrompuz contenuz es viceres cacoeths & malings, estas ap-

pliquees es parties circoniacentes.

Les medicamens chauls euacuent, deriuent, Medicamens & reuoquent pour la force & nature d'iceux. chauls.

Les ligatures attirent, diuertissent, & reuo-Ligatures. quent doulcement, ou violentement, pour la

182 METHODE constriction d'elles forte, ou debile.

Frictions.

Les frictions ont les actions predictes, & outre resoluent plus ou moins selon leur multitude, & vhemence: & en icelles fault entendre, que tout ainsi, comme la douce faict apertion des pores, la forte les ferme & reserre. Et de tous iceulx remedes nous vsons pour la diuersité des affections. Exemple: Nous vsons de seule euacuation es affections particulieres, faictes de plenitude ou abondance d'humeurs, ou ne doutons recente fluxion: De reuulsion, là où la fluxion encor est en estre, tout ainsi comme nous vsons de deriuation, là où ladicte fluxion est ia faire, & la parrie a receu: mais où les deux sont en estre, c'est asçauoir vne parrie flue, & l'autre partie ia occupe le lieu affecté, nousvserons des deux remedes, qui sont retraction ou reuulsion pource qui se faict,& derivatio pour ce qui est faict. Si ce n'est es cas, ou de nostre puissance attirons, come es bubos veneries ou poulains:vlceres auec durté, & absces, ou doutons la suitte de telle maladie veneriene : aussi flux de bouche & de ventre, vrines, sueurs moderecs, ou nullement ne deuons vser de retraction, mais suyure nature en ses mouuemens. Retournans doc à nostre propos, si l'vlcere est simple, comme il aduient es defloratios faictes par vn violent coït auec vne petite fille, ou au-

tre fort estroicte, en ce cas ne fault s'arrester à ce venin, mais suffit (pourueu que le corps ne soit trop replet ou cacochimé) vser de medicaments desiccatifs sans aucune mordication, Medicamets comme pouldre, ex tuthia praparata, qui est res simples. pompholix vera lota, plumbo vsto, cerusa, corallo, aloe, conchis vstis & lotis, ligni carie, calce pluries lota: aussi terra Lemnia, l'il s'en recouuroir, terra sigillata vera , bolus Armenia vera , & autres tels medicaments preparez, en sorte qu'il ne demeure aucune acrimonie. Telles pouldres vous pouuez insperger seules, ou meslees ensemble: & aussi faire vnguents d'icelles en messant auec de l'huille, & de la cire, aussi de la tereben. de Venise, bonne & bien lauce pour luy ofter son acrimonie. La plus Preparation propre huille sera l'huille rosart, pourueu que de l'huille roelle soit sans sel: & sera encor meilleure & plus sart. souueraine, si elle est mise en œuure, comme ie la prepare : il la fault choisir recente & doulce, & pourautant que nous n'auos de celle que Galien appelle omotribes, ou omphacin, fault la lauer plusieurs fois en eau de fontaine, pour luy ofter la chaleur & acrimonic du sel: ce faict, fault la lauer en eau rose : puis encore de rechef en eau astringente faicte ex plantagine, polygono seu centinodia, virga pastor berbere, cu balaustiis: cela faict, la macerer & infuser auec ro-

184 METHODE

ses: puis la laisser vn temps au soleil, ou faire boullir vn bouillon seulement in balneo Maria. Galien au 4 Mais si l'vlcere est complique, auec quelque de sa metho- symptome, ou autre affection, la curation dede, parlat de ura commencer à l'ablation d'iceluy. Et pourla complication des vice- ce s'il y a intemperature (qui souvent aduient pour la negligence de plusieurs, qui estiment res. paraduenture la femme nette, estant orde, ou bien par ce que la partie est subiecte à inslammations, & à receuoir tous excremens) elle sera chaulde, froide, seiche, ou humide: Si elle est chaulde, il fauldra vser de medicamens froids,

peratures chauldes.

Medicamens comme faire fomentation de suc, ou eaue de pour les inte-plantag solanum, polygonum, bursa pastoris: & ou lon vouldroit plus refrigerer y fauldroit adiou ster des mineraux preparez, comme i'ay dit cy dessus, & les camphrer. Il y en a d'autres encor plus froids, comme les narcotiques, lesquels ie ne puis approuuer fils ne sont appliquez auec grande discretion : & à l'enuiron pourras seurement vser de medicamens refrenans come oxicrat faict ex aceto, & aqua, meslé en sor te qu'on en puisse boire. Aussi faire embrocation d'unguent dict nutritum, ou de bolo, ou de l'emplastre dict diachalciteos, dissoults in oxyrrhodino, qui est mixtion de vinaigre, & Intéperature huille, celle qui est rosat est meilleure. Semblable raison tu auras de curer l'intemperie

froide.

froide par son contraire, à sçauoir par medicaments chaulx en mesme latitude, ou degré, commeladicte intemperie excedera l'habitude naturelle en froidure: ce que amplemet ie practiquay en passant les monts enuiron le Noel 1537. auec gens de guerre du roy François premier de ce nom. Plusieurs en nostre trouppe endurerent telle froidure qu'a aucuns non seu lemet le nez, ou les oreilles, mais aussi la verge se tumefia : es vns quelque peu, es autres si vehementemet que le cuir se dilaceroit par trop grande tension. Es autres il s'y fist telle priuation d'esprit, qu'il y eut comencement de gragrene: Pour la curatió desquels ie leur faisoye fométation auec vin, auquel auoit bouillu origanum, calamenthum, saluia, maiorana, thymus, chamamelon, melilotum, cuminum, faniculus, anisum, Ausquelles choses si l'intemperse estoit trop grande, seroit bon adjouster eaue de vie. La fomentation faicte, i'y appliquoye le medicament qui s'ensuir.

v.oleorum anethi, & chamameli an 3.ii olei rutha & terebinthina an 3.i. se. cumini , & fænigráci, an 3 s.pul.mastic.Ireos Florent. aloes an 3.ij. cera,

quod sufficit fiat empl.molle.

Es scissures i'appliquoye medicamens saicts de mucilages se lini, psilij, malua sanigraci, cum axungia, cera, pour la cossitence de linimet.

Es autres où y auoit gangrene, ie leur faisoye cataplasmes ex farinis hordei, fabarum, orobi, co lu pinorum, dissol. in oxymelite cum syrupo acetoso, pul. aloes, myrrha, & semblables remedes descripts de Galien, Guido de Cauliac, & plusieurs autres pour la curation des gangrenes, que ie delaisse pour cause de brieucté.

Intemperatures seiches.

Es intemperatures seiches Galien approune la fomentation d'eauë temperee pour l'humecter. Et durera celle fomentation seulement iusques à ce que la partie rougisse, & esseue quelque peu en tumeur, de paour que si on fo mentoit d'auantage, il ne se feist resolution de ce qui auroit esté attiré: autant en fera tout medicament qui sera humide. Mais si l'intem-Intemperatu res humides. perature estoit humide, lors fauldroit desecher d'autant plus qu'elle abonderoit en humidité. Les mesmes raisons doiuent estre obseruees es complications des susdictes intemperatures: ou toutesfois nous deuons bien noter ce que dict Galien au cinquiesme de sa methode, sçauoir que le balanus, qui est le gland, ou extremité charnuë de la verge, doibt estre plus deseché que le prepuce ou couverture d'icelvlceres du ba le, encor moins celle qui extericurement couure les testicules, que nous appellos oscheum, ou scrotum, qui semble estre contre l'indication prise du temperament de la partie. Car le

On doit plus desecher les lanus, que du prepuce,ny Scrotum.

balanus (qui est chair pure) est de temperature plus humide que lesdictes parties: dont sem bleroit que pour sa conservation il deust estre moins deseché que les susdites parties de temperature plus seich e. Mais l'intention de Galien est qu'il fault plus deseicher ledit balanus d'autant que comme canal desdictes parties, il est plus humide de ceste humidité excrementeuse (qui doibt estre consommée) que n'est le-

dict prepuce, ou scrotum.

Reste maintenant de poursuyure les choses estranges, & complications desdicts viceres commençans à ceux qui sont virulents, comme estans moins suspects que les autres sordides, pour les raisons dessusdictes. Si donc- Cause des viques les viceres sont virulents, & corrosifs, ceres virules. leur naissance sera par le moyen des humeurs vitiez, & corrompuz (principalement bilieux, acres, & mordicants) qui resuderont des viceres estans au col de la matrice de la femme habitee, pour estre lesdicts viceres irritez par la confriction, ou bien le venin freschement receu de quelque autre ayant gonorrhee Venerienne, ou vlceres à la verge : lesquels humeurs inflammez, & renduz plus acres, adherants aux porofitez de la verge vlcereront tout aussi tost. Ils peuvent aussi aduenir apres simples viceres, estans irritez auec

المراجعة -

Signes des vl medicaments acres: & lors se sentira vne cuisceres virulets son, & douleur pungitiue & erodente, & au-

Curation.

ront lesdicts viceres une couleur citrine vers le milieu, & vne bordure subflaue, ou rougeastre, se monstrans au reste inegaux, & comme dentelez. La curation d'iceux se peult faire en telle sorte, Les choses vniuerselles bien, & deuëment faictes (come le regime, purgations valides, & phlebotomie reuulsiue) sera bon vser de medicamets de faculté froide, & seiche, ayas esgard à l'inflamation, & tenuité de l'humeur (cause de l'vlcere) & à la partie superiéu re des repellents pour reprimer, & empescher que les humeurs ne defluent en icelle partie; qui est la maniere de les traicter, come tels vlceres irritez seulement par medicamens violents, & acres, & non par qualité veneneuse. Mais aux vlceres prouenans par le coït, nous deuons craindre telle maniere de curation: car paraduenture que cuidans euiter l'vlcere, & brieuement le curer en telle partie, nous repoulseros es parties nobles le virus, ou venin, duquel nature a ia commencé à se descharger aux emonctoires, & lieux prochains, specialement es viceres pullulants quelque téps apres l'acte: dot s'en ensuyuroit la vairolle. Et pource, veu le dăger, ie n'approuuerois telle manie re, sinon que nous fussions contraincts de lais-

ser la propre cure, pour suruenir aux accidéts; come es viceres phagedeniques, & rongeants, putrides, & gangreneux ; esquelz proptement deuos vser de remedes reuulsifz, & repellents; es parties prochaines, à fin que ne nous aduiéne ce que dict le prouerbe: Decidit in Scyllam en piens vitare Charybdim. Ce que i'ay veu par experience ceste année en vn personnage d'estat ayant plusieurs pustules de ceste maladie auec vn vlcere, ou scrotum assez ample, sordide, ou calleux: pour la curatió duquel fut par gés methodiques aduisé que les choses vniuerselles premierement faictes (comme purgation, & phlebotomie) il seroit traicté auec le litus ou friction:ce qu'estant executé, luy suruint quelque petit flux de bouche auec flux de ventre, non violent: mais sur la declination desdictz flux l'excita vne inflammation, ou ebullition quasi vniuerselle, excepté la teste, & bien peu d'endroictzsur son corps: dont finablement au lieu de l'vlcere susdict se manifesta vn comencement de gagrene, qui tout aussi tost comencea à croistre, nous cotraignant chager & contrarier à tous noz precedéts remedes: parquoy ordonasmes que son regime, qui au precedent estoit chault, tant en l'air, comme son boire, & manger, rendroit à la refrigeratio de toute l'ha bitude du corps, & fut faicte phlebotomie reuulsiue du bras, & appliqué medicaments repellents aux enuirons: plusieurs scarifications auec les remedes accoustumez en gangrene, que ie delaisse pour le present. Et estoit la fluxion si vehemete, & furieuse, que sans les methodiques, & prompts remedes, il eust esté en grand peril de mort. Apres acheuasmes la curation premiere: & par tel moyen il fut gueri, rant de l'ylcere, comme de la maladie Venerienne

La maniere de curer telz vlceres, est qu'on curer les vlce doibt fuir les medicaments froidz, & repelres virulents lents aux parties circumiacentes pour les raifons predictes : & y proceder des le commencement auec medicaments, qui ayent faculté d'obtundre telle acrimonie, comme toucher l'vlcere auec eaue de sublimé foible, mediocre, ou forte: aussi auec eaue forte, en laquelle soit adiousté grande quantité d'eaue de guimaulue: pareillement eaue bleuë, qui est l'eaue prædicte, qui ia a operé : & ce tant pour la nature, malice, & virulence de l'vlcere, que pour le sentiment exacte, ou hebeté, aussi pour la cacochimie, ou plenitude de tout le corps. Ce faict, il fault prouoquer la cheute de l'escare auec choses suppuratives, & vnctueuses, comme vng.basilicon, beurre, mucilages ex se. althex, malux, lini, & semblables. Mais en l'v-

sage de telz medicaments, il se fault bien donner de garde que par le moyen d'iceulx l'vlcere ne soit rendu plus sordide, ou putride : & aussi que par l'application de ces eaues, & par la vehemence d'icelles, & semblables medicaments la chair subiecte ne soit par trop colliquée, & les viceres renduz plus ords, & sordides, suyuant l'histoire descripte par Galien au troisiesme de sa methode. Fauldra pareillement auoir esgard, principalement estant le corps plethorique, ou cacochime, que par leur acrimonie lesdictz vlceres soyent irritez : au moyen dequoy ilz puissent degenerer en vlceres cacoethz, & malings, & quelquesfois en gangrenes, carcinomes, ou chancres. Et ou la pertinacité, & rebellion de telz vlceres viendroit de la veheméce du veni, de sorte glz ne voulussent ceder aux remedes, lors tu dois noter vne chose, que nous auons maintesfois experimenté auec heureuse yssue, C'est qu'aux emonctoires du foye, & aux environs desdictz Experience viceres soit faicte friction particuliere auec del'autheur. medicaments non composez de choses froides, & repellentes, mais qui auront faculté de eschauffer, attirer, resouldre, & cosummer:entre lesquelz medicaments y ait portion d'argét vif, selon les indicatios susdictes: Aussi soyent faictz suffumiges, ou perfums, desquelz auons

le malice quasi comme par miracle se disparoistra, & se redra l'vlcere si egal, & obeissant, que quasi de soy se desseichera, & guerira. Er ay trouué ceste voye auoit telle essicace, & ver tu, que combien que plusieurs eussent la vairolle, i'ay desseché, & curé eu eulx vlceres sordides, calleux, cacoethz, & malings, qui ne vou loyent ceder à tous autres remedes: apres la curation desquelz à aucuns l'ensuyuoyent signes euidents de la vairolle, comme douleurs de teste, espaules, bras, ou iambes, pustules en diuerses parties du corps, & semblables, qui n'apparoissoyét au parauat la desiccation pour la cotinuelle euacuation. Ce qui ne doibt estre trouué estrange, veu les preuues, & frequentes experiences, que nous en auons pour le jourdhuy: mesmes qu'au parauant que la vairolle Guidon ap-fust, Guidon de Cauliac pour la curation des pronue l'usa-viceres virulents a approuué l'vsage de l'argét gede l'argent vif, quand il conseille y appliquer vne lame de vif en vleere plob percée en diuers lieux, en laquelle la ver-virulent. tu de argent vif soit mise, & infuse: toutesfois.

si tu abhorrois tant l'vsage de l'argent vif, tu peulx tenter, & commencer auec autres remedes, comme aucc medicaments descriptz par Galien, Guidon, & autres par nous approuucz, & experimentez. Doncques oultre l'vsage

desdictes eaues, tu pourras y appliquer de la pouldre de mercure bien calcinée, & purifiée de la vapeur d'icelle (laquelle adherate au vais- Medicamets seau, auquel est faicte, se convertift en pouldre pour curer vl violete & caustique d'aucus appellee sublimé, qui rend l'autre vehemente, & douloureuse) & ou il ne s'en trouueroit d'autre, tu la peulx corriger (comme moy) en la lauant plusieurs fois auec eaue de vie, puis la calciner & seicher sur le feu, dont l'ensuyura, que par la tenuité de l'eaue, il se fera resolution dudict sublimé, & ainsi sera de plus tenue substance, & grad effect sans estre douloureuse, & aura grade puissance d'obtundre l'acrimonie & malice du venin,& de cuyre ou digerer l'humeur virulent & trop subtil, pour l'incrasser, espessir, esgaler, Signes de sa-& blanchir, qui sont les signes d'vne bone sa- nie louable. nie. Pareillemet est propre en telle chose Cadmia, & chalcitis (qui est espece de vitriol) lesquelz plusieurs fois lauez en bo vin clairet,& seichez au soleil bien chault, sont fort desiccatifz. Et si au lieu du vin, vous les lauez en forc vinaigre, Galien les approuue grademet à telz vlceres Chalcanthum (qui est attramentum suto-rium) Misi, sori, antimonium: aussi diphryges, lequel a quelque acrimonie: mais est excellent à telz vlceres. Et si tu veulx ofter leur acrimonie, tu les peulx brusser & lauer: lors seront plus pro-

pres à ceulx qui seront de rare texture, de sentiment exacte, en corps plethorique, ou cacochime: par ce qu'en tel cas l'acrimonie des medicaments peult inciter douleurs & fluxios recentes. Et ou lesdictz vlceres ne vouldront ceder à telz remedes methodiquement appliquez, il y aura doubte de la vairolle:mais ou auec iceulx le virus se voyra reprimé & rendu obtuz, lors pourra lon tendre à la desiccation auec pouldre de centaurium minus, thus, mastix, sarcocolla, aloe, myrrha, aristolochia, pompholyx, batitura fine scamma aris, er stomoma, scamma ferri,plumbum vstum,plumbi recrementum, as combustum, &c. lesquelz se pourront appliquer à part,ou meslez ensemble: & aussi en faire vnguent, en y adioustant ceram o oleum rosar. violar. myrtillor. absynthy, cydonior . chamameli, & semblables:mais ou ton intétion seroit de deterger, & ensemble regenerer quelque substance desperdue en telz vlceres, tu peulx y appliquer telz vnguents.

Medicamets desiccatifz.

Reterebin. Venet lota in aqua vini 3. y. pul. mafic.olibani an. z.i. ß. aloes, myrrha, aristolochia, an.

3.i.mellis rof. 3.i.fiat medicamentum.

Autre medicament plus desiccatif pour la mesme intention.

nis scisilis 3.iv. vel loco eius diphryges (lors mor-

195

dera moins) terra sigillata, aloes lota an. 3. ij. olei mastic. co cydonior. an. 3. ij. cera quod suffi. stat vnguentum. Oultre ces medicaments vous auez dispensez vnguents desiccatifz, comme album rasis, desiccatuum rub. sussi vnguent nommé dia pompholygos, lequel bien dispense est ville à telz viceres. Séblable raison de curer se doibt observer à telles especes d'viceres en toutes les autres parties du corps.

Aucunesfois les dictz vleeres sont sordides, Des vleeres & purulents, causez d'vn suc virié & corrom-sordides & pu, sanguins, pituiteux, ou participants de tous purides.

les deux : & sont auec inflammation à l'enuiron, & au dedans auec vne sorditie ou blancheur, comunement appellée chancre: le plus souvent auec dureté assez profonde, mesmement quand elles participent plus de pituite: & d'aurat qu'il y aura plus de ceste dureré, ilz seront plus malings, tardifz, & difficiles, à curer & en sera le prognostique plus doubteux: au moyen de quoy fault aduiser de les traicter prudemment, & auec discretion. Pour les choses vniuerselles fauldra tenir regime non subiect à putrefaction, & vser de medicamets purgatifz, doulx, & lenitifz. Et si pour la plenitude, ou attraction du venin la phleboromie se doibt faire, elle se fera des parties inferieures pour les raisons susdictes. Et pour les topiques & particuliers remedes, est souuerain des le co mencement (iaçoit ce qu'aucuns commencent aux choses les plus legiers, qui est aux choses qui donent le loysir) vser de medicaments, qui ayent faculté & puissance d'obtundre & repri mer le virus & venin: comme sont les eaues & pouldrés descriptes cy dessus. Semblable chose, & la mesme intention fera l'vnguent dict Egyptiacum commun: mais celuy sera de plus grand effect, qui sera faict de parties esgales: & encor plus fien la composition est adiousté arsenic, ou sublimé: pareillement alumen vstum messe esgalement cum puluere angelico faict vne escare, ou cruste incredible à celuy qui ne l'aura practiqué: pourueu toutesfois, que ce ne soit en corps de sentiment exacte, estant plethorique ou cacochime: car en tel cas lesdictz medi caments trop forts rendroyét l'vlcere plus sordide, en incirant fluxion plus copieuse. Pour ceste cause, fauldra se contenter de medicaments moins violents, comme mel despumatum, aussi appliquer pul aloes, myrrhæ, I reos flor. aristolocia, viridis aris, aluminis scisilis, separéement ou plusieurs d'icelles ensemble, ou les messer auec le miel susdict, ou auec terebin. Venet. lauéc qui la vouldra moins derersiue & acre. Vous trouuez encor plusieurs autres vnguents preparez pour la mesme intention, comme deterfium de apio: aussi vnguent dict Apostolicum, ou vnguent d'aucuns dict mixtum, qui est faict du sus dict vnguent apostol. auec pareille quan tité de Ægyptiacum messez ensemble. Aussi

pourras mettre tel emplastre.

R. vitreoli 3. i. ß. aluminu scißilis, calcis viua, malicory, cortic. mali granati, an. 3. i. thur. gallar. immatur. an. 3. 10. seui vituli, vel loco eius axungia veteris porci 3. 8. olei veteris 3. 5. cera quod suffi. siat emplastrum secundum artem: ou si nous voulons le reduire en forme d'unguent, il fauldra moins y mettre de cire & plus d'huille.

Parcillement pourrez vser d'vn tel.

Re. sama aris & eruginis rasa an. 2. s. terebin. 3.

6. cera, quod suff. stat medicamentu, augmetant, ou diminuant pour les indicatios susdictes. Mais ou par le moyen des vlceres estans entre le prepuce & le balanu, succederoit vne tumeur telle qu'il ne sust possible descouurir la verge ny veoir les dicts vlceres, ou y appliquer les remedes predicts, en ce cas sera besoing au lieu des vnguets & emplastres susdicts, vser de cho ses liquides, comme cauës distillees, decoctios, collyres & semblables, desquels sera faict iniection auec siringue, ou autrement. Et serot siringue en les distorts remedes preparez pour la nature de la vlceres de la disposition: comme pour refrener, deterger, verge, regenerer, mollisser, resouldre, & semblable.

N iij

Pour refrener (ou besoing seroit) se fauldra aider des eauës & medicaments refrenants trai-Aez auec les intemperatures, & d'iceulx faire iniection: puis à l'enuiron vser de medicaments refrenants, comme est le suc des herbes susdictes, en y messant quelque peu de vinaigre, pareillement oxycrat (qui est mixtio d'eau & de vinaigre) vng. nutritum : aussi celuy qui Sera faict ex bolo Armenia, terra sigillata, sanguine draconis, caphura, fort agité auec huille & vinaigre à la consistence de miel. S'il fault vser de detersion, nous pourrons auec les eauës precedentes, ou lexiues faictes ex cineribus sarmenterum, quercus, vlmi, & semblables, ou decoctions auec herbes detersiues, comme est plantago, solanum, eupatorium, absynthium, apium, chelydonium, & semblables, messer quelque peu de sirupus rosaceus de absynthio ou mel ros. aussi alumen, vitriolum, as viride, ou y dissouldre vnguentum Ægyptiacum, qui en ce cas est fort propre. Aussi pour plus vehementement dererger on pourra y mester Trochiscos Polyide, Muse, Pasionis, andronis, plus forts sont Trochisci Asphodelorum & aldaron: mais pour leur violence fauldroit regarder d'en vser auec grade discretió: parquoy pour plus grande seureté, vous vserez du collyre suyuat, lequel infailliblement ostera toute corruption & malice, aussi detergera,

199

& deseichera lesdicts viceres.

R. vini albi lib. i. aquar. ros. & plantag. an. Collyre deter quar.i.auripio.3.4. virid. æris.3.i. aloes, myrrhæ, an. sif & desicforup.y.terantur subtilißime, & fiat collyrium : le-catif. quel deura estre moins fort es corps de rare texture & exacte sentiment. Et ou lesdicts vlceres par negligence, ou par les trop irriter (ce que souvent aduient par l'ignorance des empiriques) seroient tellemet empirez, qu'ils degenerassent en gangrene, lors les choses vni-uerselles premises, comme le bon regime, de-gagrene sur-clinant à froidure & tenuité, vsage de cliste-uenant aux res, phlebotomie, & semblables, soit le lieu sca viceres de la rifié d'incisions assez prosondes, afin de eua-verge. cuer le sang gros & corrompu, qui faict obstructions, & empesche les esprits d'y reluire: & soit extirpé tout ce qu'on voira estre syderé(que nous appellons communement esthiomené) Ce faict, fauldra vser de remedes, qui avent puissance d'hebeter, & empescher la pu trefaction, comme est lotion d'eauë marine (ou en son lieu) d'eauë salee, ou pourrez mesler de l'aloe, myrrha, aristolochia vtraque. Par le dessus on appliquera medicament compole ex oxymelite, cui subigantur farina hordei, fabarum, orobi, & lupinorum cum pul. prædictis. en forme de bouillie. Et pour arrester la gangtene entre les autres remedes forts & valides, est

souverain l'unguent appellé Ægyptiac, fait de parties egales, ou pour le fortifier on peult adiouster chalcitim, arcenicum, sublimatum, auripigmentu, & semblables, qui sera mis & inseré aux scarifications susdictes: car par sa chaleur &tenuité, il a faculté d'inciser, attenuer, & cosommer la viscosité, crassitude, & grande abondance des humeurs, cause d'icelle. Mais en l'ap plication de tels remedes il fault diligemment se donner de garde quad ladite gangrene sera arrestee : pource que quelques vns apres l'vsage de tels vnguents, voyants à l'enuiron desdictsvlceres quelque rougeur, pensant que cela procede encor de la gangrene,&non de l'action du medicament chauld & acre, en quoy sont deceuz: & non seulement ils affligent les patients, mais aussi souvent irritent la partie, & incitent violentes & extremes fluxions qui augmentent le mal premier, comme maintes. fois nous auons veu par experience.

Des bubons Veneriens communement appellez poulains.

A Veunesfois le venin susdict estant plus co pieux employe tous ses efforts pour faire succober le foye, & autres parties nobles:mais nature forte l'expelle à ses emonctoires, d'où surviennent bubons Veneriques, autrement dicts poulains: la plus part desquels sont engédrez d'humeurs froids, cras, espez, lents, & visqueux, comme il appert par vne tumeur dure, Differeces de blanche, & de petite douleur: mais en recompense sont logs & tardifs à curer. Il y en a d'autres participans d'vn humeur chauld, souuent bilieux, & acre: lesquels s'esleuans moins en tumeur sont auec grade inflammation, & douleur plus extreme, & souuét degenerent en vlceres virulents & corrolifs: aucuns d'eux (come nous auons predict des vlceres) sont symptomes precedens icelle maladie, come ceux qui se cachent, & retournent aux parties internes: les autres ne sont symptomes d'icelle, mais sont maladies à part, qui se peuuet curer sans consecution d'icelle, comme iournellement il appert. Et pource, qu'estans comparez aux autres, ils se peuuent appeller simples, & non compliquez : aussi qu'ils sont plus frequents, nous commencerons à descrire nostre curation par iceux. Quand donc lon vouldra Regime pour curer tels absces, pour les choses vniuerselles les poulains. on doibt ordonner vn regime mediocre non suyuant l'opinion d'aucuns qui approuuent l'vsage des ails, oignons, choses salees, espissees, & toutes autres telles viandes en grande quantité: faire exercice immoderé, & autres

tels excez, afin, comme ils disent, de stimuler nature à plus-tost manifester, & pousser hors lesdicts bubons:ce qui est tout au contraire de bien, attendu que nature ia est affligee par les assaults dudict virus, & par tels exces sera diuerrie & prohibee d'agir contre iceluy, & occupee à la concoction, & rectification d'iceux exces, qui sera cause de la matter, & faire tumber dessoubs le faix, qui est contre le commun dire, Qu'il ne fault point molester vn affligé: & contre l'opinion d'Hippocrat en ses aphorismes, où il dict, Quand la maladie est en sa vigueur,il fault vser d'vn regime fort tenu. Auf si se voit iournellement par experience que où lesdicts bubons seront tardifs, rebelles, & refistans aux remedes, nature aydee d'vn regime mediocre, & de quelque lenitif, & doulx medicament purgatif, seulement purgeant les premieres veines, l'employe, & faict ses efforts chassant, & enuoyant plus aisément ledict venin aux emonctoires, & n'en succombe pas si tost. Quant aux topiques, & particuliers, ia-Curatio par- çoit ce que selon Galien, Guidon, & autres en la curation de toutes tumeurs, contre nature, la voye par resolution est la meilleure, & plus eligible: si est ce que ie trouuerois bon (attendu la difficulté) qu'on suyuist la voye de suppuration, tant pour la rebellion de l'humeur

ticuliere des bubons Veneriens.

virulent, qu'à cause de l'imperice de plusieurs en l'vsage d'iceux : car bien souuent ils sont qu'vne partie se resoult, & l'autre irritee demoure au dedans, & retournant aux parties nobles, les surmonte, & cause la vairolle, comme maintes fois on a veu par experience. Et Les repercus-d'auantage en tel cas l'vsage des repercussifs sifs ne couien n'a point de lieu suyuant tous autheurs. Pour nent aux pou ceste cause au commencement soient appli-lains. quez medicamens attractifs, pour la nature de l'humeur, c'est asçauoir plus chaulx es tumeurs ædematiques, ou scirrheuses, qu'es sanguines, ou bilieuses: neantmoins il fault tousiours commencer aux choses les plus legeres tant à raison que tous mouuements subits, & violents sont molestes, & dangereux à nature, que pour autat qu'il se pourroit faire vne trop violente attraction: soinct que pour la tenuité des attractifs, il se pourroit faire euaporation d'une partie, & l'autre irritee, & inobediente ne vouldroit ceder aux remedes, ainsi que souuent aduient. Doncques fault noter qu'auec les attractifs, sera tresville messer medicaments ayants substance emplastique, afin que opilant les pores ne se resolue l'humeur attiré, qui sera cause de suppuration, comme si le corps est delicat, tu feras vn medicament ex oleo anethino, hyperici, vulpino, plus forts, ex

204

Medicament attractifpour les poulains.

oleo de costo, castoreo, de tartaro, petroleo, de spica, laurino, de nuce Indica, que tu messeras auec cire, axunge, herbes, & racines de substance emplastique, & mucilagineuse, comme capita liliorum
alborum, radicis althea, sigilli beata Maria, bryonia,
cucumeris asinini, herba maluarum, bismal. viol. parietar. sem. lini, o fænigraci. Ou si tu veulx plus
forts, auec iceux pourras messer gommes, com
me galbanum, ammoniacum, bdellium, oppopanax.
Aussi peulx y messer fermentum, stercus columbinum, caseum vetus, & semblables: & d'iceux faire plusicurs compositions.

Aussi auez l'emplastre diachylon magnum Mesué, auec lequel si voulez, pouuez de rechef y adiouster des gommes predictes, comme,

Re. diachylonis magni partes duas, gummi partem vnam, plus ou moins: qui seront fonduz ensemble.

Pareillemet pourras faire applicatió de ventouse, sans scarification sur la partie, pource qu'elle a grande puissance d'attirer, pourueu qu'apres y soit mis vn medicament emplastique toutessois l'vsage d'iceux doibt estre pour la nature de l'humeur, la disposition du corps, & autres semblables considerations, comme du temps, & disposition de l'air ambient. Pour exemple, si l'humeur est froid, gros, & lent en vn corps robuste, & que l'air exterieur soit de

constitution froide, les medicaments doyuent estre plus valides, & forts: mais ou l'humeur se roit chault, & bilieux en vn corps rare, & delicat, & en temps chault, tant moins les medicaments serot forts, & plus emplastiques: car autremeut ce seroit adiouster du bois au feu, & au lieu de preparer l'humeur à concoction, l'in flammer. Semblable chose sera des supuratifz: car en matieres chauldes, bilieuses, & acres les medicaments doyuent estre moins chaulx, no pour intention de repousser, mais à fin d'obtudre,& reprimer ceste grande furie, & qu'elle ne degenere en herpes exedat, quelquesfois ser pant, & ambulant par toute l'emonctoires, & parties circumiacentes, à quoy sera propte le medicament qui l'ensuyt.

Be.mucilag.fe.altheæ,lini,pslly,& tragacanthæ, Medicamës extractæ in aqua bismal.3.iiy.medullæ pomorum co-suppuratif Etoru 3.y.foliorumal.& viol an.M.i.cocta in aqua, doulx. probe teratur, quibus misceantur farina tritrici 3.iy. olei violati, butyri sine sale an. 3. 4. vitel. duorum ouorum coctorum fiat cataplasma. Mais si la matiere estoit mixte, & meslée, c'est à sçauoir l'humeur froid, & cras auec ledict humeur chault, & tenu, il fauldra lors que le medicament soit

plus chault, comme cestuy.

Re. radic. althea, & liliorum an. 3. y. foliorum Suparatif mal.bismal. viol. parietaria, senetionis, sub prunis mediocre.

coltorum an M. i. coquantur, & terantur adielta axungia porci & butyri sine sale, an. 3. y. oleorum liliorum, & viol an. 3. i. s. cum pul se. lini. 3. i. witellis duorum ouorum coltorum: formetur cataplasma.

Es matieres moins chauldes, & plus difficiles à suppurer, on pourra vser de medicaments

plus valides, & forts, comme cestuy cy,

Suppuratif fort.

Re radic liliorum alborum, althea, cyclaminis, co lapathi. an. 3. i. S. fol. mal. viol. co lapathi, an. M. i ficus pingues si cas numero sex, coquantur in brodio extremitatum arietis: colatura adde oleorum lily, co anethi, an. §. y. axungia porci 3. iy. farina sem. lini, co fænigraci, an. 3. i. fermenti 3. y. formetur cataplasma.

Et de la decoction soit saicte somentation pour eschausser, preparer, & cuire l'humeur. Et ou l'humeur sera froid, cras, peu douloureux, & rebelle aux remedes, lors sauldra venir aux

plus forts, comme est le suyuant.

Suppuratif tresfort. Riradic. bryonia, lapathi, cyclaminis, of sigilli beata Maria. an. 3. ij caparum, or alliorum sub prunis coctorum, an. 3. ij. coquantur, or conterantur addendo axungia porci. 3. iij. axungia anseris, or gallina, an. 3. i. gummi ammoniaci, bdellij, or galbani dissolut. in aceto, an. 3. s. olcorum anethi, or liliorum, an. 3 i. s. fermenti acerrimi. 3. ij. sarina sem. lini, or fænigraci, an. 3. i. æsippi humi-

da 3. B. fiat cataplasma.

- On pourra vser de telz remedes iusques à la concoction, & suppuration de l'humeur: Aussi ne sera impertinent, lors qu'on tendra à la maturation, mettre par dessoubz le cataplasme vn petit emplastre counert d'vnguent dict basilicum, qui est de grand essect . La suppuration, ou maturation faicte pour l'yssue du pus conioinet, & contenu en la partie fauldra Trois manie-venir à l'ouverture: laquelle se peult faire en les bubons. trois sortes: la premie est auec la lancette, ou autre chose incissue : la seconde le cautere a-Auel (qui est fer principalement actuellement igné) la tierce sera le cautere potétiel : lesquelles trois manieres d'ouverture sont tresutiles à la curation desdict bubons, & de toutes tumeurs contre nature selon diverse consideration:car si par quelque negligence, ou autrement au lieu de suppuration se trouuoit putrefaction:ou si l'humeur chault, acre, & bilieux au lieu de suppurer, ambule, corrode,& gaigne pais, lors le cautere actuel par sa sicci- L'osage du té (roborant la partie) contrarie, & empesche cautereactuel ladicte putrefaction, ou ambulation: & pareillement consomme par sa chaleur, & siccité ladicte virulence, & acrimonie, rendant l'humeur plus mediocre, bening, & obeissant:

Toutesfois il est icy moins en vlage, qu'au pais de Prouence, & Languedoc, ou i'ay veu les peres, & meres faire ouurir à leurs enfans vn bié petit aposteme auec le dict cautere actuel . Le des cauteres cautere potétiel, qu'on appelle communemét ruptoire seruira grandemet ou lesdictz bubos seront creez d'humeur froid, & mal aisé à faire supurer: car par leur chaleur ilz ayderot la cocoction desdict humeurs. Et la longue douleur sera cause que nature, au lieu de reuoquer ledict venin aux parties internes, en enuoyera de rechef à ladicte partie. Et d'auantage apres l'application desdictz cauteres, il y demeure telle ouuerture qu'aisement se peult faire eduction du pus, & humeur contenu: & si ne se font gueres de finus, ou cauitez: Mais celle qui Apertio fai le faict par apertion auec choses incisiues, aura lieu on les choses susdictes seront moyennes entre les deux extremitez, & pour le iourdhuy elle est la plus practiquée de toutes, pour la timidité de plusieurs personnes de ce pais, ausquelz il fault l'accomoder. Mais oultre qu'elle se doit faire selon la rectitude des filamens, qui est aux aynes, selon Galien au treziesme de sa methode, il fault le plus tost qu'il sera possible faire eduction dudict venin, sans attendre que vne partie du pus ia commencé side (comme il se peult faire aux autres apostemes) à la

incifiue.

Vtilitez.

potentielz.

concoction de l'autre: car souvent i'ay veu cobien qu'il y eust humeur contenu & apparent par quelque douleur pongitiue, & lancinante plus que de coustume (ce qui aduient en la generation du pus) mesmes en les sondant auec le doigt, qui est le signe infallible: toutes sois cest humeur se cachoit, & retournoit au de Exeple d'un dans. Ce que ie practiquay encor ces iours pas bubon Venesez en vn homme de qualité, qui auoit vn bu rien retiré au bon en l'ayne: pour la curation duquel, quel dedans. qu'vn luy feist prendre vne medecine forte auec phlebotomie du bras, ce qu'ayant entendu ie luy appliquay medicaments attractifz pour la retraction du virus, & matiere veneneuse: de sorte qu'auec ces remedes s'apparust vne tumeur ample, & assez grade auec generation du pus ou matiere, comme apparoyssoit par les signes : Toutesfois il disparust & selvanouit en peu de temps, quoy voyant ie le feis purger doulcement par le conseil du medecin, & vser de nostre eaue philosophique roborative des parries nobles, auec bon regime: au moyen dequoy aduint qu'au temps qu'elle se diminua en l'ayne, il s'apparust vne tumeur en l'emonctoire du cueur soubz l'aisselle de la parrie mesme, & par c'est endroict suppura, qui fut cause qu'il eschappa de la vairolle. Ce sera donques le plus seur de ne dif-

doibt estre differée.

L'ouverture ferer l'ouverture, veu mesmes que de ladicte des bubos ne sanie, continuellement sourdent & s'essieuent vapeurs de la mesme nature d'icelle:lesquelles peuuent nuyre à tout le corps, voir introduire vne tresmauuaise habitude en la partie, dont fouuent sont engendrez vlceres cacoethz, & difficiles à curer. L'ouverture faicte, seront reduictz soubz la nature & curation des viceres susdictz, excepté qu'apres l'vsage des cauteres sera procuré la cheute de l'escare, auec beurre, axunge, vnguent dict basilicum digestif, faict de moyeuf d'œuf, auec huille rosart, ou sembla ble chose suppurative & vnctueuse, puis on poursuyura la curation des viceres, sans reprimer aucunement, mais plustost attirer doulcement le venin caché au profond. En la fin de la curation ne fault oublier vne chose, c'est que le patient soit purgé, pour l'habitude du corps, & nature des humeurs, ainsi gu'il sera aduisé par le prudent medecin, afin qu'il ne demeure aucune virulence, ou impression d'icelle. Mais ou les susdictz bubons apres s'estre monstrez, viendront à disparoistre & retourner au dedans: ou demourants ne vouldroyent ceder aux remedes, & suppurer: ou suppurants euacueroyent peu de matiere, restant à l'enuiron grande tumeur & dureté : quelquefois vlceres virulents, corrodents, ou for-

dides, qui en peu de temps se rendroyent bordez auec labies dures, & renuersées resistants à tous remedes communs:cela est vn signe bié apparent de la vairolle. Toutesfois pour vn seul tesmoing il ne fault iuger vn homme à mort. Pource en tel cas est tresnecessaire vser de purgations fortes, & puissantes aussi de bon regime auec decoction de gaiac: mais il sera encor meilleur vser de nostre eaue philosophi que auec epithemes theriacaulx, & roboratifz, fur la region du cueur,& foye, afin qu'estants les parties nobles roborées elles puissent faire expulsion du venin estants en mouuement, & n'ayants encor vaincu ny faict succomber les parties nobles.

De l'ardeur d'vrine autrement appellée pisse chaulde.

L'Ardeur d'vrine communement appellée pisse chaulde est inflammation des prostates & parties circumiacentes. Et est differente d'auec Gonorthée, Priapisme, & satyrialis: parce que Gonorrhée, selon Galien au sixiesme de entre ardeur locis affectis, est involuntaire emissio de sper-norrhée, Pri me, toutesfois sans putrefaction, & vlceres: apisme, & Sa Priapisme est seulement immoderée & conti-tyriass.

Difference

nuelle erection de la verge sans appetit libidineux, suyuat Galie au mesme passage, & au 14. de la metho: Et satyriasis est erectio de verge auec appetit d'habiter: toutes fois l'ardeur d'vrine a quelque chose de commu auec les deux premieres, entant qu'il y a immo derée & violente extension de la verge auec spasme ou cotraction particuliere du nerf concaue: pareillement emission non seulemet comme en gonorrhée, mais aussi de sanie & humeurs putrefiez auec vne virulence,& puanteur.

Differences rine.

D'icelle y a trois especes, dont la premiere d'ardeur d'v se faict par repletio, comme il aduient à ceulx qui (ayant plenitude ausdictes parties) cheuau chent principalemet bestes qui vont dur: lors

Premiere ef- pour autant mesmes que tout mouuent est expece anec ses calfactif, la succussió d'iceluy inflammera lescauses.

dictes parties : laquelle attendu la repletion, causera ladicte affection. Autant en pourra aduenir si le soleil en son ardeur frappe longuement sur telles parties: voyre quelquefois p l'vsage de la biere, & autres telles choses va poreuses, crasses, & visqueuses, lesquelles opilent,& font obstruction:dont s'ensuyt inflammation desdictes parries, lesquelles dolentes, imbecilles, & eschauffées, attirent, & reçoyuét non seulement la semence, mais aussi les humeurs des parties prochaînes, lesquelles se pu-

trifient, & fluent continuellement par la verge. Il peult aduenir aussi quelquessois, que la grande abondance engendrera absces ausdictes parties, comme (entre autres) apparust à vn ieune estudiant, duquel ie feis dissection, presens aucuns de messieurs les docteurs en la faculté de medecine, auquel par vne grande plenitude estoit creé vn absces qui auoit putrefié vne bonne partie des prostates, parastates, & autres parties circoniacentes, sans apparence exterieure. Es autres elle se manifeste aux parties externes, & souuent se vlcere au perineum. Et tels sont subiects à souuent recidiuer auec grands accidents : comme inflammation grande, douleurs intollerables, suppression d'vrine, & semblables. Elle peult aus. si souuent degenerer en inflammation d'vne partie du scrotum auec vehemente douleur,& en ceux là ie l'ay veu maintesfois par vne negligence venir en absces, & suppurer, lesquels toutesfois souuent se repriment & resoluent. En ceste espece l'erection de la verge, ny la cuisson en vrinant n'est fort douloureuse, par ce que peu souvent sont engendrez vlceres en la voïe de l'vrine, ioin ct qu'aucun coït ou cohabitation n'a precedé.

La deuxiesme se faict par inanition, comme ce, cor les causil aduient à plusieurs excessifs, & immoderez ses d'icelle.

en la compagnie de leurs femmes bien nettes. lesquels par leur intemperance, & trop frequent, & violent coit, sont cause qu'il se faict vne inflammation esdictes parties:par mesme raison se faict attraction d'humeurs & semence, lesquels attirez & receuz sont corrompuz par la chaleur estrange, dont s'en ensuyuent les mesmes accidents, & en aucuns pour telle cause sort semence sanguinolente à demy elaboree seulement: & es autres le vray & pur sang, dont quelquessois est ensuyuy la

rolle.

La troissesme La troissesme se faict par vn virus ou vene-espece, laquel neux esprit, lequel infecte telles parties, & adle peult estre uient à ceux qui ont compagnie de femme accident pre- immunde. Et ceste seule entre les trois est accident de ceste maladie: dont pour la malice de ladicte virulence qui a imbu & infecté telles parties les symptomes en sont aussi plus vehements, comme douleurs & cuissons en vrinant, à cause de l'acrimonie de l'hûmeur suldict, qui faict erosion & viceres, specialement enuiron les prostates,& pres le balanum ou gland tant pour raison de la sympathie & consentement des parties, qu'aussi pource que là principalemet est retenu l'humeur: au moyen dequoy passant l'vrine acre par dessus lesdicts vlceres, les mordique, corrode, & cause

les douleurs susdictes : aussi en l'erection de la verge se faict contraction, & comme spasme particulier, prouenant d'vn esprit vaporeux, ou flatueux, lequel remplist le nerf cauerneux, par laquelle repletion est accourcy. Et d'icelle espece souuent est engendree la vairolle, parce que plusieurs (cause de leur malheur) negligent & laissent longuement couler & durer ladicte ardeur d'vrine ou pisse chaulde, pensants par ce moyen se purger, & euacuer ladicte matiere, & ainsi se garetir de la vairolle, ou autres accidents : sans considerer que la virulence susdicte augmente continuellement, & gagne pais maintesfois iusques aux parties nobles, lesquelles souvent seront contrainctes de succomber:comme (par mesme raison que refere Galien en son troisiesme liure de locis affect. capite de morbo comitiali) il aduient en la morsure de phalangium (qui est vne espece venin gagne d'araignee) Aussi de turtur marina (qui est vne les parties no truite marine) & de l'escorpion : Car qui croi-bles. roit (dict il) que tout le corps peust estre ainsi vehementement affecté par telle morsure, qui ne le verroit souventesfois aduenir? arrendu mesmes la petire quantité de ce qu'elles mettent dedans le corps, qui toutesfois est de si grand pouuoir & faculté? Qu'ainsi soit ceste petite araignee ne peult poindre, fors la

superficie du cuir, & neantmoins elle peult communiquer sa virulence à toutes les parties du corps, qui ont continuité auec luy. Semblable chose fera la vapeur de la semence, & humeurs corrompuz aux vaisseaux par iceluy: par mesme raison, comme par l'eleuation des vapeurs vitieux, & d'vn sperme corrompu es hommes, & femmes chastes, ou des humeurs esleuez des poulmos, de l'estomach, des reins, vescie, pieds ou mains, & autres parties, le cueur & le cerueau sont affectez, come appert es syncopes & epilepsies. Et pource,il est necessaire de promptement y doner ordre, pource que par faulte d'y pouruoir souuentesfois l'en ensuit la vairolle. La curation d'icelles est autourd'huy de plusieurs mal entendue. Et comme seroit il possible ignorant la maladie auoir cognoissance, & ordonner du remede? Il n'y a celuy qui ne sçaiche bien que celle qui est faicte par inanitio veult autremet estre curec q celle qui est faicte par repletion : & ainsi de l'autre. Pour les choses vniuerselles il fault que tant qu'il sera possible l'air & son regime soient téperez, & la maniere de viure estroicte (sinon qu'elle fust cause d'inanition) tendante à froidure, & siccité au commencement, & en la fin à chaleur & siccité mediocre: ou toutes choses flatueuses, salees & espisses

La maniere de viure en ardeur d'vrine.

217

seront euitees. Le vin soit debile, oligophore, & peu soustenant d'eau, & soit le plus trempé que possible sera, & qu'on se garde de beaucoup boire. L'exercice soit petit, fors des parties superieures. Le dormir soit mediocre, & f'abstienne de dormir sur iour, & sur les reins: ne couche sur lict de plume, mais sur matelas, ou par default d'iceluy, mettevne peau de mar roquin dessoubs les reins. Et fuye toutes grandes affections d'esprit:pareillement le coit, excepté en celle qui est causee de repletion, ou il doibt estre non violent. Le corps soit purgé pour la nature de l'humeur excedant, auec frequent vsage de clisteres, & y ait section de la veine, l'il y a plenitude, aussi qu'elle ne procede d'inanition. Pareillement vse d'apozemes, & emulsions froides au commencement, mais Curation en de tenue substance, diaphoretiques, & aperiti- ardeur d'vues : en quoy se fauldra conduire par l'aduis de repletion, du prudent medecin. Pour les topiques, & particuliers au commencement soit faict inie- Iniections. ction ex decocto hordei, plantaginis, solani, er rosarum, ou en hyuer de leurs eauës, en y adioustant (l'il y a grand' chaleur) petite portion de camphre: ou faire mucilagines ex scm. psyllij, mal-plantag.cydoniorum, extractas in aquis : aut decoctionibus prædictis: lesquelles pour leur viscosité leniront les parties affectees, & empesche-

ront l'actimonie desdictes matieres flueres. Et sera faicte iniection auec siringue ayant la can nule longue, & en forme d'vne algarie, laquelle, l'il est possible, sera conduicte iusques pres des prostates: sinon fauldra faire coucher le patient lors que ladicte iniection se fera, & par ce moyen seront les prostates en situation decliue. Par le dehors fauldra appliquer sur la region des reins emplastres refrigerants, comme ceratum Galeni infrig. & camphré, qui le vouldra plus froid: unquentum comitisé, ou ceratum sandalinum, ou oxycratum faict ex aqua rosarum, plantaginis, nymphea, & semblables cum aceto in forma potabili. Pareillement fauldra en appliquer sur le perineum, & les parties circoniacentes, euitant la partie anterieure pour ne refrigerer la vescie, n'estoit qu'elle participast de l'inflammation. Apres que la veheméce sera diminuee, ladicte iniection se fera auec choses detersiues, comme hydromel aquosum fait ex decocto rad althex, hordei, fol mal. plantag. solani, centauri, en y adioustant petite quantité de sirup. viol. rosar. aut parum de absynthio fauldra faire mucilagines mixtas ex sem. psilij, la-

tuca, papauer. albi, lini, & fænigræci, extractas in Ius, decoctios, aquis prædictis, en y adioustant aussi sirup. iam diouenus pour Hos. Pour la desiccation soit vsé de ius. de-

ou eaues pour Hos. Pour la desiccation soit vsé de ius, dela desiccatio, coctions, ou eaues ex plantagine (entre les es-

Medicamens sopiques. peces duquel i'ay trouué grand effect en cyno glossum, qui est langue de chien) solano, bursa pasto. polygono, rosis: mais leurs ius se doyuent depurer, & nettoyer de leur terrestrité au soleil (si possible est) ou au feu lent, & doulx, de paour d'vne empyreume, ou violence ignee, qui n'est iamais sans acrimonie. On y peult auf hadiouster trochifcos albos Rhasis de terra sigillata vera de carabe, aussi du pompholix vera lota, aloe lota. Pareillement on y peult faire iniection d'eau alumineuse, debile, & semblable.

Si la cause vient d'inanition, le regime ne se_ Curation en ra si estroit, mais tendant à froidure, & humine prouenant
dité suyuant les choses escrites au regime pred'inanition. dict. Et fauldra delaisser les medecines, & section de veine (sile corps n'est replet, ou cacochyme) mais fauldra vser de clisteres refrigerans, & humectans: lesquels auec ce qu'ils corrigeront l'intemperie, ils feront diuersion, & empescheront les humeurs de fluer à la partie patiente, & inflammee. Aussi est proprè en ce cas l'vsage des emulsions refrigerantes, & humectantes, faictes auec semences froides,& semblables : aussi orges mondez, ou on pourroit adiouster desdictes semences froides, sont fort vtiles pour vser le matin à ieun : pareillemet sirops de guimaulues, & semblables, pour lesquels auras recours au docte medecin.

Pour les topiques les iniectios seror plus hume Iniectionsre- ctates, come faictes ex mucilag. [e. lactuca,p[ylly], frigerates, or cydonioru, cucumeris, papauer albi, hyoscyami albi, humettantes. extractis in aguis frigidis, or humidis, comme (outre les predictes) in aqua nymphea, semperuini, portulaca, & semblables. La detersion, & cicatrisation se fera auec les collyres susdicts, sans laisser derriere les emplastres, vnguents, & liniméts caphurez aux parties des reins, & tout le perineum selon l'intention que lon aura de plus, ou moins refrigerer, & humecter.

Curatio d'ar deur d'vrine coit veneneux.

La troisiesme differe auec les deux premieres, par ce que (outre l'inflammation commune) prouenant de elle a vn propre, & mesme virulence, dont est engendree la vairolle: lequel toutesfois peultestre en si perite quantité que nature forte le peult cosommer d'elle mesme. Aussi quelques fois est de telle malice qu'outre la vairolle qui souvent s'en ensuyt, les symptomes d'icelle sont plus grands qu'es autres especes, & tels que bien souuer y demoure quelque chose latente & cachee, comme vlceres diuturnes, & malings, ou maintesfois surviennent sarcomes, ou carnolitez, qui empeschent tellemet le meat, ou conduit de la verge qu'il s'en ensuit difficulté, aucunes fois suppression d'vrine, dot nous parlerons cy apres. Pour la curation faul-

Maniere de wiure.

dra ordonner le regime prudemment pour le

regard de l'habitude du corps, euitant les fortes purgations, & phlebotomies du bras, pour n'empescher nature en ses actios, & reuoquer le virus vers les parties nobles. L'vsage de la decoction de gaiac est entre autres souverain aide: car oultre ce qu'estant preparée pour la disposition, & nature du patiet, elle aide à l'euacuation voiuerselle, elle a encor ie ne sçay quoy de propre cotre ledict venin. Aussi terebinthina Vener. y seruira beaucoup estant lauée in aqua scab iosa, buglossi, cychorei, vel boraginis, auec rheubarbe, ou y auroit plenitude : elle se pourra prendre auec huille d'amendé doulce nouuellement exprimée, laquelle est lenitiue. La rheubarbe fera eduction de quelque humeur, qui pour l'inflammation de la partie y seroit deflué. Et la terebinthine, qui est dediée. & a regard ausdictes parties, oultre que par la tenuité de sa substance elle a vertu diaphoretique,& detersiue, elle seruira de conduicte,& ouvrira le chemin à ladicte rheubarbe.

Pour les topiques lon n'vsera des choses fort Medicamess refrenantes & froides, à fin de ne reprimer, & sopiques. pousser le virus aux parties nobles, & par ce moyen les infecter: mais, comme nous auons dict parlants des vlceres de la verge, fauldra plus tost obtondre, & hebeter la malice auec medicaments alexipharmaques, & propres,

comme entre autres est l'eaue suyuante, de la quelle il fault faire iniection auec siringue.

Iniection contrariante à venin.

R. bugloß. borag. scabio. card. bened. rosar. an. M. i.rasura medulla ligni sancti gummosi, viginti-quatuer horarum spatio macerata in decoctione herbarum pradictarum, or tantillum cocta 3. i. theriaca Galeni 3. ij. hydrargyri extincti in saliua hominis ieiuni, or bene habiti, cum theriaca dissol, 3. ij. pon.antur in vase vitreo, or distillentur in balneo Maria, or vsui reseruetur. Si le temps est incommode, vous pourrez au lieu des herbes prendre les eaues d'icelles.

Et si pour l'habitude, ou sentiment du patient l'iniection precedente causoit douleur, ou chaleur, on pourra pour le commencement vser de telz mucilagespour obtondre la vehemence, & ardeur.

Mucilage re frigerant.

e 19. mucilag sem.mal. lactu.psylly, cydonior. & lini extracta in aquis bisma. & rosarum. Z.iiy. lest-dictes mucilages soyent tirées lentement sur cendres chauldes pour n'acquerir vne empy-

reume, ou chose ignée.

Si les temperatures estoyent froides, i'ay appliqué au perineum emplastre de Vigo: si elles estoyent chauldes, & bilicuses, ie l'ay temperé auec ceratum sandalinum pour empescher l'instammation. Et pource que par vne sympathie, ou consentement les reins souuent se inflamment. Et pour empescher que le virus

motast aux parties nobles, i'ay appliqué sur la region des reins ceratu Galeni infrig . ou semblable:pareillement oxyrhodinum faict ex oleo rosa.nymphea,cydoniorum,aut myrtil.cum aceto. Apres donc qu'on aura vsé trois, quatre, ou cinq iours, de l'iniection susdicte, & obtondu la vehemence du venin, il fauldra venir aux inie-deterfue. ctions detersiues, comme l'eaue distillée precedente, en y adioustant tantillum sirupi, rosa. mell.ros.aut de absynthio, & continuer l'embrocation des liniments, tant sur la region des reins, que sur le perineum : puis consecutiuement fauldra venir aux remedes desiccatifz,& cicatrisatifz descriptz en la premiere espece. A telles iniections i'ay plus trouué d'efficace que à nul autre remede, & ay maintesfois veu par experience qu'elles faisoyent cesser tous accidents presents, & aduenir. Et au contraire par negligence, pour autant que la partie est inflammée, & dolente, debile, pres des parties excrementeuses, & en lieu declinant, les humeurs, & superfluitez y sont enuoyées, & attirées, de sorte que les reins en sont maintesfois affectez: à aucuns perpetuellement, aux autres suruienent les susdictes carnositez, qui grandement les affligent, & molestent, come iournellement nous voyons, & practiquons en

Inieftian

voye de l'vri ne ne sont inourables.

les iusques à present a esté estimée impossible Les carnosi-faulte d'invention, & de bon iugement, en ce que de soy elles ne sont incurables, seulement y a difficulté pour l'immission des remedes: car pource qu'ilz doyuent estre catheretiques, & erodents, pour la consumption d'icelles, & que les parties prochaines sont d'aussi grand sentimet, il se fault bien garder d'en vser: mais au lieu d'iceulx fauldra f'enquerir quelz medicaments ont faculté de consumer ces carnositez sans erosion des autres parties: parquoy pour nostre deuoir ie ne veulx tenir caché ce que par methode & raison nous auons practiqué aucc heureuse yssue. Fault donc premierement considerer si telles carnositez sont recetes, ou inueterées: car estat inueterées elles seront plus endurcies, & quelquesfois cicatrisées: qui gardera que les medicaments ne puil-

plusieurs, voire gens d'estat. La curation d'icel-

Curation des earnositez.

Inication

molliente.

ne s'excite fluxio nouuelle: puis il seta besoing les emollir interieurement auec iniections e-- mollientes, come celles qui sont faictes ex rad. althea, foliorum mal. bismal. senecionis, viol. pariet. mercurial. & semblables : & sera ladicte decoction faicte lentement, & doulcement en eaue.

sent si facilement operer. Et pour la curation fault premieremet preparer le corps, de paour que par l'admotion des medicaments chaulx

Exterieurement fauldra faire fométation auec semblable decoction, en y adioustant ficus pingues, se.lini, fænigræci, cum tantillo squillæ, aut asphodeli, afin que par leur tenuité de substance ilz soyent conducteurs des autres : ou au lieu de ladicte fomentation faire semicupium, qui Semicupium. est vn vaisseau de bois, ou erain, dedans lequel on baignera lesdictes parties seulemet à l'issue duquel, fauldra faire embrocation en toute la Embrocatio partie de ce liniment faict ex axungis, medullis, o oleis emollientibus pradictis. Et ou on le vouldroit plus fort, on y pourra adiouster gommes emollientes, comme Gummi ammoniacum, bdellium, oppopanax, Galbanu, & semblables. L'embrocatió faicte, on pourra y mettre emplastre emollient:entre autres celuy de Vigo y est excellent, ou de Philagria, & cotinuera cecy insques à l'emollition desdictes carnositez, afin de les reduire à la raison & qualité des recentes. Et alors vous ferez iniectio auec ceste eaue distillée.

B. rad. althea, fæniculi an 3. i. folior graminis, apy, pour la con-or ab Gnthy, an. M. B. medulla ligni fancti 24. horar sumption des Spatio infusæ in lib. 2. aquæ bismal. & modicum co-carnositez. eta 3. i. B. argenti viui extincti in saliua hominis ieiuni, o in terebinth. Venet lota cum aqua parietar.disfol.3.6.sabina 3. i. pul. aloes, I reos floren. an. 3. y.macerentur pradicta in collatura infusionis ga-

iaci, 24. hor. spatio: deinde distilletur in balneo Maria, vel per cineres. Et sera augmenté ou diminué selon l'actió d'iceluy, & ses indicatiós predictes. Aussi ay ie trouue bo de leur mettre quelques fois vne chadelle de cire, ou soit inserée la vertu de sabina, la faisant tremper en la decoction d'icelle, & aucunesfois malaxat la pouldre d'i-Autres re-celle, auec la chadelle susdicte. Pareillemet leur

consumption des carnosi-\$62.

medes, pour la ay faict vne tate de plomb en forme d'algarie, laquelle i'ay frotté d'argent vif, qui en tel cas a grand efficace, cotinuat à l'enuiron du lieu de la carnosité l'emplastre de Vigo, iusques à la co sumption d'elle. Ce faict, on doibt y proceder auec remedes fort astringents & cicatrisatifz tant par les iniections susdictes & fomentatios qu'emplastres exterieurement appliquez.

> Voyla les symptomes q i'ay dict preceder,& ausquelz pricipalemet ie me suis arresté, pour ce que d'iceulx les parties hoteuses sont souuet affectées log téps auat que le virus ayt surmoté & abatu les parties nobles: aussi que souuet ilz fot cacoethz, malings, & difficiles à curer sans

Les sympto-consecution de la vairolle. Quant aux autres mes suyuants qui suyuent ceste maladie, ilz sont curez auec la vairolle, l'ablatió de leur cause, soyét pustules, douleurs, cessent le plus soment auec depilation, viceres qui ne seront de grande apparence, tophes ou nodositez, pourueu qu'ilz la generale curation d'el soyet sans carie d'os: car auec les susdictes euale.

cuations & cosumptios du venin & humeurs virulets & corropuz, telz symptomes se deseichet, & guerissent sans applicatio particuliere. Et y a bié encor vn poinct, c'est que faisant les Vsage de l'aus choses vniuerselles ie n'ay iamais rié appliqué theur. sur telles dispositios, afin qu'elles me fusset vn signe certain de l'eradicatio de la cause: Pource, que cessant du tout l'effect (qui sont pustules, viceres, douleurs & semblables) sans application particuliere, & de soymesmes on peult iuger q la cause est estaincte. Au moyé de quoy ie ne m'arresteray à la particuliere curatió d'iceulx:mais bié succictemet descriray quelques remedes pour leur palliatio: come pour deseicher les pustules estats au visage ou ailleurs, delaissans la cosideratio de leur cause, attêdu q ne voulos cobatre par qualitez cotraires, mais par ticulierement cosummer l'humeur & matiere viruléte, cause d'icelles, on pourra les toucher auec l'eaue suyuante. R. aqua planta ros polygo. Eaue desicca bursa pastor Solani, an. Z. i. aquar api, chelidonia ab tiue pour les Bnthy an. 3. B. chalcitis, aluminis rochæ, an 3. y. bul. pustules. liant vnica ebullitione: in fine ebullitionis adde sublimatipul.3.i. B. or reservetur ad vsum distum. De ceste eaue vous toucherez les pustules avec vn pinseau de peintre, du cotton, ou linge lié au bout d'vn petit basto, ou chose semblable: à la mesme intention pourrez appliquer eaue des

alchimistes corrigée, ou celle qui est bleue, ou eaue alumineuse. Aussi y sont propres les suffumiges ou perfums particuliers, descrips en leur lieu, auec vn entonnoir. Et pareillement l'unguent appellé enulatum, ou ung desiccatinum volceres Sulphuratum, & semblables. l'ay suffisamment ont esté trai traicté des viceres de toutes especes, pource si quelques vnes demeuret apres la generale cu-Etez au preration, vous aurez recours au comencemet de la curation particuliere des symptomes. Semblablemet ne feros plus log discours pour les douleurs, pource qu'elles cessent auec leur cau se: seulemet nous descrirons quelques medicaments anodins pour aucunement les appaiser, attendu que par telle voye possible n'est de les curer. Doques (sans negliger l'vsage des choses vniuerselles) sera bon faire embrocatió au lieu des douleurs auec le liniment ensuyuat, lequel sans rien reprimer ny fort eschauffer, les dimi-

nodin.

cedent.

Ry oleor.cheiri, chamameli, or ros. an. 3. i. medulla crurus cerui, er vituli an. 3. s. axugia humana 3. y. axungia anseris er gallina an. 3. i. pul. Ireos Flor. mastic.olibani, an. 3. ij. hydrargyri praparati 3. s.ceræ quod suffi.fiat linimentum molle.

nuera ayat faculté de vray medicamét anodin.

Et si pour l'affection & autres choses requises il y failloit muer quelque chose, ie laisse cela à la discretion de l'operant, come s'il y a grade

instamatio en un corps bilieux, & en esté, on y pourra adiouster plus grande quantité d'huille rosart, ou huille violart : aussi lauer le medicamet auec cauë rose,ou y adioaster quelquepeu de caphre, & ainsi des autres: come aussi au cotraire on pourra y adiouster glq peu d'eau de vie, huille de terebinthine de moyœufs d'œufs de noix moscade, axuge humaine, & seblables. Pour la mesme intention peult estre appliqué le cataplasme commun (faict ex medulla panis in laste infusa auec choses anodines) ia descript en l'histoire de la parotide. Et si on veult y appliquer bien petite portion d'argent vif, il en sera meilleur: comme en tous autres medicaments, specialement de qualité chaulde pour appliquer aux symptomes de ceste maladie. Autre cataplasme, qui se pourra dire la secode maniere d'anodins, contrarians à la cause, si la douleur est causee d'humeur froid.

B. rad althea, bryonia, an. 3. i. folior.mal. bismal. Cataplasme viol. braca vrsina, an. M. i. flor. chamameli, meliloti anodin. an. P. i. coquatur in aqua ad medias, adiestus se. lini, althea,psylly,fænigræci,an. 3. ß. materia pistetur 💸 passetur sernata colatura, addedo axungia humana, caponis, anseris, æsipi humidæ, an. 3. i. oleor. chamæmelı, 🗸 ros. an. z ii. fiat cataplasma secundum artem.

La decoctió sera d'iceluy reservee pour la fomentation, en diminuat les ingrediens chaulx,

me impropres, & non conuenans à ce propos. Des Tophes ou nodositez.

Cause materielle des tophes.

Maintenat nous fault parler des tumeurs offeuses, comunement dictes tophes, nodus, ou nodositez, qui sont faictes d'humeurs cras, visqueux & tardifs, non seulement imbuz aux parties circuiacentes de l'os, mais souuent en sa propre substance, dequoy nous auss parlé cy deuat. Et nous reste à declarer la curation particuliere, demourant apres l'vniuerselle, ou nous pouvos suyure la curatio des scirrhes des crite par tout: excepté que côme il y a quelque chose de ce venin, parcillement fault y appliquer son propre alexipharmac, qui est l'argent Curation des vif. Donc l'emplastre de Vigo y est conuenant seul: aussi est celuy de Philagria, ceroneu, diachilon Ireatum ayant faict legere embrocatio de liniment emollient auec portion d'argent vif,pareillemet fomentation emolliente & resoluente, & semblables remedes qui sont propres pour la consomption desdictes nodositez, pourueu que l'os soit seulement intemperé, & nó carié: mais où il y aura carie ou corruption

tophes fans corruptio d'os

d'iceluy, lesdicts remedes n'auror plus de lieu, & en fauldra necessairement faire amputation par melme raison qu'on faict ordinairemer en la chair: laquelle estant simplemet intemperee & alteree en chaleur, froidure, seicheresse, ou humidité, se peult reduire en sa nature premie re sans perdition d'aucune chose de sa substan ce:mais estant sa substace corrompue, soit par cause externe (come cotusion grande, adustio, &c.)ou interne (comme erosion & corruption faicte par le vice des humeurs) infalliblement il l'en ensuyura deperdition de substance. Au moyen de quoy encor' que la cure vniuerselle soit methodiquement faicte, si est-ce qu'en tel cas la cure particuliere est necessaire, soit en la teste, bras, iambes, ou autres parties du corps: tellement que pour la curation d'iceulx, fault Curation des descouurir l'os corrompu, soit auec rasouer & tophes auec semblable instrument trenchant, cautere po-des os. tentiel, ou plustost actuel, qui est le meilleur & plus certain, par ce qu'il ne peult faire puction de nerf, ou rendon, homorrhagie, ou flux de sang, ny laisser introduyre vne qualité mauuaise, dot souuét sont engendrez viceres cacoeths & malings, ce qui peult aduenir par l'incision faicte auec le rasouer, ou choses semblables. Aussi à cause de sa soudaine operation il ne co munique saveheméce aux parties sensibles,ny

232 METHODE

actuels sont propres aux nodositez.

cause douleurs si longues, dont par cosequent ne faict telle attraction, comme le potentiel: mais oultre ce qu'il faict le cotraire des choses susdictes, il robore encore la partie, & en consommant les humeurs & malice d'iceux il aide à la cheute de l'os corrompu. Pour l'appli-Les cauteres quer fault qu'il soit preparé, pour, & selon la figure de l'os qui doibt estre cauterisé, soit rod quarré, ou longuet. Et iaçoit ce que communemer le premier cautere appliqué soit incisif appellé cultellaire, puis les dilatatoires apres, toutesfois ie trouue meilleur qu'on applique le premier caué & ouvert par le milieu, afin d'emporrer toute la substance de dessus, & laisser l'os descouuert : & cestuy est beaucoup le plus bref, de moindre douleur, & si les labies n'empescheront à l'application des remedes propres à exciter l'exfoliation de l'os corrompu. Le cautere appliqué, fauldra prouoquer la cheute de l'eschare faicte en la chair, auec choses vnctueuses, comme beurre, moyœufs d'œufs meslez auec huille rosart ou violart, aussi axuge ou vnguet suppuratif. L'eschare tombee les fauldra deterger auec apparete desiccatió pour empescher la generation de la chair, come on poura faire auec ce medicamét R. terebint. Venet.lotæ in aqua vini 3. 4. farinæ

Medicamens hordei & orobi an. 3. y . Syrup. de absynthio & mel. detersifs.

ros.an.z.ij.pul.aloes,myrrhæ,Ireos Florent.an. z. ii. misceantur, & diu agitando siat medicamentum. On pourra aussi y appliquer d'autres medicaments detersifs descrits auec la curation precedente des vlceres.

La detersion faicte, on pourra par internalles y appliquer charpie seiche, laquelle desechera sans mordication, & y insperger aussi de la pouldre ensuyuante, qui est de grand effect en tel cas.

R. pul.aloes, cretæ combustæ, pompholygis, an. 3.ii.
Pouldre desic
Ireos Florent. aristolochiæ, myrrhæ, cerusæ, plumbi catiue pour
vsti.an. 3.ii. pul. ostreorum combustorum 3. s. s. teran-les os. tur tenuisime, & soit bien conseruee ladicte pouldre qu'elle ne s'esuente : elle peult y estre mise seule, ou la messer cum melle ros. elle aide grademet à nature par sa siccité manifeste à separer l'os caricux de celuy qui est sain. Or pour Il ne fault ru la cheute dudict os caricux, il y en a qui sont giner les os d'aduis oster la substance corrompue auec ru-carieux. gines, comme on a accoustumé faire aux corruptions (que communement on appelle alteration d'os) qui proviennent de cause externe. Et cela ie n'approuue, pource que la cause est interne, & agit perpetuellemet, si elle n'est consommee. Aussi que ce faisant nous n'auons autre signe certain pour cognoistre quand le corrompu sera osté, si n'est lors que le sang sor.

tira. Et pource seroit besoigner auec trop grad doubte : car il s'en peult oster trop en vn lieu, & en laisser du corrompu aupres: qu'ainsi soit, plusieurs pour n'y rien laisser d'estrage ont ruginé presque tout l'os: & toutes fois y demourant encor du corrompu, falloit encor y operer auec le cautere actuel, ou semblable remede desiccatif. Autres y appliquent huille bouil lante, ce que ie trouue bon, pourueu que cela se face par internalles: & apres auoir receu la vertu des medicaments propres, & dediez à telle affection comme est la pouldre predicte: aussi qu'incotinent elle sera imbue auec charpie, linge, esponge, coton, ou semblable, afin qu'elle ne puisse putrefier. Puis serot les pouldres susdictes inspergees sur l'os, ou messees, comme nous auons dict. Mais sur tout est vtile & necessaire la frequente admotion du petit cautere actuel : lequel, comme i'ay predict, en consommant l'humidité, cause de la carie, faict que nature aidée separe l'os corrompu de auec le bon : & au parauant la separation engédre de la chair entre l'vn & l'autre pour em pescher qu'apres la cheute d'iceluy l'air exterieur n'altere le bon qui sera demouré, qui est vne merueilleuse prouidence de nature : toutesfois on le doibt methodiquemét appliquer, afin que cuidats deseicher le superflu nous ne

Prouidence de nature. facions consomption de l'humeur, & humidité radicale, qui doibt engendrer la chair entre iceux. Mais ou l'os alteré seroit trop tardif à tomber, i'ay trouvé grande ay de à le percer en diuers lieux iusques à ce que le sang isse par la perforation: car nature aydee par telle transpiratio engendre la chair susdicte, qui est cause de plus briefue separation desdicts os:& iceux separez, pour la regeneration de la substance deperdue sont propres les pouldres sufdictes preparees comme dessus, meslees cum sy rupo ros. de absynthio, aut cum vnguento sarcotico, & ainsi suyure la cosolidation, & curation des vlceres. Mais fault noter qu'où l'os sera deperdu, la cicatrice demourera perpetuellemet caue, ainsi que tesmoigne Hyppo. en ses aphorismes au 45. aphor. du sixiesme liure.

Des dartres, ou scissures serpigineuses.

T Elles affections suruiennent le plus sou- Différences uent apres les curations vniuerselles de de dartres. ceste maladie en la vole des mains, & des pieds, & aucunesfois occupent vne bonne partie du corps : & sont causees d'humeur pituireux salé, ou de cholere rendue aduste par l'intemperie chaulde du foye,comme en ceulx

ou pour la curation de ceste maladie on auroit vsé de medicamens trop excalfactifs: ou pource qu'apres ladicte curation il demeure quelque petite portion de ferment estant hebeté, lequel est enuoyé de nature ausdictes parties: la curation desquelles est difficile, specialemet ou elle est inuererce, pour ce que cela nous denote le foye estre affecté, & la partie ia de long temps habituee à receuoir telle indisposition. Aussi nous fault noter qu'aucune est recente, & lors est l'humeur moins enraciné, & la partie moins affectee: Elle se cognoist par vne rou Les fignes des geur auec grand prurit, & le cuir aucunement plus espes & aride que de coustume. L'autre est inueteree, laquelle oultre les signespredicts a des scissures (quasi comme iarsures) prouenant de trop grande siccité auec durtez scammeuses, & furfureuses, de sorte qu'en les frottant rudement vous en voyez sortir en maniere de farine, ou succre blanc. Pour les choses curation v- vniuerselles il fault auoir esgard à l'intemperature, & vice du foye, & considerer que si la cause virulente y est encore, il fault commencer par icelle:si c'est intéperature seule, il fault la corriger, tant auec regime conucnable, medecines legeres, que phlebotomies selon l'or-Curatio pardonnance du medecin. Pour les topiques i'en ay guery à maintes estas recetes auec cauë de-

dattres.

minerselle.

ticuliere.

siccatiue, & de tenue substance, come ceste cy. Eaue deficea-

Re aqua ros parietaria, an . 3 .i . aqua aluminosa 3. tiue pour les y.chalcitis 3.4. aluminus 3.iy. pul. sublimati, scrup.iiy. aut arsenici, si maiorem desideres astrictionem fiat lenta, o minima ebullitio (ne resoluatur vis o facultas) in balneo Maria, seu duplici vase, augedo, aut minuendo dosin sublimati.

Aussi pourrez vser de telle.

Re aqua bismal. branca vrsina, lapathi, or moror. Autre cause. an. 3. i. B. aqua alchemistar. 3. i. misceantur absque ebullitione: desquelles on frottera les parties affectées, augmentant, ou diminuant pour les co siderations susdictes.

Et ou elles seront inuererées, lors fauldra vser de preparation auec choses emollientes, atreuuantes, & incifiues par fomentations, & embrocations: puis y proceder auec suffumiges, ou perfums.

Les fomentations seront relles;

Fomentaties emollientes.

R. rad althea, lapathi, brionia an. 3. y. foliorum mal.bismal, viol.parietaria. lapathi, mercurial. an. M.i ficus pingues numero iii. [e.lini, fænigraci, an. Z.i.chamæmeli,melioti, stecad.an.M. B. siat decoctio in aqua secundum artem, & foueatur pars phyltro madefacto in ea.

Apres la fomentation on pourra faire em- Liniments

brocation auec tel liniment.

Be olei liliorum, chamameli, or nucis moscat. an.

3.i.axungia humana 3 i s.axugia anseris, co caponis an.3. vi medulla cruris cerui, & vituli an. 3. B. pul litargyri auri Z. i. Ireos Florent. 3. y. argeti viui more nostro praparati, or diligeter cu axugia extin-Eti 3.i. s. diu agitado fiat linimentum. & ainsi cotinuer iusques à suffisante preparatio, & que le cuir calleux soit mollisié: lors on pourra vser desremedes descriptz en la recepte, ou faire ce remede ou i'ay trouué grad effect, specialemet es mains, & piedz, qui est l'vsage des perfums executez en ceste sorte, La partie sera fométée auec la decoctió predicte, & assez rudemét essuyée, puis legieremet lenie, & frottée du linimet prescript : apres sera mise en vn petit tonneau, ou semblable vaisseau couuert, au fond duquel fera du feu en vn rechault pour receuoir ce qui l'ensuit, Repulueris cinnabry 3.4.ladani,assa odorata styrac.cala.an 3.s. mastic.olibani an. 3.14 olei tartari, or theriaca quod suffic fiat trochisci, desquelz on pourra vser pour chascune fois demie once, ou enuiron.

I Víques icy nous auós declaré en general les trois manieres de practiquer la curation de ceste maladie:maintenat ne reste qu'a traicter, suyuant la troisses medicatió, les remedes, & medicamets coadiuuas à la curatió vniverselle, & aussi curatifz des symptomes, & acciders d'i celle. Ce que i'ay deliberé, à fin de diviser, &

separément tracter les trois indications generales, come i'ay faict, comenceant à la maladie, puis aux choses naturelles. Aussi, come i'ay pre dict pour n'engendrer vn tas d'empiriques, ie n'ay voulu coposer receptes particulieres pour la curatió generale de ceste maladie: au moyen dequoy ie seroye veu imparfaictemet traicter la cure, si ie ne suggeroye matiere aux ieunes estudias de bo vouloir pour ce faire:ce q ie feray pour ceste fois le plus succinctemer qu'il me se ra possible, commenceant en ceste maniere.

Medicamet, selon Galie au s. des simples, est Diffinitio de vne chose qui peult alterer nature (à la differé- medicament. ce d'alimét)par sa premiere, secode, tierce, ou quarte faculté. Par la qualité premiere il es-faculté. chauffe, refrigere, humecte, ou deseiche. Par la La seconde secode, laquelle immediatemet suit la premie- faculte. re, le chault ouure, attenue, & attire: le froid ferme, espessist, & repousse: l'humidité emollist (pource que to' corps humides font molz, filz sont auec chaleur moderée) lubrifie, & adoulcist:le sec endurcist (pource que tout corps dur estat moderemet chault est sec)en deux manie res, l'vne imbibat l'humidité cotenue aux porositez: l'autre en alterant, & faisant la substance plus seiche, comme consommant l'humidité d'icelle. Aussi reserre, astrainct, & rend les choses arides, & exasperées.

taculté.

La troisiesme Par la tierce faculté, laquelle le pl' souvet suit la premiere & seconde, peult engendrer chair, aglutiner les playes, cicatriser, &c. come pour exéple le sarcotique (chault, & sec au premier ordre, ou degré, deterfif sans mordication) par sa chaleur il ouure les pores, attenue l'humeur gros, & attire: par sa siccité estant aidée de sa chaleur sans acrimonie il deseiche ce qui est superflu, & rendant le sang espessi s'ensuit generation de chair, & ainsi des autres: auec lesquelz sont reduictz ceulx qui pour leur similitude de substance ont faculté de purger, engendrer laict & la semence, prouoquer l'vrine, les menstrues, & les sister: Aussi ceulx lesquelz font appellez vomitoires, errhines, apophlegmatismes, & semblables, lesquelz ie delaisse comme appartenants à la medecine,

La quatriefme faculté.

La quatriesme faculté est celle qui opere par pprieté, ou forme specifique, & occulte, ou de toute sa substăce, comme le bois de gaiac, aussi l'argét vif operét en la vairolle:peonia a efgard à epilepsie:le sang de bouc ropt les calcules: le magnes attire le fer:carabe ou ambre la paille, &c. Auec lesquelz sont adioustez les medicamets, qui prenet leur denominatio des parties ausquelles ont esgard, come cephaliques, cardiaques, pulmoniqs, hepatiques, splenetiques, nephretiques, gonagriques, podagriques, chiragriques,&c. Les autres les distinguent au Autredinitrement, c'est à sçauoir, que la premiere facul sion des mei té est d'eschauffer, refroidir, humecter & sei-caments. cher.

La secode qui suyt l'effect des premieres, cóme ouurir, clorre, emollir, & endurcir : glutiner, en gendrer chair, cicatriser, &c.

La tierce par laquelle vn medicament regar-

de vne partie plus que l'autre.

La quarte est la vertu & forme occulte & spe

cifique, de laquelle auons parlé.

Tous lesquelz medicaments prennent leur Tous mediorigine, des plantés, des animaulx, de la terre, caméts prenou de la mer. gine de qua-

Des plantes, comme sont racines, escorces, tre choses. bois, rameaulx, gectons, fueilles, fleurs, semen- Des plantes.

ces, fruict, suc, liqueurs, refines, & gommes.

Des animaulx, come sont os, medulles, greffes, sang, laict, chair, poil, excremens, parties, maulx.

corps entiers, vifz, ou morts.

De la terre, come pierres, gemmes, terres, & De la terre. metaulx, sel qui vient es fosses, orpiment, sandaracha, soulphre, cadmie, litharge, argent vif, chalcitis, or, argent, & leurs parties.

De la mer & eaues, come toute autre manie- De la mer. re de sel, esponges, asphaltum, nitre, ambre, bitumen, Pissasphalrum, garyum, Adarca, muria, alcyonium, coraulx. Et iaçoit ce que par le sens

242 METHODE

du tact, de la veue, & de l'odeur, on puisse faire iugemét de la faculté des susdictz medicamers Les medica, toutes sois pl' pfaictemet se peuvet cognoistre

Les medica- toutestois pl' pfaictemet le peuuet cognoiltre mets sont co- par les saueurs, qui sot huict, & vne neufiesme, gneuz par les q peult estre adioustée auec les deux téperées, saueurs.

Difference des saueurs.

Les froides sont l'austere ou stiptique, l'acerbe ou pontique, l'acide ou aceteuse. Les chauldes sont la salée, l'amete, l'acre. Les temperées sont la doulce & l'vn tueuse, anec la neusies-

me, qui est l'insipide ou fade.

La saueur austere. t

La saucur austere est de grosse substance, & rerrestre, froide, refrigere, incrasse, contrainct, repercute, mais imbecillement. Comme pour exemple, tous fruictz, lors qu'ilz commencent, ont exasperation, seulemét petite pour l'humi dité qui leur hebete la grande asperité.

L'acerbe.

L'acerbe a les vertus predictes plus que l'autrè: aussi grandement deseiche, contrainct, & exaspere: comme ledict fruict, lors qu'il grossist deuant sa maturation.

L'acide.

L'acide (no obstat sa frigidité) est aqueuse de tenue substace: au moyen de quoy incise, attenue, deterge, penetre, & mordique, comme est l'oseille domestique, & syluestre, verius, oranges, citrons, &c.

La salée.

La salée est chaulde, de substâce terrestre, incise, attenue, digere, deterge, mordique, preserue de putresaction, exaspere, & deseiche.

L'amere est de substance terrestre, eschauffe, L'amere. attenue, incise, deterge plus que la salée, & deseiche, comme myrrhe, lupins, aloe, nitre, &c. L'acre est de substance subtile, eschauffe plus que toutes les autres saueurs, attenue, incise, attire, digere, deterge, come ailx, oignons, poyure, pyretre, gingembre, chaulx viue, &cæ.

L'acre.

La doulce est téperée, tendente à chaleur, ma La doulce. ture, relaxe, ouure les pores, come toutes cho-

ses miellées, lacteuses, vineuses, aqueuses, &c.

L'oleeuse est téperée, tendente à chaleur, & L'oleeuse. humidité aerée, humecte, relaxe, emollist, &c. comme l'huille, & le fruict des olives, l'huille & le fruict des amandes, des noix, &c.

L'infipide est declinante à froidure de faculté approchate aux autres temperées, & est aux La insipide. choses, qui n'ont aucune saueur. De telle nature sont celles lesquelles sont imparfaictement cuites ou meures, comme tout fruich, lors que tombe la fleur, la madragore, hyoscyame petite & recente, eaue pure, & semblables,

le pese bien qu'aucuns estimerot la presente poursuitte dessimples medicamers exceder no stre dessein, entendu que ne debuions traicter, fors la curation de la vairolle simplement:ausquelz ie supplie excuser plustost autres faultes l'il l'en trouue à l'orthographe, laquelle i'ay de laissé à l'opinion de l'imprimeur, pour la varie244 METHODE

té & diuersité d'icelle, & cosiderer que (oultre qu'il n'y a chose qui ne serue à la matiere presente) ce sera béaucoup faict pour la republique de stimuler les ieunes estudiás de bon vou loir, & doner moyé à s'exerciter en la cognoissance des simples, & composition des medicaments trop plus necessaire, qu'vtile en leur estat. Et pource que plusieurs n'ont le moyen, tat par les choses predictes, que par l'incomodité des liures, enquerir la faculté des medicaments, nous descriros leur qualitez tant chauldes, froides, seiches, humides, comme temperées, par ordre & degré, commenceans à ceulx lesquelz sont temperez.

Les medicaments qui en chaleur & froidure sont temperez.

Medicamets temperez, en chaleur & froidure.

ers Glycyrrhiz a, faba, lens, horden, cubeba fructus, & folia brufci, species capillor. Venerus, axungia suilla, oleum dulce, cera, lac, vitellus oui, cortex citri, auellana pini, litharg yrus, adianthum, cadmia, & c.

Ceulx qui eschauffent au premier degré.

Medicamets Aristolochia rotunda, rad. eryngij, altheæ, amygchaulx au dalæ dulces, nuces virid. I uiubæ, castanææ, sicus, braspremier de-sicca, beta, absynthium, abrotanum, Apium, cuscugré.
ta, eupatorium, Athanasia, senecio, huglossum, borago, mercurialis, morsus diaboli, saluia, sambucus, scolopendria, ebulus, rubus, schænanthum, spica nardi, vsnea, agaricum, aloe, triticum, sænum

gracum, lini semen, orobus, oryza, milium, mel, butyrum, saccharum, serum lastis, vinum nouum, vua ma tura, melilotum, & c.

Ceux qui sont chaulx au second degré.

Gaiacum, cyperus, calamus aroma. peonia, dattyli, Chaulx au passinaca, nux Indica, nux moscata, amygdala second. amara, enula campana, branca vrsina, centaurium, chamapitys, consolida maior, sanicula, dens leonis, eruca, fumus terra, gallitricum, garyophyllata, genista, lupulus, gladiolus, æsippus Eryngium, lauandula, cardamomum, marrubium, melissa, menta domestica, ranunculus, petroselinum, bipinella, scabiosa, rubea tinttorum, fæniculus, thus, myrrha, massicha, coc.

Ceulx qui sont chaulx au troisiesme degré.

Aristolochia longa, gentiana, polypodium, pyretiers. trum, raphanus, rhaponticum, satyrion, acorus, zinziber, zedaria, iris, rad. fæniculi, artemisia, arum, asphodelus, asarum, apium risus, bethonica, asphaltum, cerefolium, chamedrys, colocynthis, costus, crista marina, cupressus, elleborus, scrophularia, ligusticum, nasturcium, origanum, perforata, ruta, sabina, cyclaminus, distamnus, daucus, epythymus, rosmarinus, cuminum, staphisagria, oppopanax, galbanum, se. iuniperi, nigella, ameos, anisum, cæri, co.

Cenlx qui font chaulx au 4. degré.

Capa, allium, Chelidonium, tithimalus, fatureia, si-quart.

napi, euphorbium, piper, oleum, petroleum, & c. Maintenant fault traicter de ceux qui refrigerent.

Medicamens Ceux qui refrigerent au premier degré,

froidz au pre Cotoneum, castanea, malum granatum dulce, spinamier degré alba, gramen, hepatica, malua, falix, folanum, fpinaecia, atriplex.

fecond. Ceux qui sont froids au second degré.

Lilium conuallium, melon, pomum persicum, ci

Lilium conuallium, melon, pomum persicum, cucurbita, cucumer asininus, cynoglossum, endiuia, fraxinus lenticula palustris, nymphea, allz elz engi, primula veris, pulmonaria, mala granata acida, citrus ou citrea malus. galla, psyllium, ribes, balaustium, rosa.

Froidz an Ceux qui font froids au troifielme degré.
siers. Acetofa, endinia filuefiris fragaria, virga paftoris,
tormentilla, cicuta, vermicularis, portulaca, hyofcya-

mus, mandragora, ribes, caphura, &c.

Froidz au Ceux qui sont froids au quatriesme degré.

Papauer, Opium, Cicuta.

Maintenant aux humides.

Medicamens Ceux qui sont humides au premier degré.
humides. Enula campana, malua, buglossum, borago, spinacia, amygdala, iuiuba, nux Indica, se. lini, butyrum,

Humides au Ceux qui sont humides au second degré.

Second.

Nymphea, lilium conuallium, lenticula palustris,
lattuca, branca vrsina, atriplex, cucumer asininus,
portulaca, primula veris, pulmonaria, eruca, Eryn-

gium, cucurbita, melon, da Etyli, pisa, psi lium, & c. Ceux qui sont humides au 3. degré.

Satyrium, endiuia sy luestris, fragaria. Ceux qui sont humides au 4. degré.

Argentum viuum.

Ceux qui sont secs au premier degré.

Radix althea, fæniculi, mercurialu, morsus diaboli, Medicamens sambucus, ebulus, salix, gramen, schænanthum, mala secs. granata dulcia, castanca, hordeum, fænum gracu, chamæmelum, melilotum, crossus, thus, argenti spuma.

Ceux qui sont secs au second degré.

Gaiacum, aristolochia, cyperus, calamus aromaticus, cynamomum, macis, anethum, abrotanum, cerefolium Secs au secod consolida maior, fraxinus, fumus terra, opium, allzelzengi, centaurium, virga pastor cupressius, cuscuta, cy noglossum, sanicula, eupatorium, dens leonis, endiuia, fæniculum, sauandula, hyssopus, garyophyllata, gallitricum, genista, lupulus, gladiolus, marrubium, petroselinum, pipinnella, scabiosa, melissa, menta domestica, sicus, cotoneum, citrus galla, Cardamomum, amygdala, milium, nux Iudica, nux moscata, mala granata acida, mastiche, myrrha, orobus, mel, erc.

Ceux qui sont secs au troisiesme degré.

Acorus, cyclaminus, tormentilla, raphanus, pyretrum, gentiana, galanga, asphodelus, serpentaria minor, absynthium, artemisia, acetosa, asarum, apium risus, bethonica, chamapithys, chelydonium, sicuta, creta marina, helleborus, scrophularia, ligustru, man-

g iiij

dragoras, nasturtium, origanum, pentaphyllon, perforata, pulegium, rosmarium, ruta, sabina, ribes, garyophyllus, epithimus, ameos, se cari, anisum, nigella, milium solis, agnus castus.

Ceux qui sont secs au quatriesme degré. Allium, piper, satureia, tithimalus, anacardus, o-

quart. leum petroleum.

Voila donc la premiere faculté des medicaments, laquelle cogneuë (specialement auec les saueurs) il est facile d'auoir la cognoissance de leur seconde. Maintenant fault deduire la tierce commençant aux repercussifs, les descri uans par ordre, auec la maniere de les mettre en execution.

🔊 Des medicaments repellens.

repellens.

pellens.

Secz an

Nature des Mérigidité en incrassant l'humeur, ou par son astrictió roborát la partie, ou tous les deux ensemble, peult prohiber la fluxion des hu meurs. Desquels sont plusieurs especes : car les Espece de re- aucus sont froids & humides:les autres chaulx & astringés: les autres froids & astringés. Mais toutesfois perpetuellement le froid repoulse: & suyuant Guidon nous pouuos faire telle dif ference d'iceux, Aucuns sont legers & debiles dicts largement repercussifs: les autres forts & proprement dicts repercussifs. Les debiles

sont ceux qui sont aqueux, auec lesquels pouuons adiouster ceux qui ont seule adstriction, comme les repellents dicts chaulx, pource que imbecillement, & seulement en superficie ils

repoussent.

Les froids, & humides sont lattuca, nymphea, Planta. lenticula palustris, vmbilicus Veneris, semperuiuum, debilles. portulaca, folia populi, cauda equina, folia, & cortex fraxini,psyllium,rosa,, aqua pura, aqua plantaginis, solani, rosarum, caprifoly, polygoni, berberus, & semblables, encore que soit faicte auec les autres repellens ayans quelque aftrictio, pource qu'en la distillation il en delaissent vne partie, pareillement de leur frigidité. Semblable action ont tous medicaments froids, lesquels se peuvent resouldre en element aqueux.

Les repellents chaulx, & astringents, qui ont l'action des predicts sont absynthium, marrubium, centaurium, cardamomum, consolida maior, cyperus, folia cupresi, germina, conuces: saluia, calamus aromaticus, coriandrum, fructus tamarifci, farina lupinorum, o orobi, mentha, cynamomum, aloe spica crocus, sal alumen vitreoli species sulphur: Metalla. Oleum absynthy oleum chamameli vicl masticis, oleum rosarum vetus , vnguentum citrinum , desicca-Olea. tiuum , vnguent . populeum , vnguent . album Rhas. unguentum rosatum, emplastrum diachalciteos, tripharmacum.

Les forts repercussifs sont solanum, planta-Les repellents 30, virga, & bursa pastoris, rubus, omphacium, fruforts. Etus & folia sorborum, cornorum, mespilorum, pyra-Planta. Strorum, cydoniorum, myrtillorum, spinorum, succus & cortex granatorum, prasertim acidorum, malicorium, cytinus, balaustia, sumach, hypocystu, rhus, acacia, galla, quercus, mandragora, hyoscyamus, papauer, opium, & fructus eorum, omnes immaturi fruetus, veluti poma, pyra, & persica, sangus draconis,

Metalla. bolus armenia, cerussa, terra sigillata, chimolea, pompholyx vera seu tuthia: corallorum species, spodium,
antimonium plumbum vstum, onon vstum. Oleum
mandragora papaueris, cydoniorum, myrtillorum, ro-

Sarum, viol. nenupharis.

Vnguenta. Vng.comitissa, album Rhasis, caphuratum, citrinum, cerotum in rigidans Galeni, cerotum sandalinum,

Emplastra. Emplastrum de cerussa.

Oultre iceux peuuent estre faicts plusieurs medicaments composez des simples predicts.

Nous pouuons vser desdicts medicaments repercussifs en toutes sluxiós, les cas exceptez, come descript Guidó de Cauliac. En ceste maladie (ioinct qu'elle est veneneuse) ils ne sont en vsage, fors où nature seroit deprauce, mandant trop grade abodace d'humeurs en quelque partie, qui pourroit estre cause d'vne gangrene, comme aux grandes instammations de la verge, & bubons aux aynes. Pareillement où

Losage des medigaments repellents en

la vairolle.

elle se deschargeroit sur aucune partie no conuenable, come aux yeux, au nez, & autres parties du visage, en la gorge, au siege, & semblables parties: en tel cas pourrons nous aider des medicaments susdicts, specialement de ceux qui sont imbecilles pour empescher tels mouuements vehements de nature: toutes sois prudemment, afin de n'incrasser, rendre l'humeur plus adherat, mesme trop astraindre, & empescher les trasspirations, par cosequent augmenter & rendre le vice plus pertinax & maling.

Des medicaments attractifs.

MEdicamét attractif, est contrariant au repercussif: c'est celuy qui tire du centre atractifz.

à la circunference. Tels medicaments sont de
temperature chaulde, & de tenuë substance
pour plus facilement penetrer: & se peuuent
diuiser triplement: les vns sont d'eulx-messmes
ainsi nez: les autres par putrefaction sont tels: etifz.
les autres par proprieté occulte.

Ceux qui de leur nature sont tels, Bryonia, sa-Planta. bina, calamenthum, allium, capa, dictamnus, porrum sinapi, propolis, aristolochia, thapsia, laurus, hermodactyli, Omnes tithymalorum species, viscum, oxyacantha, radix cyclaminis, abrotanum, anagallis, rad.

lily, vrtica, figillum beata Maria, cantharides,

arum seu serpentaria minor, asarum, asphodelus, asphaltum, gentiana, pyretrum, ruta.

Gummi. Ammoniacum, bdellium, galbanum, oppopanax, assa fætida, benisin, gummi rutæ, hederæ, viscus quercinum pix, bitumen Iudaicum, terebinth. euphorbium.

Metalla. Sulphur, calx viua, auripigmentum, sublimatum, arsenicum, chalcanthum, sal Ammoniacum, nitrum, omnes salis species, cynnabrium, hydrargyros.

Olean Gaiaci, Philisophorum, petroleum, de Spica, de Tartaro, de Costo, de Nuce Indica, de Castoreo, de Nuce moscata, de Terebinth, de Scorpionibus, Rutaceum, Vulpinum, Laurinum, Anethinum, de Vitreolo, de Hyperico: desquelles les plus vicilles sont les meilleures.

Vnguenta. Vnguentum Agrippa, Arogon, Martiatum, Confetio anacardina, & mel eius, Theriaca, Mithridatium sapo.

Emplastra. Emplastrum diachilon magnum, & paruum, de me-

Semblable chose fera l'applicatio des vétouses

Attractifz Les medicaments attractifs par putrefaction
par putrefafont comme stercus columbinum, caprinum, co
plures stercorum species, fermentum, caseus vetus.

Ceux qui de toute leur substance, ou qualité de toute leur occulte attitent, sont comme magnes, ambra, hy-substance. drargyrus, peonia, omnia purgantia medicamenta.

Tels medicaments sont vtiles, & necessaires L'usage des à la matiere presente, comme à l'euocation, attractifz.

& attraction des bubons, & autres absces: pareillement des humeurs virulents, & corrompuz, cachez au profond du corps. Nous les appliquons sur la teste pour attirer les humeurs vitiez, adherants, & faifans distention, ou acrimonie au pericrane, & aux meninges : aussi sur la nucque, & les espaules, pour la mesme intétion, ou pour reueller, & retirer de la este, mesmes pour les fluxions qui se font sur les yeulx, & partie anterieure de ladicte teste:pareillement sur les bras, & iambes, à fin de faire euocation du cetre à la circunferece des humeurs gros, lents, & visqueux, adherants aux membranes,& parties offeuses,faisans extreme dou leur. Mais il y aura difference entre telz medicaments, pource que ceulx qui seront appliquez pour les bubons, ou poulains serot meslez auec medicaméts ayants substance emplastique: les autres auec medicaments de tenue Substance.

Des medicaments resolutifz.

MEdicamét resolutif, est celuy qui ouure, Nature des attenue, incise, discute, & euapore par resolutif insensible transpiration les humeurs, & matieres contenues au profond du corps, llz font

de temperature chaulde, & de tenue substance:non toutesfois si chaulx que les attractifz: car iaçoit ce, qu'entre iceulx resolutifz aucuns foyent autant, ou plus chaulx, que d'autres attractifz, toutes fois ne feront l'effect des attractifz estants appliquez methodiquemer es téperatures dures, & robustes, & es matieres cotumaces, rebelles, & profondes: ioin & que Galien en ses cata genes, & par tout ou il compose medicaments, il suppose tousiours le corps estre temperé, & d'autant que le corps s'essongnera de ce temperament, le medicament excedera plus, ou moins.

resolutifz,

Voyla pourquoy vn medicament pourra estre attractif à vn corps, & à l'autre bien peu resolutif, & ainsi des autres, D'iceulx les vns sont Differece de foibles, les autres sont forts: les foibles sont ceulx ausquelz la chaleur est remise: & d'iceuxvsons ou nous deliberons peu resouldre (lesquelz peuuent estre dictz anodyns) comme en toutes douleurs de ceste maladie, si les choses vniuerselles ne sont iustement faictes à l'imitation de Galien au cata topus, qui commande vser au comencement de la maladie dicte scya rique, de medicamets, lesquelz ne soyet repercussifz, pour ne reprimer, & rechasser l'humeur au profond de l'article: ni fort chaulx, ou resolutifz, à sin qu'en eschauffant il ne se face

attraction d'humeurs remplissants la partie.

Donques les foibles sont bismal.cum toto, mer- Les resolucurialis, parietaria, volubilis, anethum, adianthum, tifz debiles. valeriana, sumus terra, sarina hordei, tritici, lupinorum sem lini sænigraci, nigella, surfur stores chamameli, meliloti: sere omnia metallica, exceptis his, qua vim habent acrem.

Oleum chamamelinum, anethinum, liliorum, cheiri, Oleü gaiaci. amygdalarum dulcium, lumbricorum, de vitellis ouo- Vng. de al-

rum.Emplastrum diachilon Ireatum.

Les forts (loubz lesquelz ie comprens ceulx dui discutét les slatus) sont rad aristolochia, bryotisz forts.

nia, asphodelorum, sigilli beata Maria, Ireos Florent.

squilla, scordium, acorus, galanga, cyclaminus, dragontea, origanum, mentha, rosmarinus, pulegium, sabina, thymus, epithymus, maiorana, spica nardi, atriplex, saniculum, eryngium, piper, nux moscata, bacca lauri, iuniperus, styrax, benioin, ladanum, anssum, cuminum, chamamelum, melilotum, anethum, stercus caprinum, caninum, ery plures stercorum species.

Oleum amygdalarum amarasum, lumbricorum, è Olea.

baccis iuniperi, de lateribus, terebinthina, è scorpionibus, è metha, irinum, costinum, nardinum, laurinum, vulpinum, rutaceum, de euphorbio, de tartaro, de spica, de petroleo.

Vnguentum arogon, Agrippa, martiatum. Empla-Vnguenta.

strum de Vigo, de meliloto.

Nous vsons de telz medicaments en la cu-

L'usage des ration de ceste maladie pour l'attenuation, te resolutifz. solution, & euacuation des humeurs imbuz

solution, & euacuation des humeurs imbuz aux membranes, & parties nerueuses faisants douleurs articulaires souuent mobiles, si c'est au commencement, lors qu'elle est recête. Aufsi pour les tumeurs demeurez aux aynes, en la verge, & telles parties, qui n'ont voulu se suppurer.pareillemet vsons d'iceulx aux douleurs fixes, arreftez, & diuturnes: auffi aux tumeurs, &duretez scirrheuses, & nodositez osseuses:leplus souuent au milieu des bras, & iambes, en la teste, au thorax, & aux os clauiculaires. D'iceulx nous faisons embrocations d'huilles, ou liniments, admotions d'unguéts, cataplasmes, emplastres, & semblables: toutesfois auec grade prouidence, à fin de ne tomber aux incouenients descriptz de Galié au quatorziesme de la methode, ou il prohibe indiscretement vser de resolutifz, à fin que le subtil resolu, le plus gros ne degenere entelle dureté ql demeure incurable, chose auiourdhuy trop comune,& par l'imperice de plusieurs. Pource fauldra les messer auec emollientz, ou les humeurs seront cras, lents, & visqueux, comme en toute application pres des parties nobles, ayants action, & vtilité necessaire à la vie, ou à la coseruation de l'espece, on doibt adiouster auec eulx quelque chose d'astringent pour roborer la partie,

comme sont absinthium, cyperus, centaurium, rosa, & antres descripts au chapitre des repercussifz chaulx, & astringents.

Des medicaments emollients.

MEdicament emolliét est celuy qui a puis. Nature des sance de mollisser, & fodre toute dutté: emollients. & est de sa qualité active chault moderement, & de sa passiue sec ou humide: car si elle est fai cte par concretion (à laquelle proprement couient l'emollient) le medicamét sera chault,& sec:mais si elle tend à siccité, comme souvent aduient aux scirrhes & tophes de ceste maladie souuet deseichez par folle applicatio, il sera chault, & humide moderemet: mais perpetuellement le medicamét emolliét doibt estre moderé, soit en chaleur, humidité ou seicheresse plus que l'attractif, & moins que le supuratif. Les simples sont, Rad. althea cucumeris syl- Planta. uestris,lilij,Malua cum toto,bismal. viol. parietaria, Gummi. atriplex se.lini, fænigræci, nigella, Ammoniacum, bdellium oppopanax.styrax,ladanum,galbanum, terebinth.resina, colophonia, æsipus humida, būtyrum, Adeps humanus, porcinus, vitulinus, hadi, ouis, capræ, birci, cerui, equi, asini, canis, tauri, vrsi, vulpis, leonis, & la moelle d'iceulx.

Adipes.

Des volatilles, Adeps anseris, caponis, gallina, anatis, oloris, grus. Mais il fault noter que les masses sont pl' chaulx que les femelles, par cosequér leurs graisses & moelles: les masses chastrez sont reduictz auec les femelles. Celles des bestes sauuages sont plus chauldes & seiches que des domestiques de mesme espece.L'vsage des graisses en nature molles & humides : du suif en natures dures & robustes. Semblable vertu ont, oleum de lilio, lumbricor de lino, amygdalarum dulcium, & les huilles tresdoulces: pareillement celles ou seront cuittes, rad.althea,

Olea.

Emplastra.

lilior.bryonia, cucumeris agrestis, se.lini, fænigraci, ficus pingues. Vnguentum de althea, Emplastrum dia chilon commune, or magnum, de mucilag. ceroneum, oxycroceum I eannis de Vigo, coc.

resolutifz.

L'vsage des Nous vsons d'iceulx aux trop grades resiccations vniuerselles de tout le corps, comme à ceulx qu'i sont marasmez & extenuez par les diuturnes douleurs precedétes, ou par l'extreme & vehemente application des remedes:ce qui appert souuent à ceulx qui par vn tas d'em piriques ont esté mal traictez: pareillemet aux reficcatiós particulieres, cóme au col, à la bouche, aux bras, & aux iambes, ou souuét aduient decurtation, au moyen des nerfz & tendons spasmez,& retraictz par inanitió,& desiccatió violente:aussi quelquefois par repletion d'humeurs gros, lents, visqueux, & endurciz, remplissants & distendants lesdictes parties nerueuses. Souuent nous vsons de bains auec telz medicaments emollients: mesmes à l'issue d'iceulx vsons d'vnguents de mesme faculté (sans argent vif) desquelz faisons embrocations par tout le corps, non seulement pour amollir & humecter les humeurs susdictz, mais aussi le cuir & route l'habitude du corps, afin de les preparer aux autres remedes. Aussi faisons fomentations, embrocatiós, & applicatiós d'emplastres particulieres pour les mesmes raisons.

20 Des medicaments suppuratifz.

MEdicament suppuratif est celuy qui en Nature des fortifiant la chaleur naturelle (ayat sub-suppuratifz. stance emplastique) cuit, & transmue le sang, & humeur superflu en sanie & matiere. Il est de chaleur proportionné à celle de la partie: mais la substance emplastique est la principale quant à la suppuration, & est ce qui le faict differer d'auec les emolliéts: car si les malactifz calastiques, & emollients sont messez auec autres medicaments de consistace emplastique, ilz seront faictz suppuratifz : ce que font souuet melmes les repercussifz, iaçoit qu'ilz soyet

Nature des

260

froidz: car par le moyen de leur substace crasse, & visqueuse les pores sot opilez: Ce qui aduient par laisser à l'entour d'vn vlnere, ou vlcere tel vnguent, soit vnguent dict nutritum, de bolo, ou autre repercussif: car par default de transpiration se faict retention des excremens suligineux, lesquelz retenuz sont inslam mation, & aposteme. Aussi les pores sermez la chaleur naturelle est retenue, laquelle augmétée en substance, non en qualiré, est principale agente en generation de sanie. Et est certain que tous medicaments emplasticz auec quelque chaleur sont suppuratifz.

Plante.

Gummi.

Adipes.

Les simples sont radix liliorum, cape, cyclaminis, althea, buglosi, cucumeris agrestis, Malua cum toto, bisma parietaria, branca vrsina, senetio, viola, buglossum. Pix, cera, resina, thus, styrax, ladanum, galbanum, ammoniacum passula, ficus, cerum decostum, farina volatilis, hordei, loly, triticum, ceius farina, fanumgracum, sem. lini, butyrum. Adeps porcinus, vitulinus, vacca, capra, tauri, ce. vitellus oui. Aussi tous medicamets chaulx tendans à humidité messez auec medicaments de substance emplastique, & qui peult fermer les pores,

Les composez sont oleum dulce, liliorum, lum-

bricorum, e.c.

Vnguenta. Vnguetum commune dict basilicum: auquel ad-

ioustons pour le fortisser gummi ammoniaci, galbani, & semblable.

Emplastrum diachylon commune, paruum, magnu, Emplastra.

er de mucilag.erc.

On vse de telz medicaments pour aider à L'usage des la suppuration des bubons, ou poulains, des-suppuratifz. quelz sont faictz fomentations, embrocatios, cataplasmes, & emplastres : aussi quelquesfois par dessus les viceres calleux, & durs, pour les aider à cuyre, & suppurer: mais peu souuent, par ce que les homeurs alterez de tel venin ne suyuent aisément la concoction, & suppuration commune: plustost au lieu d'icelle se pu trifient, ou sont renduz plus sordides, ou virulents. Au moyen dequoy au lieu d'iceulx suppuratifz doulx sommes cotrainctz y appliquer medicaments violents, chaulx, & acres, qui feruent de consommer ladicte virulence, comme on voit par experience; qu'au lieu de basilicon, ou autre tel medicament appellé digestif pour cuire, & digerer l'humeur contenu en telz vlceres, nous appliquons pouldre de mercure vnguent Ægyptiacum, & telz medicaments violents, qui infalliblement aident à la concoction, & rendent la sanie plus digeste, & louable.

Des medicaments detersifz.

Nature des detersifz. Médicament detersif, abstersif, ou mundificatif, est celuy qui a puissance de separer, & attirer l'excrement purulent, & sordide du centre ou prosond des viceres à la circunference, lequel est de temperature chaulde, & de tenue substance. Aucuns d'iceux sont debiles, & peu sorts, ils se cognoissent par leur saueur doulce: les autres plus valides, & sorts. La saueur d'iceux est amere, & nitreuse: lesquelles saueurs perpetuellemet sot detersiues.

Les simples sont rad. Ireos Flor aristolochia, vi-

Difference d'iceulx.

Radices.

Plante.

Gummî.

Metallica.

Syrupi.

tis alba, enula campana, bryonia, gentiana, scylla, asphodeli, serpentaria vriusque, sigili beata Maria, acori. Consolida maior cum toto, consolida regalis, melissa, chamapithis, eupatorium, fumus terra, abrotonum, prassium seu marrubium; artemisia, appium, absynthium, omnes tithymalovum secies, amygdala, faba, Terebinthina, mastich sarcocolla, myr rha, propolis, aloe, tragachanta, sagapenum, ammoniacum, galbanum, serum lastis, saccharum, mel, aqua vini, sapo, se lini sænigraci, hordei, erui, Lupini, scamma æris, as vsum, as viride, antimonium, calx,

chacitis,misi,sori,alumen,stercus caprinum. Les composez sont strup. violaceus, rosaceus, de eupatorio, de artemisia, de fumo terra, de absm-

thio, lixiuium. Oleum de vitellis ouorum, oleum te-Olea. rebinth. oleum de tartaro. Vnguentum fuscum, de vnguenta. apio, apostolicum, Agyptiacum, pul. mercurialis, & plusieurs autres composez.

L'vsage des medicaments susdicts est neces- L'usage des saire pour la detersion des viceres sordides, pu medicaments

trides & compliquez auec plusieurs, & diuers detersifs. symptomes: desquels nous vsons en diuerse maniere, comme en vnguents pour les vlceres egaux en forme de liniments mollets, pour les vlceres caues: & en iniection, pour les vlceres sinueux, & profonds. En l'vsage desquels gist vne grande, & curieuse speculation, pour ne tumber en l'erreur de cestuy dequoy parle Ga lien au troisiesme de sa methode, qui sans raifon vouloit curer vn vlcere fordide en y appliquant medicamét trop detersif, par le moyen duquel il l'augmétoit de plus en plus, d'autant qu'en colliquant, & consumant la chair subiecte il voyoit l'vlcere plus sordide. Pareillement en ceste maladie penuét estre deceuz ceux qui au precedent la purgation, & suffisante preparation des corps vouldrot deterger, & expurger l'excrement sordide des vlceres:car les me dicaments doulx ne mundifieront la sorditie rebelle & maligne:Les medicaméts trop forts par leur acrimonie colliqueront la chair subiecte, ou inciteront facilement fluxion en corps

plethoriques, & cacochymes: au moyen dequoy fault methodiquement ratiociner la nature de la maladie, de tout le corps, & des parties, ensemble des remedes, pour ne tumber en tels inconueniens.

Des medicaments farcotiques.

Omme ainsi soit que le propre de nature soit engendrer la chair, il semble impertinent vouloir descrire medicament sarcotique ou engendrant chair: mais suyuant Galien nous appellons medicament sarcotique celuy qui par son abstersion, & desiccation moderee aide à nature (luy ostant les empeschemens) à la regeneration de la chair. Et doibt estre de temperature seiche enuiro le premier ordre, ou degré, afin que les deux excrements gros & fubtil, aufquels contrarie l'abstersion, & desiccation, ne puissent empescher l'action de nature. Ce qu'il fault entédre diligemment: car d'autat que l'humidité superflue excedera l'habitude naturelle, comme en vn vlcere fort humide estát en la verge, & telles parties próptes à receuoir toutes humidirez excreméteuses, il fauldra que le medicamét s'arcotique soit plus fec:autant de la detersió.Voila pourquoy

Nature des Sarcotiques.

26

il y a des medicaments dicts farcotiques, qui font secs au deuxiesme, & troissesme ordre, & degré: ainsi des autres. Aussi Galien en toutes ses compositions a tousiours supposé le corps temperé delaissant à la coniecture de l'operant la quatité, & qualité des choses estrages, selon lesquelles il pourra augmenter, ou diminuer.

Les simples sont, radix aristolochiæ longæ, & Radices, rotundæ, Ireos, consolidæ maioris, scordy, acori, asari, Bethonica, artemisia, centaurium maius, & minus, Plantæ, sonicula, symphytum, petreum, millesolium, lingua canis, scabiosa, pinpinella, verbena, tragacantha, hypericon, Thus, olibanum, gummi Arabici, masti-Gummi. ches, colophonia, terebinth. manna thuris, cortex thuris, aloe, borax, myrrha, mel, vinum, farina hordei, fabarum, orobi, lupinorum.

Les composez sont, oleum mastichinum, de ab-Olea. Inthio, vitellis ouor. de nuce moscata, cydoniorum.

Vnguentum aureum, basilicum, Emplastrum de _{Vnguenta}. Bethonica, gratia dei, triapharmacum ou empla-

qualité: par consequent est necessaire, que tant

strum nigrum.

Tels medicaments sont propres aux vlceres Vsage des cauerneux, & auec deperdition de substance, medicaments pourueu qu'ils soient suffisamment detergez, sarcotiques, autrement il s'engendre vne chair molle, baueuse, & de nulle value: aussi fault que le sang costuant en la partie soit bon en quatité, & en

la virulence de ceste maladie qu'autre mauuai se habitude de tout le corps, & aussi des parties soient ostez: autrement il n'est possible regenerer chair qui vaille.

Des medicaments epulotiques, ou cicatrizatifs.

epulotiques.

表表

Especes des epulotiques.

Nature des D Este pour la desiccation de tous viceres à K deduire les medicaméts epulotiques, ou induisans cicatrices, qui sont ceulx qui par leur siccité & astriction sans acrimonie, ont puissance de tellement desecher, astraindre & condenser la chair, que d'icelle il se faict cicatrice, qui est substace semblable à cuir. Et peuuent estre de trois especes: les premiers sont les vrais epulotiques: les seconds sont les catheretiques ou corrolifs, & ce par accident : comme si on inspergeoit, ou appliquoit bien petite quantité d'iceux, messee parmy vn vnguent sur vn vlcere prest à cicatriser, par ce que lors n'auroit plus force de corroder, mais seulemét cicatrizer. Donc le medicament epulotique sera sec au second ordre ou degré plus que le temperé, soit que sa qualité active soit chaulde, ou froide, pourueu qu'il y ait telle astrictió qu'elle ait puissance de desecher l'humidité excedente de la chair subiecte, come sont tels;

Radix aristolochia, gentiana, centaurium, iua Planta. moscata, chamædrys, serpentaria minor, cauda equina, eupatorium, ebulus, pentaphyllon, perfoliata, Gmphitum maius, verbenaca, plantago, quercus, balaustia, galla, psidia, malicorium, aloe, acacia, Gummi. iris illyrica, sanguis draconis, sarcocolla, alumen, as vstum & lotum, vitriolum vstum & lotum, plum- Metalla. bum vstum, pumex vstus, specularis lapis, terra lemnia, cerusa, pompholyx, bolus armenia, chry socolla, chalcanthum sine atramentum sutorium, cadmia, scamma æris, & ferri, Erugo, calx pluries lota.

Vnguentum diapompholygos, Vnguentum album Rhasis , Vnguentum desiccatiuum rub. Emplastrum Vnguenta. de cerusa, Emplastrum diachalciteos, Emplastrum ^{Emplastra}-

triapharmacum.

En l'vsage de tels medicaméts, plusieurs sont vsage des cause que les cicatrices sont disformes, & mal medicaments vnies: les vnes demeuret caues, & auec deper- epulotiques, ditio de substace, parce qu'on aura vsé desdits remedes au parauat q la chair fust sustilammet regeneree, ne plus ne moins, comme les autres vsas par trop de sarcotiques la chair excede,& est trop esleuce: au moyé de quoyn'ayat le medicamét epulotic puissance de cosommer suffisammét ladicte chair, ains seulement en colli quer & deseicher portion pour la generatió du cuir, lors demeure la cicatrice trop grosse & es leuee. Donc il fauldroit pour la faire egale &

vnie appliquer ledict medicamét quad la chair seroit quelque peu plus esseuce, que les parties circumiacentes: afin qu'en la desiccation il se face consomption seulement de ce qui excede: qui sera tant par la consideration de la mollesse ou solidité des corps, que de la force ou imbecillité du medicament.

Des medicaments Pyrotics, ou caustiques.

YVíques à present ie pense avoir suffisammet Atraicté la matiere, pour la troissesme indication, & doné remedes de toutes natures, pour fuyure la curation de la maladie propofee:tou tesfois ie suis contant pour le soulagement des ieunes estudiants, y adiouster les medicaments acres & violents appellez des Grecs pyrotics, delaissants ceux desquels i'ay pensé me pouuoir passer. Donc tels medicaments sont reduicts soubs le genre des caustiques, comunemét dicts cauteres potétiels, qui sont ceux qui ont faculté de corroder, putrefier ou induire Les especes eschare. Et pourros les diviser triplemet, differens seulement selon plus & moins. Les premiers sont les debiles, que les Grecs nomment catheretiques, nous les appellos corrosifs. Les secods sont appellez des Grees septies, ce sont

des pyrotics.

ceulx que nous disons putrefactifz. Les tiers sont dictz escharotiques, que nous disons ru-

ptoires ou cauteres potentielz.

Les premiers qui sont catheretiques, sont Nature des ceulx qui par leur vehemente desiccation col. catheretiques liquent & degastent la chair subiecte:lesquelz comunement on applique aux vlceres, ayants chairs superflues, come Radix asphodelorum, beta, Radices. pyretrum, allium, hermodactyli pul. spongia præsertim vsta, corralliu rub. alumen vstum or non vstum, Metallica. chalcitis vsta er lota, calx mediscriter lota, diphryges, chalcanthum, my si, sori, antimonium, as vstum, scamma aris, erugo aris seu as viride flos eris, erugo rasilis. Si on les veult moins violents, il fault les brusser & lauer, car par combustion, & lotion, tous mineraulx delaissent leur acrimonic. Semblable effect feront Trochisci seu pastilli, an-Trochisci, dronis, polyida, musa, pasionis, calidicon, asphodelorum. Vnguentum Ægyptiacum, Vnguentum omne Vnguenta. detersiuum, cui permixtum fuerit aliquid ex his medicamentis prædictis, puluis angelicus, coc.

Les seconds dictz septiques, sont ceulx qui Les meditasont plus forts que les predictz, & ont faculté mets septies.
par leur grade chaleur, & tenuité de substance
sondre, & liquesier la chair molle & tendre;
soubz lesquelz coprendrons ceulx qui peuuet
vlcerer le cuir superficiellement:comme ceulx
que nous disons vesicatoire, qui sont telz.

Radices.

Herbe.

Radix sigilli beata Maria, serpentaria vtriusque, ranuculi, cyclaminis, scylla, bryonia, Apium risus, apiu regale, omnes tithymaloru species, euphorbium, mel anacardinum, sinapi, cantharides, arsenicum, sublimatum, realgar, appliquez en petite quatité,

& sans autres medicaments ayant substance Metallica. emplastique.

Les medicarotics.

Les troisiesmes dictz escharotics, ou caustics mens escha- sont dictz tresforts, no qu'ilz soyet plus chaulx que les septics, mais pour leur crassitude de fubstance, autat en pourroyét faire lesdictz septics estants meslez auec medicaments astringents, pourueu que leur vertu n'en fust diminuée, comme est tartarum quod est fex vini, cadmia, sapo, chalcitis, erc.

> Telz medicaments sont descriptz de plusieurs autheurs, entre autres i'ay trouué bon celuy qui est composé ex sapone nigro, or calce viua, cum tartaro: aussi celuy qui sera composé

en la maniere suyuante.

Cautere potentiel.

Re aqua prima cum qua fit sapo, lib. iy. vitreoli Romani, salis ammoniaci, nitri, singulorum 3. i. postquam diligenter vna fuerint dissoluta, decoquantur ad sordium crassitudinem, tunc adde opy thebaici E. B. deinde torreantur igne tandiu vt lapidescant:offra Eta olla, lapillos adhærentes obturato vase vitreo conseruato.

Le capitel, ou eaue premiere pour faire les-Capitel.

dictz cauteres se doibt faire ainsi,

Re calcis viua chalcitis falis ammoniaci an lib i infundantur in lixinio cinerum truncorum fabarum

vsque ad perfectam macerationem.

Et ne vous abusez en la fortification de telz caustics, pour y messer arsenicum, sublimatum, similia: pource que par leur tenuité de substance ilz se resoluent en l'ebussition, & aydant à euaporer la vertu des autres medicaments.

diuersité des symptomes & nature des corps: comme en viceres fort humides, & corps robustes, les septics & telz medicaments forts pourroyent tenir le lieu des catheretics & telz medicaments que nous disons debiles: autant s'en pourroyent faire des escharotics, lesquelz en vn corps fort robuste feront moins que les septics en natures delicates, & tendres. Aussi la maniere de les augméter seroit les appliquer en plus grande quantité, tenus plus longuement sur la partie, & plus souuent repetez. L'vsage desquelz en ceste maladie est different

L'vsage desquelz en ceste maladie est different d'auec les autres, ausquelles on a de coustume appliquer à l'enuiron medicaments refrenants & repercussifiz : à fin q par le moyé de la douleur, & chaleur il ne se face attraction, & sluxió en la partie:mais en ceste cy & ses symptomes, signament aux bubons Veneriens (n'estans les


Nous vsons desdictz medicaments pour la Vsage des

METHODE 272 fluxions trop extremes) nous deuons allicer, & attirer tant que possible sera, à fin que telle virulence ne blesse les parties nobles : toutesfois telz remedes doyuent estre appliquez a-La maniere uec moyens. La maniere de les appliquer en ceste maladie est, si l'inflammation n'est par trop grande, qu'il fault auoir vne emplastre faicte de diachylon magnum, ou album, laquelle aura vn pertuis aucunement oblong par le milieu de la grandeur de l'ouuerture que demandez : on y mettra le medicament caustic, ayant au parauat humecté le lieu auec bien peu de saliue, pour inciter le medicamét, & reduire de puissance à effect : puis fauldra appliquer petite compresse de charpie, ou linge en diuers doubles, pour couurir le medicament caustic seulement, & vne autre emplastre de mesme le premier par dessus, pour cotenir le tout : & ainsi le bander insques apres fon operation, qui sera en deux, ou trois heures. Et en la premiere remutation fauldra scarifier, & ouurir le lieu brussé, & noir auec lancette, ou semblable instrument, qui se fera sans douleur, ioinct que la partie est brussée, & infensible: alors fauldra poursuyure la cheute de l'eschare, & curation de l'vlcere, ayant

recours ou i'ay traicté de la diuerse curation

des vlceres.

d'appliquer les cauteres potentiaulx. Iusques icy amy lecteur, ie t'ay declairé la bonne part de ce qui touche & appartient au subiect de mon entreprinse : que ie te prie receuoir auecques toute bienueillance, comme escript & auance, en faueur de toy & du publiq auancement pour arres de la bonne volonté, que i'ay d'ayder & proffiter à toy, & à chascun en tout ce que ie pourray d'ailleurs, & en ce mesme traicté: lequel ainsi que la congnoissance, & l'experience croistront, & se cofermeront en moy, i'accroistray & confermeray d'autres doctrines, & raisons seruates à ton proffit, & dediées, comme moy, perpetuellement à ton bien, à ton plaisir, & au gré de ta bonne grace:laquelle auec ta faueur ie te supplie me departir en lisant ce mien petit liure, & supportant humainement l'imperfection de la puissance, qui le plus souuent n'est egale à la grandeur du bon vouloir.



des matieres principales contenues en ce liure.

A

Δ Ccidens & symptomes de la vairolle. 5.
A Accidents & douleurs qui surviennent à
ceulx qui en la curation de vairolle ont vse
de maniere de viure estroicte. 91.
Aduertissement pour la curation de gangrene
suruenue aux viceres de la verge. 200.
A la fin de la curation des poulains fault pur-
ger le corps. 210.
Alopecie aucunesfois est auec vairolle. 12.
Apertion saicte auec chose incissue, 208.
Apres les poulains, & vlceres de la verge bien
Ardeur d'vrine, ou pisse chaulde, aposteme en
l'ayne, vlcere au membre viril ne sont signes

Arget vis corre la tigne des petitz enfans. 102.
Argent vif reiecté par le siege sans mal aucun.
IO2.
Argent vif pour le laict coagulé. 104.
Argent vif en quantité l'est trouué en la teste
d'vn doreur.
Argent vifest naturel & artisticiel. 144.
Argent vif se peult tirer de tous metaulx. 144.
Artractifz par putrefaction. 252.
fii

	-
Attractifz de toute leur substance.	252.
Autre difference & complication des vlo	eres
de la verge.	178.
	car-
nositez.	226.
	174.
Autre division des medicaments.	241.
Axunges humectantes & emollientes.	99.
n n	770
	ກດດ້
Ponnes viandes indeuement prinses e	
D drent maladies froides.	113.
Bon vouloir de l'autheur à la republique.	67.
Bubon venerien, ou poulain s'engendre	
l'expulsion du venin de la vairolle.	22.
C	
Apitel.	270.
Caries & elevations des os estoit avar	nt l'v
fage d'argent vif.	120.
Cataplasme anodyn.	229.
Cause des viceres virulents.	187.
Cause materielle des tophes, ou nodositez	
230.	•
	4=0
	270.
Ceulx qui sot de texture rare, delicatz, & 1	
sont plus disposez à receuoir la vairolle.	
Chancre vulgairemet dict, est sorditie,&	
cheur des vleeres putrides.	195.
Chirurgie a besoing de diete & pharmacie	0 40
Chirangle a beloing de diete et pharmach	.491

Cinnabre ne se doibt appliquer seul. 169
Clisteres nettoyent commodement les pre-
mieres veines & intestins. 88.
Clisteres remollitifs pour empescher le grand
flux de bouche. 161.
Collation de l'argent vif auec le bois de ga-
iac. 73.
Collyre detersif & desiccatif. 199.
Combien de temps il fault vser de la deco-
ction. 89.
Comment se peult causer tremblement par
l'argent vif.
Comment le venin gaigne les parties nobles.
215.
Complication des vlceres. 184.
Composition de l'eaue philosophique. 69.
Coclusion que l'arget vif n'est veneneux. 110.
Considerations en l'vsage du bois de gaiac.84.
Crise imperfaicte.
Curation de vairolle est faicte en trois sortes.
47.
Curation du tremblement & imbecillité des
mounements par frictions d'argent vif.
135.136.
Curation des playes faictes par hacquebutes a
esté long temps incertaine. 141.
Curation des symptomes, ou accidents de la
maladie Venerienne. 174.

Curation des viceres de la verge. 178.
Curation d'intemperie froide. 185.
Curation des viceres virulents. 188.
Curation de gangrene suruenant aux vlceres
de la verge.
Curatió particuliere des bubos Veneries. 202.
Curation d'ardeur d'vrine prouenat de reple-
tion. 217.
Curation d'ardeur d'vrine prouenant d'inani-
tion. 219
Curation d'ardeur d'vrine prouenant du coit
veneneux. 220.
Curation des carnositez en la voye d'vrine.
224.
Curation des tophes sans corruptió d'os. 230.
Curation des tophes auec corruption d'os.231.
Curation vniuerselle & particuliere des dar-
tres. 236.
D.
Footion nour la prenaratio de l'eaue phi
losophique.
De la cognoissance de la maladie procede la
cure & inuention des remedes.
De la proprieté de l'argent vif. 82.
De la preparation de l'argent vis. 144.
De l'ardeur d'vrine, autrement appellee pisse-
chaulde. 211.
Des bubons Veneriens communement appel-
200 babons veneticus communement appet

les poulains.	200.
Des causes de la vairolle.	15.
Des ceroines, ou emplastres vicaires de	la fri-
Ction.	58.
Description du bois de gaiac.	74.
Des dartres, ou scissures serpigineuses.	235.
Des medicaments repellents.	248.
Des medicaments emollients.	257-
Des medicaments suppuratifs.	259.
Des medicaments detersifs.	262.
Des medicaments sarcotiques.	265.
Des medicaments epulotiques, ou cic	atrisa-
tifs.	266.
Des medicaments pyrotiques, ou caust	iques.
1,-21, 1, 1,	268.
Des perfums.	167.
Distillation de l'eaue philosophique se f	aict in
balneo Mariæ.	70:
Des vlceres sordides & purulents.	195.
Des vlceres de la verge.	177.
Deux choses en quoy consiste la doctri	ne du
Chirurgien.	I.
Deux moyens d'vser de perfums.	172.
Difference entre l'ardeur d'vrine Gono	rrhee,
Priapisme, & satyrialis.	211.
Differences de l'ardeur d'vrine.	212.
Difference des dartres.	235.
Difference des detersifs.	262.
Γ ::::	

Difference des resolutifs.	254.
Difference des sarcotiques.	265.
Difference des saueurs.	242.
Difference des bubons Veneriens.	201.
Difference des viceres de la verge.	177.
Diffinition de medicament.	239.
Diffinition de vairolle.	s.
Distillation pour la consomption des ca	rnosi-
tez.	225.
Diuerse application pour empescher le f	lux de
bouche immoderé.	163.
Diuers accidents qui accopagnent la vai	
	IO.
Diuerses coindications.	. 40.
Diuerses gargarismes pour les viceres	de la
bouche.	161.
Douleurs mobiles sont souuent auec la v	airol-
le.	II.
Douleurs nocturnes suyuent vairolle in	uete-
rec.	12.
Douleurs de teste, & amaigrissement vi	ennét
d'vn humeur maling & infecté du ver	
vairolle.	131.
Douleurs demeurer apres la curatió vniu	ersel-
le de vairolle par l'exces des patiens. 13	2.133.
Durant l'vsage de la decoction, on peul	
de clisteres, ou infusions laxatiues.	88.
Du prognostique de vairolle.	44.

Li-
T Auë distillee pour nourrir les patiens du-
rant le flux de bouche. 166. Faue propre pour deserber les viceres de la
Eaue propre pour desecher les vlceres de la
bouche. 165.
Eaue desiccatiue pour les pustules. 227.
Eaue desiccatine pour les dartres, 237.
Effects & vertu des emplastres. 160.
Effects & vertus des saueurs amere, acre, dou-
ce, oleeuse & insipide. 243.
Election de bois de gaiac. 76.
Election de l'escorce du bois de gaiac. 76.
Election de l'argent vis. 144,
Embrocation emolliente. 225.
Emplastre detersif & desiccatif pour les vice-
res putrides & virulents. 197.
Emplastres emollientes. 258.
Emplastres suppuratifs. 261
Emplastres epulotiques. 267.
En la vairolle fault entédre vn quatriesme gen
re de maladie.
En la vairolle est vn propre qui ne se peult bo-
nement dire.
Epilepsie, comme la vairolle se cure par medi-
caments propres.
Epilepsie est causee quelques fois par vairolle
inueteree. 14.
Erreur des empiriques.

Especes & differences de vairolle.	10.
Especes des repellents.	248.
Especes des epulotiques.	266.
Estuues seches.	99.
Exemple d'vn bubon Venerien retir	
dans.	209.
Experiece que l'arget vif n'est venence	ux. 105.
Experience de l'autheur.	191.
F.	1 1
Acultez du bois de gaiac.	73.77.
F Acultez du bois de gaiac. Fermentation de l'eauë philosopl	nique a-
uec les signes pour la cognoistre.	70.
Flux de bouche & vlceres l'engende	
l'attenuation des humeurs gros.	139.
Flux de bouche violent se doibt repris	
Fomentations emollientes.	237.
Frictions.	182.
Frictions molles, auant que prendre	la deco-
&ion.	86.
Frictions se pequent continuer deux	k fois le
iour.	153.
G.	_
Argarismes desiccatifs &astringe	nts pour
les viceres de la bouche.	165.
Gommes humectantes & emollientes.	
Gommes emollientes.	265.
Gommes detersiues.	262.
Gommes attractives.	252.

Gommes epulotiques.	267.
Gommes sarcociques.	265.
Gouttes proviennent souvent par la vai	
inueteree.	13.
Gráde partie des accidéts suyuás la vairo	lle se
guerissent par la vacuation vniuerselle.	176.
Guidon approuue l'vsage d'argent vif au	ıx vl-
ceres virulents.	192.
H.	
HErbes septiques. Histoire referee par maistre Antoi	270.
Histoire referee par maistre Antoi	ine le
Coq medecin.	17.
Histoire d'un vlcere cacoethe au membr	re vi-
ril.	23.
Histoire de parotides gueries par l'argen	nt vif
fans suppuration. 108	3.109.
Histoire d'vne grade morphée, ou defed	
de cuir aduenue, au moyen de l'vsage	dela
	5.127.
Histoire de deux curations faictes par	per-
fums.	169.
Huilles humectantes & emollientes.	99-
Huilles & vnguents repellents.	249.
Huilles attractiues.	252.
Huilles resoluentes, fortes & debiles.	253.
Huilles emollientes.	258.
Huilles detersiues.	263.
Huilles sarcotiques.	265.

TL fault mesler choses astringentes au	ec me-
dicamens relaxans pour appliquer	ux par
ties nobles.	65.
Il fault curer briefuement, seurement,	& fans
douleur.	66.
Il fault continuer l'vsage de l'eauë philo	
que vingt, ou trente iours.	69.
Il ne fault vser de maniere de viure es	
en la vairolle.	91.
Il fault messer auec l'argent vif medica	
convenables par les indications.	
Il fault auoir esgard à l'appetit des patié	
	160.
Il ne fault estre trop curieux des noms.	
Il ne fault en curăt les symptomes & m	ialadie
delaisser la cause d'icelle.	
Il ne survient toussours flux de bouche	7.
les frictions.	_
Il ne fault ruginer les os carieux.	157.
Indication de la temperature.	233.
	57
Indication prinse de la formation.	1. 59.
Indication prinse de la situation.	61.
Indication prinse de l'action.	63.
Indocte exhibition des medicamets pur	_
cause plusieurs maladies.	103.
Infusion de choses laxatiues, durant l'vs	~ ~
la decoction.	88.

Iniections.	217.
Iniections refrigerantes & humectantes.	220.
Iniection contrariant au venin.	222.
Iniection detersiue,	223.
Iniection emolliente.	224.
Intemperature froide.	184.
Intemperature seiche.	186.
Intemperature humide.	186.
Intemperature contre nature.	53.
Intemperature naturelle.	53.
Intermission des frictions.	154.
Ius, decoctions, ou caues, pour deseicher e	n ar-
deur d'vrine.	218.
L	
La cause primitiue de la vairolle. La cause conionnete de la vairolle.	15.
La cause conjoincte de la vairolle.	31.
La cause materielle de la vairolle est princ	cipa-
lement pituiteuse.	27.
La cognoissance des signes ne se peult ac	que-
rir que par raison & assidue experience.	41,
La decoction de gaiac est vtile pour toute	s affe
ctions, esquelles est besoing d'eschauffer	, at-
tenuer, & prouoquer sueurs.	72.
La decoctió peult guerir les douleurs qui	n'ót
cedé a la friction & flux de bouche.	90.
La forme & maniere d'vser de la decod	tion
de gaiac.	84.
La forme d'executer la friction.	149.

La triction n'est comode en corps & hume	ur
non preparez.	97
La maniere d'vser de l'eaue philosophique.	68,
La maniere de preparer le bois de gaiac.	78.
La maniere la plus commune & vsitée de p	re.
	80
La maniere d'appliquer cauteres potétielz.	
La maniere de prouoquer sueurs.	
	45
La maniere de viure durant le flux de bouch	4)
165.	110
T 12 C 1 C	16
La maniere d'vser de perfums.	72.
La maniere de curer la vairolle par friction	•
96.	1
La matiere des perfums.	71.
La proprieté des medicaments se cognoist p	at
	18.
La premiere maniere de curer la vairolle p	ar
l'vsage de la decoction de gaiac.	71.
La quantité que lon doibt prendre de l'ea	
	68
La quantité, & mesure que lon doibt prend	re
	35.
La quatité, ou qualité du viure ne se peult de	
crire.	93
La rheubarbe a esté par long temps doubte	
	10
12,00 citimee dangereure,	F.V

L'argent vif est alexipharmac de la vairolle.
100.
L'argent vif prins par dedans n'est veneneux
IOI.
L'argent vifentre aux vnguents pour la ron-
gne. 102.
L'argent vifne se peult prendre en trop gran-
de quantité, comme les autres purgatifz, sans
lesion. 104.
L'argent vif contrarie à la malice des vlceres.
107.
L'argent vifne demeure dedans le corps. 115.
L'argent vif ne se trouue aux corps morts,&
suffoquez par friction immoderée. 116.
L'argent vif ne peult esseuer la substance des
os. 118.
L'argent vif mal preparé se peult reunir. 117.
L'argent vif ne l'est trouvé en vne nodosité
d'vn corps anatomisé aux escholes de mede-
cine. 118.
L'argent vifest proprè pour la curation des
morphees. 129.
L'argent vif n'est cause des douleurs & amai-
grissement, qui advienent apres les frictios.
130.
L'argent vifn'est cause de la renouation des
douleurs. 133.
L'argent vif n'est cause du tremblement. 134.

L'arget vit n'engedre vicere en la bouche. 138.
L'argent vif appliqué aucc methode, peult fai-
re chose admirables. 141.
La seconde decoction.
La situation & position monstre par quel lieu
fault euacuer l'humeur. 63.
La troisiesme maniere de curer la vairolle. 163.
La vairolle à esté apportée en ce pais par les
Espaignolz. 2.
La vairolle ne vient ny de la contagion ne de
l'air & aliments corrompuz.
La vairolle à eu commencement par l'indigna
tion & permission du createur. 3.
La vairolle est comme punition de l'enorme
peché de luxure. 4.
La vairolle est vne seule, & non plusieurs ma-
ladies. 6.
La vairolle se peult mieux descrire, que desi-
nir, 6.
La vairolle se cure par vn seul medicament, &
vne seule intention, partant n'est compli-
quée. 7,
La vairolle ne se peult guerir par medicamers
communs aux trois genres de maladie. 8.
La vairolle se complique auec trois genres de
maladie.
La vairolle est pricipalle ennemie aux nerfs.13.
La vairolle degenere aucunesfois en elephan-

tie ou lepre. 14.
La vairolle se peult acquerir par la reception
de l'air & haleine infecte. 16.
La vairolle faicte esgalement & absoluement
par tout le corps est incurable. 23.
La vairolle est quasi perpetuellement compli-
quée auec plusieurs humeurs. 40.
La vairolle se guerist par l'eduction de la ma-
tiere pituiteuse. 29.
La vairolle requiert plus la chirurgie qu'autre
partie de medecine. 66.
La vairolle est maladie logue, & chronique, 91.
Le boire durant la curatió de la vairolle.94.95.
Le nourrissement de la decoction est terrestre
& melancholique. 93.
Le nombre des frictions est coniectural. 152.
Le plomb est propre contre la malice des vice-
res. 107.
Le plomb est amy & familier à nature. 107.
Le regime & maniere de viure en l'vsage de la
decoction de gaiae. 91.
Les accidents qui ensuyuent la resolution du
cerueau. 64.
Les causes des douleurs, qui demeuret apres la
curation vniuerselle de vairolle. 131-132.
Les carnositez en la voye d'vrine ne sont incu-
rables. 224.
Les cauteres potentielz ne sont propres aux

nodositez.	232.
Les choses qui fault considerer pour orde	nner
la maniere de viure en la vairolle.	92.
Les effectz & accidents de la vairolle soi	
rez par remedes communs.	146.
Les especés du bois de gaiac.	75.
Les especes des medicaments attractifz.	251.
Les especes des pyroticz.	268.
Les exercices & mouuements durant la	CIITA-
tion de vairolle.	95.
Les frictions doyuent estre mediocres.	151.
Les indications particulieres.	55.
Les isles d'ou est apporté le bois de gaiac	- 75-
Les lieux propres pour la friction.	149.
Les medicaments sont congneuz par l	es sa-
ucurs.	242.
Les medicaments septiques.	269.
Les medicaméts escharotiques.	270.
Les nodositez se guerissent par l'actio de	l'ar-
gent vif.	119.
Les nodositez s'engendrent sans l'vsage	d'ar-
gent vif.	120.
Les nodositez & tophes sont propres syn	npto-
mes suyuants la vairolle.	122.
Les parties spermatiques sont principale	
affectées en la vairolle.	23,
Les parties esquelles on doibt commend	
friction.	TCT

Les patients assopiz.	.8.
Les premiers & plus communs signes de	la
11	ļī.
Les plus certains signes de la vairolle.	2.
Les repellents forts. 25	0.
Les signes de la vairolle bilieuse.	4.
Les signes de la vairolle sanguine.	33•
	36.
	38.
Les signes prins des choses naturelles, non n	12-
turelles, & contre nature. 33.34.36.	
L'espace du temps que lon doibt demeurer	en
• • • •	7.
Les symptomes precedents la vairolle.	75.
Les symptomes suyuants la vairolle.	75.
Les symptomes dictz suruenas à lavairolle.	175
Les symptomes suyuants la vairolle cessent	
plus souuent auec la generale curation d	l'i-
	.6.
Les trois indications prinses des choses nat	u-
relles, non naturelles, & contre nature.	
Les viandes qui conviennent, ou nuysent à	
. 1 . 11	4.
Le temperament naturel du corps, la regio	n,
l'air ambient font beaucoup pour acque	
1	21.
Le temps pour vser de la decoction.	82.
	83,
• •	

Le temps de necessité.	82.
Le temps du mouvement des accez.	28.
Le temps de la friction.	141.
Le temps comode pour vser de perfums.	173.
Le venin de la vairolle se communique à	
le corps en mesme sorte que le venin	
chien enragé.	21.
L'heure plus commode pout l'vsage de le	a de-
coction.	87.
Lichen ou mentagra, maladie fort sembla	
la vairolle.	16.
Ligatures.	181.
L'indication prinse des choses naturelles.	53.
L'indocte application de l'argent vifest	
gereuse, comme de tous autres me	
ments.	112.
Liniment anodyn.	228.
Liniment pour les dartres.	237.
L'or p sa grade samiliarité qu'il a auec l'ar	
vif.le tire de toute l'habitude du corps.	
L'origine de la vairolle est incertaine.	2.
L'ouverture des bubons ne doibt estre c	
rée.	210.
L'humeur corropu de vairolle laisse quel	que-
fois les parties charneules, & affecte le	
feuses & froides.	122.
L'vsage de l'eaue philosophique contre l	es si-
gnes & accidents de la vairolle	68.

L'vsage de la decoction de gaiac est bié	doux,
& non violent.	72.
L'vsage de la seule decoction ne peult g	guerir
la vairolle.	90.
L'vsage de la decoction de gaiac excite s	ouuét
Aux & vlceres de bouche.	139.
L'vsige de la decoctió de gaiac aide beau	coup
en ardeur d'vrine, ou pisse chaulde.	221.
L'vlage de sirigue aux vlceres de la verge	. 197.
L'vsage des medicaments repellents en l	a vai-
tolle.	250
L'vsige des attractifs.	252.
L'vlage des resolutifs.	256.
L'vsage des emollients.	258.
L'vlage des suppuratifs.	261.
L'vlage des medicaments deterlifs.	263.
L'vsage des medicaments sarcotiques.	265.
L'vsage du cautere actuel.	207.
M.	
M Aladie Venerienne doibt estre le pr nom de la vairolle.	ropre
nom de la vairolle.	4.
Maladies qui suruiennent à la debilitatio	n du
foye,& du cueur.	64.
Maniere de mettre l'argét vif en pouldre	.170.
Maniere de curer les viceres virulents p	
nants par le coït.	190.
Maniere de viure pour l'ardeur d'vrine pi	roue-
nant du coït veneneux.	220.

Maniere pituiteule est la premiere affect	tee en
la vairolle.	30.
Medicaments operans par proprieté si	ecifi-
que,& occulte conuiennent à la vairol	le. 8.
Medicament anodin & chalastique.	
Medicaments roborants & coleruants le	
fes naturelles.	147
Medicaments detersifs ne conviennent	au cō-
mencement du flux de bouche.	
Medicaments detersifs se peuuent mess	
gargarismes, pour le flux de bouche.	164.
Medicaments ingredients aux perfums.	172.
Medicaments chaulx.	181.
Medicaments pour les vlceres de la vers	ge sim
ples.	183.
Medicaments pour les intemperatures	
des.	184.
Medicaments pour curer vlceres viruler	
Medicaments desiccatifs.	194.
Medicaments derersifs.	198.
Medicaments attractifs sont propres aus	
	3.204.
Medicaments suppuratifs doulx.	105.
Medicamets topiques pour ardeur d'vri	
Medicaments topiques pour ardeur d	
prouenant du coït veneneux.	221.
Medicaments detersifs.	232.
Medicaments temperez en chaleur & fr	
re.	244.

Medicaments chaulx au premier, deux,	trois,
	4.245.
Medicaments froids, au premier, deux, tr	
quatriesme degré.	246.
Medicaments humides au premier, det	
troisiesme degré.	246.
Medicaments secs au premier, deux, tro	
	.248.
Medules humectantes & emollientes.	99.
Metaux attractifs.	252.
Metaux detersifs.	262.
Metaux epulotiques.	267.
Metaux catheretiques	269.
Metaux septiques	270.
Mucilages pour le flux de bouche.	162.
Mucilage refrigerant.	222.
N.	
	251.
Nature des attractifs.	269.
Nature des detersifs.	262.
Nature des emollients	257.
Nature des epulotiques.	266.
Nature des repellents.	248.
Nature des resolutifs.	253.
Nature des suppuratifs.	259.
Nature des sarcotiques.	264.
Nous vsons des medicaments veneneux,	
rigez sans aucune malice.	103.
2.502 Into didectio interior	

ON a împosé plusieurs noms à la vai par mauuaise affection corre les nari	rolle
par mauuaise affection corre les nati	ős.s.
On doibt plus desecher les vlceres du bal	anus
que du prepuce ou scrotum.	
On ne doibt froster les parties nobles.	
On ne doibt reprimer ny repercuter les	vlce-
res de la bonche.	161.
On ne peult lentemét deraciner la vairol	le en
moins de six sepmaines, ou enuiron.	
On peult intermettre les frictios par vn,c	leux,
ou trois jours es corps delicats.	
Ophthalmie est quelquefois auec vairolle	12.
P.	
Par la consideration d'vn simple, lon paruenir à vn composé.	peult
paruenir à vn composé.	39
Par le boire & manger se peult acqueri	r vai-
rolle.	17.
Par le coit se gaigne la vairolle, principal	
en ceux qui sont preparez.	20.
Par l'imbecillité des remedes peult adi	
tremblement du corps,& aussi prinatio	n du
monnement.	135.
Parties honteuses sont le plus souuent les	pre-
mieres infectees de la vairolle.	20.
Perfoms sont propres pour les affections	
ticulieres apres l'vsage des choses vniue	
les.	167

Perfums des choses aromatiques sont à pr	efe-
rer.	169.
Perforation de l'os alteré, est fort propre p	our
l'exfolier.	235.
Phlebotomie pour les vlceres de la verge.	
Phthysis ou tabes sont engendrees souuét	
la vairolle inueteree.	14.
Pisse chaulde souvent engendré la vairo	
par faulte d'y remedier	215.
	267.
m!	257.
D1 1 C	262.
TO COLOR	260.
m1 0 1 1	265.
Plusieurs opinios de l'origine de la vairoll	e. 2.
Plusieurs ont eu nodositez sans auoir ysé c	l'ar-
gent vif.	121.
D! 1	234.
Pouldre a esté iectee en l'air pour la gener	atió
d'apostemes, suyuant le commandemen	t de
Dieu.	4.
Pouldre desiccatiue.	294.
Pouldre desiccative pour les os.	233.
Pour curer methodiquement vairolle, fau	
gnoistre les choses naturelles.	50.
Pour euiter le prurit prouenant par les em	
	160.
Pour fortifier les perfums.	171.

Pour moderer les perfums. Premiere curation de vairolle se faict par	17I
A tempere entation de varione le tales par	
Premiere espece d'ardeur d'vrine auec se	47
fes.	2I2.
Premiere faculté des medicaments.	
	239
Preparation des corps.	26.
Preparation de l'huille rosart.	173.
Preservation de la vairolle	67
Prognostique de vairolle recente.	° 49
Prognostique de vairolle inueterce.	45
Purgation pour les vlceres de la verge.	180.
Valitez premieres, & secondes de l vif.	arget
vit.	106.
Quand fault vser de vacuation aux vlce	
la verge.	182.
Quantité de l'vnguent qui l'applique a	ux fri-
ctions.	III.
Quatité methodique de l'argent vif qui	entre
aux vnguents pour les frictions.	IIO.
Quatriesme faculté des medicaments.	240.
R.	•
Acines septiques.	270.
Racines detersiues.	262.
Racines catheretiques.	269.
Racines farcotiques.	265.
Raison deduicte par similitude.	102.

Refrenatifs.	198.
Regime pour les poulains.	200.
Remede preparatif pour humecter,& em	ollir.
	99.
Remede cotre le trop grad flux de bouch	
Repellents froids & debiles.	249.
Repellents chaulx & adstringents.	249.
Repercussifs ne couiennent aux poulains	
Reprehension de ceux qui sans cognois	
de l'art vsent d'argent vif.	II3.
Resolutifs forts.	255.
Response aux obiections faictes contre l'	argét
vif.	III.
Reuulsion pour les viceres de la verge.	188.
S.	
	181.
Anglues.	
Saueurs austere, acerbe, acide, & salee.	
Secode curatio de vairolle par pharmaci	
Seconde espece d'ardeur d'vrine auec ses	s cau-
fes.	213.
Seconde faculté des medicaments.	239.
Selon la temperature fault diuersifier le	es re-
medes.	51.
Selon la region, & partie de l'annee faul	t plus
ou moins nourrir.	93.
Semences humectantes & emollientes.	99.
Semicupium.	225.
Signe le plus certain en la vairolle.	29.

Signes pour cognoiltre la lufhiance d	es tri
ctions.	153
Signes de la crise.	155
Signes des viceres virulents.	188
Signes de sanie louable.	19
Signes des dartres.	236
Si le corps n'est preparé auant, la friction	
rera les bons humeurs.	98.
Spasme prouenant de la vairolle inueter	
Speculations requises en la consideration	
fignes.	39.
Suppuratif mediocre.	205.
Supporatif fort.	206.
Suppuratif tresfort.	206.
	6.137.
Symptomes des perfums violents.	167.
T.	/.
Erebinthine lauce auec eauë refrige	rante
prinse auec de la rheubarbe est b	
pour la pisse chaulde.	221.
Tophes, ou nœuds, atheromes, steatome	
licerides suyuent la vairolle inueteree.	
Tous medicamens ont leur origine de q	
choses.	241.
Toutes parties de mesme genre affecte	
mesme maladie, ne sont curecs par sei	
bles remedes.	56.
Toute tractation methodique doibt com	
a onto tractation mondique doibt com	A

cer par definition.	5.
Trochisques pour les dartres.	238.
Trochisques catheretiques.	269.
Troisielme curation de vairolle faicte par	chi-
rurgie.	48.
Troisiesme indication prinse des remede	s,8c
medicaments coadiquants à la curation	vni-
uerselle.	238.
Troisiesme espece d'ardeur d'vrine peult	estre
accident precedant la vairolle.	214.
Troissesme faculté de medicaments.	2400
Trois manieres d'accidents en la vairolle.	175.
Trois manieres de curer la vairolle.	67.
Trois substances sont au bois de gaiac.	77.
Trois manieres de preparer la decoctio	
bois de gaiac.	79.
Trois manieres de pparer le bois de gaiac	
Trois manieres d'ouurir les bubons.	207.
v	
77 Airolle inuererée.	12.
V Vairolle confermée est incurable.	46.
Vairolle mal curée peult degenerer en ele	
tie vulgairement dicte lepre.	126.
Vairolle n'est pas hereditaire.	156.
Vairolle l'acquiert par coucher au lict des	vai-
rollez.	18.
Ventouses.	18r.
Ventouses sans scarification pour les pou	lins.
204.	1.

Vlceres cacoethz accompaignent la vai	rolle.
II.	
Vlceres au nez accompaignent quelqu	esfois
la vairolle.	12.
Vlceres de la bouche viennent sans vsage	e d'ar-
gent vif par la malice de l'humeur.	138.
Vinguent fort desiccatif.	194.
Vnguents attractifz.	252.
Vnguents suppurarifz.	260.
Vinguents deterlifz.	263.
Vinguents farcotiques.	_
Vinguent epulotiques.	265.
	267.
Vnguents catheretiques.	269.
Vn medicaméts purgatif mis en vn corp	
necessairement action.	89.
Vne nourrisse peult gaigner la vairolle	
laictant vn enfant vairollé.	18.
Vsage des emplastres.	159.
Vsage des choses dorées est de grand est	ect co
tre le flux de bouche immoderé.	163.
Vsage des perfums.	168.
Vsage de la phlebotomie.	181.
Vsage l'autheur.	227.
Vsage des medicaments epulotiques.	267
Vlage des medicaments caustiques.	270
Vtilité des cauteres potentielz.	208.

